

Կրթություն

Շաբաթերթ «Krtutiun» (education) weekly «Кртыиун» (образование) еженедельник 24.04.2024թ. չորեքշաբթի թիվ 17-18 (1146-1147)

Կգա օրը, եւ մենք կվերադառնանք Յայրենիք ...Լինի 109, թե էլի մի քանի տարի անց

Ապրիլի 24-ին երկիրը խնկարկում է Յայոց Մեծ Եղեռնի զոհերի՝ սուրբ ևահատակների հիշատակը



1915-2024
Յայոց Ցեղասպանության
109-րդ տարելից

**Հիշում եմ
եւ վերածնվում**

Պատմության դասը

Յայ ժողովուրդն այլևս երբեք թույլ չի տա իր հետ վարվել այնպես, ինչպես 1915 թվականին ու դրանից առաջ, դրանից հետո... Յայ ժողովուրդն այլևս երբեք չի խաբվելու, որովհետեւ անվերադարձ թոթափել է մշուշը իր գիտակցության վրայից եւ այսուհետեւ ապավինելու է միայն ու միայն իր սեփական ուժերին...

Յայ ժողովուրդն այլևս երբեք չի պարտվելու, որովհետեւ յուրացրել է արդեն պատմության մեծագույն դասը. *չկան լավ կամ վատ ժողովուրդներ, այլ կան միայն ազգային շահեր*, որոնք կարող են համընկնել կարճատեւ պահերի միայն, իսկ ընդհանրապես՝ զտնվում են հավերժական բախման ու պայքարի մեջ, եւ *«հաղթում է ոչ թե արդարը, այլ՝ ուժեղը»*:

* * *

Եվ ուրեմն՝ մեր գիտակցության ու մեր գործելակերպի մեջ ամրագրենք այս պարզագույն ճշմարտությունը. **մեր Վերածննդի, Յատուցման, Վերադարձի միակ երաշխիքը Եղածը պահպանելն է, Եղածը պաշտպանելը եւ հզորանալը՝ միայն մեր սեփական ուժերին ապավինելով:**



Պիտի կերտենք նո՛ր արշալույս

Այն, ինչ տեղի ունեցավ 1915-ին ու դրանից առաջ եւ շարունակվեց մինչեւ 1923 թվականը, սկսվել էր 1878 թվականին, երբ միջազգային դիվանագիտության պատմություն մտավ Յայկական հարցը: Թուրքիան, օգտվելով առաջին համաշխարհային պատերազմի ընձեռած հնարավորություններից, հղացավ մարդկային պատմության մեջ մինչ այդ չլսված, նույնիսկ իրենց՝ թուրքերի պատմության համար աննախադեպ հրեշավոր մի ծրագիր եւ ձեռնամուխ եղավ դրա պետականորեն կազմակերպված իրագործմանը՝ Յայկական հարցից ազատվել Յայաստանում հայ բնակչության ոչնչացմամբ, մեկընդմիջտ տիրանալ հայ ժողովրդի պատմական հայրենիքին:

Տարիներ հետո «հայր» Ստալինը պիտի ասեր՝ չկա մարդը, չկա պրոբլեմը: Ֆյուրերը Հիտլերը պիտի ավելացներ՝ ո՛վ է այսօր հիշում հայկական կոտորածները: Բայց իրենք՝ թուրքերը, արդյո՞ք բավականաչափ հիմքեր ունեին մտածելու, որ մնալու են անպատիժ: Եվ արդյո՞ք հայերի ցեղասպանության համար ողջ պատասխանատվությունը ընկնում է միայն Թուրքիայի վրա, թե՞ կան նաեւ մեղսակիցներ: Կայգերական Գերմանիա՞ն... Ռուսաստան՞ը... Անգլիա՞ն... Առայժմ մեզ անծանոթ են եվրոպական պետությունների, Ռուսաստանի դիվանագիտական խարդավանքների ու խաղերի բոլոր մանրամասները, որ հիմքեր դառնային ուղղակի մեղադրականի, Յայկական հարցի պատմության՝ 1915-ին նախորդած 37 տարիների ընթացքում: Սակայն տարրական տրամաբանությունը մեզ հուշում է, մանավանդ, երբ համադրում ենք պատմական իրադարձությունները եւ հայտնի բազմաթիվ փաստեր, որ եւ եվրոպական պետությունները, եւ Ռուսաստանը իրենց քաղաքական շրջապտույտներով այնուամենայնիվ նպաստեցին Թուրքիայի ոճրագործ դիրքորոշմանը...

Հիշենք Սան-Ստեֆանոյի պայմանագիրը, ապա՝ Բեռլինի կոնգրեսը եւ Խրիմյան Յայրիկի «Երկաթե շերտի» պատվիրանը... Հիշենք դրանից առաջ քաջ զեյթունցիների՝ դեռեւս 1862-ին ժայթքած հերոսական ապստամբությունը: Ավաղ, 1915-ին Արեւմտյան Յայաստանի միայն մի քանի գավառներ ու քաղաքներ հետեւեցին քաջ զեյթունցիների օրինակին: Իսկ ընդհանրապես՝ 600 տարի պետականությունը կորցրած հայ ժողովուրդը, այլևս անվստահ սեփական ուժերի հանդեպ, հույսեր էր փայփայում օտար միջամտու-

թյամբ եւ օգնությամբ ազատագրվել դեռեւս 11-րդ դարից Առաջավոր Ասիա եւ Յայաստան ներխուժած սելջուկ-թուրքերից... Սկսած 1722 թ. Դավիթ Բեկի ապստամբության օրերից, մասնավորապես արեւելահայոց մեջ ձեւավորվեց ռուսական կողմնորոշումը: Յայության մի զգալի մասն էլ ուներ արեւմտյան (եվրոպական) կողմնորոշում: Երկարատեւ քաղաքական դեգերումներից հետո, վերջապես, 1878-ին կարծես թե «հասանք» մեր ուզածին. մեր դատը հանձնված էր օտար բարձր ատյաններին, մտել էր օրակարգ... Շուրջ 40 տարի մեր «հովանավորները» առեւտուր արեցին, եւ բոլորն էլ ինչ-որ մի բան շահեցին՝ բացի մեզանից: Ռուս-թուրքական պատերազմները հայոց հույսը միշտ վառ էին պահում, սակայն դա միայն Ռուսաստանին ձեռնտու հետեւանքներ էր ունենում: Ի վերջո, Յայկական հարցի «մենաշնորհը» Ռուսաստանն իր ձեռքը վերցրեց: Սակայն Ռուսաստանին Յայաստանը պետք էր առանց հայերի: Տնտեսական տեսակետից ձեռնտու էր Յայաստանի բնիկ բնակչության աքսորումը եւ ռուսներով բնակեցումը: Ռուսաստանի քաղաքական շահը պահանջում էր խոչընդոտել Արեւմտյան Յայաստանի ազատագրությանը, որպեսզի վերջնականապես ձուլեր, յուրացներ, սեփականացներ 1828-ից իրեն անցած Արեւելյան Յայաստանը...

Հիշենք 1914-ին Պետական Դումայում դեպուտատ Մարկովի ելույթը. *«Ինչո՞ւ համար, իսկապես, Ռուսաստանը պետք է Կովկասի սահմանազխում ստեղծի Մեծ Յայաստան: Դա ավելի վատ կլինի, քան Մակեդոնիան: Դա կստեղծի երկրորդ Լեհաստան: Յայերը լավ են ապրում, թե վատ, դա նրանց գործն է, իսկ մենք, եթե օժանդակենք ստեղծելու հայկական պետություն, նշանակում է՝ օժանդակենք կորցնել ամբողջ Կովկասը»*:

19-րդ դարի վերջին, հատկապես՝ 90-ական թվականներից, հայ ազգային-քաղաքական կյանքը զարթոնք էր ապրում: Թվում է՝ ուր որ է պիտի արվեր ազգային-ազատագրական պայքարի մի վերջին հզոր ճիգ, եւ վերականգնվում էր Պատմական Յայրենիքը: Սակայն այդպես էլ չկարողացանք մի բերել մեր ուժերը, ապավինեցինք օտարին ու ոչ միայն չհասանք մեր ազգային բնականոն երազի իրականացմանը, այլևս եղեռնագրկ եղանք, եւ կորցրեցինք մեր հայրենիքի 9/10-րդ մասը...

տես՝ նաեւ էջ 8-10

**Յայաստա՛ն, երկի՛ր դրախտավայր, Դու մարդկայնո ցեղիս օրրան,
Դու եւ բնիկ իմ հայրենիք, Յայաստա՛ն, Յայաստա՛ն, Յայաստա՛ն:**

Հետահայաց

Նահանջ
հազար տարով
Երկաթե շերտի դասը

Ուզենք, թե չուզենք, լինենք հանրապետություն, թե մի-
ապետություն, ժողովրդավարությանն անկեղծորեն փար-
վենք, թե խաղանք ժողովրդավարություն, մեր իրական
կամ արհեստականորեն մեր կողքին հայտնված հարե-
անների հետ լինենք պատերազմի, թե բարիդրացիական
հարաբերությունների մեջ, միեւնույնն է, մեր **խնդիրը**
մնում է նույնը արդեն հազար տարի: Իսկ թե որն է մեր ընդ-
հանրական խնդիրը, գիտե՞ք անգամ յուրաքանչյուր հայ
երեխա. ձեռակերպենք այն գեղարվեստորեն՝ **վերադարձ
դեպի Արարատ**, կուսակցականորեն՝ **ազատ, անկախ,
միացյալ**, պատմագիտորեն՝ **Պատմական հայրենիքի
վերականգնում**... թե մի այլ եզրով՝ էականն է: Բովանդա-
կությունը նույնն է: Ու քանի դեռ խնդիրը լուծված չէ, միշտ
մնում է այժմեական:

Մեր (միջին սերնդի) պատանության տարիներին մի-
ջազգային դիվանագիտությունն ու նրա պատմությունը
մեզ համար հետաքրքրական էին հենց այն մասերով, որ
ամենվիճակում էին **Հայկական հարցին**: Հետագայում այս
հասկացության փոխարեն ավելի հաճախ սկսեցին կի-
րառվել **Հայ դատի խնդիր, պահանջատիրություն** եզրե-
րը: Վերջին տարիներին առավել գործածական էր **Հայոց
ցեղասպանության ճանաչում** հասկացությունն է:

Առաջին հայացքից՝ երեքն էլ նույն իմաստն ունեն
կարծես, բայց նրբերանգային մեծ տարբերություն կա
դրանց միջև եւ նույնիսկ՝ ակնհայտ նահանջ: Ստացվում
է, որ մեր **հազար տարով նահանջը** նորից նահանջ է ապ-
րում: Այնինչ, Արցախի ազատագրական պայքարը եւ հաղ-
թանակը որոշակիորեն կանգնեցրին մեր հազարամյա նա-
հանջը. **վերականգնված է Հայաստանի Հանրապետու-
թյունը**՝ իբրեւ անկախ եւ ինքնիշխան պետություն, եւ
ազատագրված է Պատմական հայրենիքի արեւելյան
կողմի մի հատվածը: Թվում է, թե ժամանակն է պետակա-
նորեն անդրադառնալ **Սեւրի** դաշնագրից բխող մեր իրա-
վունքներին...

Սակայն քաղաքագետը կամ պետական քաղաքակա-
նության մեջ գործող անհատը կարող է մեզ դիվանագի-
տական խրատ տալ, թե՛ քաղաքականությունը **հնարա-
վորի** իրագործման արվեստն է, եւ Հայոց ցեղասպանու-
թյան ճանաչումով այսօր բավարարվելը տրամաբանորեն
ճշգրիտ տարբերակ է: Գուցե դա ճիշտ է արտաքին դիվա-
նագիտության դաշտում, բայց ոչ երբեք՝ մեր **հասարակա-
կան գիտակցության** մեջ: Նկատի ունենք մեր հազարամյա
նահանջի պատմական ցավալի փաստը եւ վերածնված
Հայաստանի առաջիկա հաջողությունների հանդեպ մեր
մեծ ակնկալիքը: Այն հզոր ներուժը, որ ունի աշխարհասփ-
յուռ մայ ժողովուրդը, թերեւս կարող է հայության բոլոր
հատվածները միմյանց սոսնձելու կարողությամբ օժտ-
ված մի **գաղափարախոսության**, որը չի վախենա
ազգայնական հորջորջվելուց եւ միանշանակ կտարփո-
ղի **ազգային շահը**՝ առանց որեւէ այլեւայլության... մին-
չեւ որ դա կարողանանք անել նաեւ **պետականորեն**:

Ամեն մի կառույց, անգամ տիեզերքը Արարչագործու-
թյունից առաջ, նախ հանդես է գալիս իբրեւ **միտք, գաղա-
փար, նախագիծ** եւ նոր միայն **իրական** տեսք է ստանում:
Ունենք մեր երազների երկիրը՝ իբրեւ **Հոգեւոր Հայաս-
տան, Պատմական հայրենիքի տեսիլ**, այժմ արդեն պիտի
ունենանք՝ իբրեւ **գաղափար, նախագիծ** ու **ծրագիր**: Ամեն
մի ծրագրի (խնդրի) իրագործման համար անհրաժեշտ են
մետալուներ (թող ներվի **պաշար** բառի փոխարեն օտար
բառի գործածումը)՝ **հոգեւոր, բարոյական, գաղափարա-
կան, տնտեսական, մյուսական** եւ այլն...

Ուրեմն՝ ունենանք **գաղափարը** մեր ուղեղներում,
հավատը՝ մեր սրտերում, **ծրագիրը**՝ մեր գործերում ու
անդուլ, անդադար կուտակենք անհրաժեշտ պաշարները
(ռեսուրսները)՝ առանց երկմտելու, առանց երկնչելու,
առանց տարբեր փախտերով միմյանց վարակելու եւ, ամե-
նակարեւորը՝ **ազատվելով ստրկախտից**: Կա **քարերը
հավաքելու** ժամանակը, կա **քարերը նետելու** ժամանա-
կը: Մենք միշտ այդ ժամանակը դիմավորել ենք **առանց
քարերի, թղթե շերտի** (հիշենք **խրիստիան Հայրիկի** խրա-
տը), դրա հետեւանքով էլ քարերը հավաքելու եւ քարերը
նետելու ժամանակները հերթագայել են միմյանց (արդեն
հազար տարի), ու այդպես էլ չի եկել **մեր ժամանակը**:

Արդ, ժամանակն է նախապատրաստելու **մեր ժամա-
նակը**: Երկար թե կարճ, մեծ թե փոքր, ամեն մի ճանա-
պարհ կամ գործ սկսվում է առաջին քայլից:

Սկսենք նաեւ մենք: Թեկուզ մեզ հետ տեղի ունեցածը
հստակ պատկերացնելու, մեր պատմությունն ու մեզ
ճանաչելու պարզ քայլից:

Գ.Մ.

«Կրթություն», թիվ 17-18, 22.04.2009 թ.

Հարգանքի տուրք՝
Հայոց ցեղասպանության զոհերի հիշատակին

ՀՀ վարչապետ Նիկոլ Փաշինյանը ՀՀ նախագահ
Վահագն Խաչատուրյանի, Ազգային ժողովի նախագահ
Ալեն Սիմոնյանի եւ երկրի բարձրագույն ղեկավարության
հետ Հայոց ցեղասպանության զոհերի հիշատակի օրվա
կապակցությամբ այցելել է Ծիծեռնակաբերդի հուշահա-
մալիր՝ հարգանքի տուրք մատուցել Մեծ եղեռնի 1,5 միլի-
ոն զոհերի հիշատակին:

Նիկոլ Փաշինյանը ծաղկեպսակ է դրել հուշակոթողին,
ծաղիկներ խոնարհել Հայոց ցեղասպանության զոհերի
հիշատակը հավերժացնող անմար կրակի մոտ:

* * *

Դեռեւս ապրիլի 23-ի երեկոյան, լույս 24-ի գիշերը,
ապա բացված օրվա ողջ ընթացքում չէր դադարում երե-
անցիների, ՀՀ բոլոր մարզերից, Սփյուռքից եկած մեր
հայրենակիցների եւ բազմաթիվ օտարերկրացիների հոս-
քը դեպի Ծիծեռնակաբերդի հուշահամալիր...



ՀՀ վարչապետ Նիկոլ Փաշինյանի ուղերձը՝
Հայոց ցեղասպանության զոհերի հիշատակի
109-րդ տարելիցի կապակցությամբ

Սիրելի՛ ժողովուրդ, Հայաստանի
Հանրապետության սիրելի՛ քաղաքա-
ցիներ,

Այսօր մենք ոգեկոչում ենք Հայոց
ցեղասպանության, Մեծ եղեռնի 1.5
միլիոն զոհերի հիշատակը, ովքեր
1915 թվականից Օսմանյան կայսրու-
թյունում սրի քաշվեցին հայ լինելու
համար:

Այս մասշտաբային ողբերգությու-
նը տեղի ունեցավ առաջին աշխար-
համարտի տարիներին, եւ պետակա-
նություն չունեցող, պետականությու-
նը հարյուրամյակներ առաջ կորց-
րած, պետականության ավանդույթն,
ըստ էության, մոռացած հայ ժողո-
վուրդն աշխարհաքաղաքական
խարդավանքների ու սին խոստում-
ների զոհ դարձավ՝ զուրկ լինելով
առաջին հերթին աշխարհի ու նրա-
նում գործող կանոններն իրեն հաս-
կանալի դարձնելու ընդունակ քաղա-
քական մտքից:

Մեծ եղեռնը համազգային ողբեր-
գություն եւ հոգեցնցում դարձավ մեզ
համար, եւ, առանց չափազանցու-
թյան, մեր սոցիալ-հոգեբանությունը
կանխորոշող գործոն է: Մենք այսօր
էլ աշխարհը, մեր միջավայրը, ինք-
ներս մեզ ընկալում ենք Մեծ եղեռնի
հոգեցնցման տիրապետող ազդեցու-
թյան ներքո եւ չենք հաղթահարել
այդ հոգեցնցումը:

Սա նշանակում է, որ լինելով մի-
ջազգային ճանաչված պետու-
թյուն մենք հաճախ այլ երկրների, մի-
ջազգային հանրության հետ հարա-
բերվում ու նրցակցում ենք հոգեցնց-
ման վիճակում, եւ այս պատճառով
երբեմն չենք կարողանում ճիշտ գա-
տորոշել իրողություններն ու գործոն-
ները, պատմական ընթացքներն ու



կանխատեսվող հորիզոնները:

Գուցե նաեւ սա է պատճառը, որ
մենք ստանում ենք նորանոր ցնցում-
ներ՝ Հայոց ցեղասպանության հո-
գեցնցումը վերապրելով արդեն որ-
պես ժառանգություն եւ որպես
ավանդույթ:

Այս իմաստով, չափազանց կարե-
որ են համարում Մեծ եղեռնի ներքին
հայեցումը: Հայոց ցեղասպանու-
թյան, Մեծ եղեռնի մասին խոսելիս
մենք մշտապես հղում ենք անում ար-
տաքին աշխարհին, խոսում արտա-
քին աշխարհի հետ, բայց մեր ներքին
խոսակցությունն այս թեմայով այդ-
պես էլ չի կայանում:

Ի՞նչ պիտի անենք եւ ի՞նչ պիտի
չանենք, որպեսզի հաղթահարենք ցե-
ղասպանության հոգեցնցումը եւ բա-
ցառենք այն որպես սպառնալիք:
Սրանք հարցեր են, որ մեր քաղաքա-
կան, քաղաքագիտական, գեղագի-
տական ու փիլիսոփայական մտքի
քննարկման առանցքային առարկան
պիտի լինեն, բայց Մեծ եղեռնի փա-
ստի հետ հարաբերվելու այսպիսի դի-
տանկյունը տարածված չէ մեզանում:
Սա հրամայական է, անհետաձգե-

լի հրամայական, ու մենք պիտի գնա-
հատենք Մեծ եղեռնի եւ Հայաստանի
Առաջին Հանրապետության հարաբե-
րությունները, մենք պետք է Մեծ
եղեռնի ընկալումը հարաբերենք Հա-
յաստանի Հանրապետության մեր
ազգային պետականության կենսա-
կան շահերի հետ:

Մեծ եղեռնը, հայրենագրվումը
դատավճիռ չէ մեզ համար, որ պիտի
կրենք որպես կորուսյալ հայրենիքի
չարունակական փնտրույթ: Մենք
պետք է դադարենք հայրենիքի
փնտրույթը, որովհետեւ գտել ենք
այդ հայրենիքը, մեր Ավետյաց երկի-
րը, որտեղ կաթ է մեղր է հոսում: Մեծ
եղեռնի նահատակների ոգեկոչումը
մեզ համար պետք է ոչ թե կորուսյալ,
այլ գտնված եւ իրական հայրենիքը
խորհրդանշի՝ ի դեմս Հայաստանի
Հանրապետության, որի մրցունակ,
լեգիտիմ, մտածված եւ ստեղծագործ
քաղաքականություններն են, որ կա-
րող են բացառել կրկնություն:

Այլեւս երբեք: Մենք սա ուրիշնե-
րին չպետք է ասենք, այլ ինքներս
մեզ: Եվ սա ամենեւին էլ մեղադրանք
չէ ինքներս մեր հասցեին, այլ դի-
տանկյուն, որտեղ մենք, միայն մենք
ենք մեր ճակատագրի պատասխա-
նատուն ու տնօրենը եւ պարտավոր
ենք ունենալ բավարար միտք, կամք,
խորք ու իմացություն՝ այդ պատաս-
խանատվությունը մեր ինքնիշխան
որոշումների ու ընկալումների տի-
րույթում կրելու:

Թող Հայաստանի Հանրապետու-
թյամբ միխթարված մենք Մեծ եղեռ-
նի եւ մեր բոլոր մյուս նահատակնե-
րը:

Եվ կեցցե՛ Հայաստանի Հանրա-
պետությունը:

Հայոց ցեղասպանության Սուրբ Նահատակների բարեխոսական կարգ

Հետահայաց

Կգա օրը, եւ մենք կվերադառնանք Հայրենիք

Ապրիլի 24-ին Ն.Ս.Օ.Տ.Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսը Մայր Աթոռ Սուրբ Էջմիածնի միաբանների ուղեկցությամբ այցելեց Ծիծեռնակաբերդի հուշահամալիր՝ ոգեկոչելու Հայոց Ցեղասպանության սուրբ Նահատակների հիշատակը:



Հուշահամալիրում անմար կրակի առջեւ, ծաղկեպսակի զետեղումից հետո Վեհափառ Հայրապետի նախագահությամբ կատարվեց Հայոց Ցեղասպանության սուրբ Նահատակների բարեխոսական կարգ:

Օրվա առիթով Ծիծեռնակաբերդի հուշահամալիր էր բերվել նաեւ Հայոց Ցեղասպանության սրբոց նահատակաց մատուցարանը:

* * *

Ինչպես հաղորդում է «Արմենպրես»-ը, Ամենայն Հայոց Կաթողիկոս Գարեգին Երկրորդը հայ ժողովրդին համերաշխ ու միասնական լինելու կոչ հղեց Ծիծեռնակաբերդի հուշահամալիրում լրագրողների հետ զրույցի ժամանակ:

«Հայրական մեր պատգամն ենք բերում մեր ժողովրդին: Առկա անվտանգային սպառնալիքների համդիման լինենք համերաշխ, լինենք միաբան ու միասնական, որպեսզի կարողանանք անկորուստ պահպանել հայրենի մեր երկիրը եւ անխռով ազգային մեր կյանքը:

Միքելի՛ հայ ժողովուրդ, պարենք առ Աստված ապավինությամբ, հավատքով ու հույսով, հզոր անցյալով, չտկարանանք դժվարությունների առջեւ: Մեր Սուրբ Նահատակների բարեխոսությամբ Աստված երկնային բարձունքներից հեղելու է մեր կյանքին խաղաղության, ապահովության ու անվտանգության իր օրհնությունները: Մշտապես պահենք մեր հոգիներում եւ մեր սրտերում աղոթքն առ Աստված: Աստված միշտ օգնական է լինելու եւ պահապան է լինելու մեր ժողովրդին այսօր եւ հավիտյան: Ամեն», - նշեց Գարեգին Երկրորդը:

Ն.Ս.Օ.Տ.Տ. Գարեգին Երկրորդ Ամենայն Հայոց Կաթողիկոսի ուղերձը՝ Հայոց ցեղասպանության Սուրբ Նահատակների հիշատակի օրվա առիթով

Միքելի՛ ժողովուրդ հայոց ի հայրենիս եւ ի սփյուռս,


Վերստին աղոթքով եւ խոնարհումով հիշատակում ենք Հայոց Ցեղասպանության մեր սուրբ Նահատակներին, ովքեր ամուր պահելով իրենց հավատքը, սերն ու նվիրումը առ ազգն ու հայրենին՝ մարտիրոսության պսակն ընդունեցին:

Հայոց Ցեղասպանության սուրբ Նահատակների հիշատակը նշում ենք մի շրջանում, երբ մեր ժողովուրդը գտնվում է գոյաբանական նոր սպառնալիքների եւ անվտանգային լրջագույն հիմնախնդիրների համդիման: Հայրենի Արցախում իրականացված ցեղասպանական գործողություններից եւ Արցախի հայաթափումից հետո ներկայիս մտահոգիչ ծանր իրավիճակ է Հայաստանի սահմանային տարածքներում:

Սուրբ Նահատակների լույս հիշատակի առջեւ մեր նվիրական պարտքն է՝ պաշտպանել ամբողջականությունը մեր հայրենի երկրի, նախանձախնդիր լինել հայոց անկախ պետականության գորացմանը եւ որպես սրբազան մատուց պահպանել մեր նախնյաց ավանդներն ու ժառանգությունը:

Մեր ժողովուրդը հզոր է իր հերոսական անցյալով, չարի ու չարիքի դեմ պայքարի վճռականությամբ եւ նույն ոգով պիտի հեռացնի իր կյանքից ազգային շահերին հակառակ կործանարար դրսեւորումները, առկա բարդ իրադրությունից ջանքերի մեկտեղումով ելքի ուղիներ գտնի եւ կերտի իր հաղթական ապագան:

Միքելի՛ բարեպաշտ ժողովուրդ, այս նվիրական օրը միասիրտ աղոթքով հայցենք մեր սուրբ Նահատակների բարեխոսությունը, որ հարուցյալ



Քրիստոսի շնորհների եւ օրհնության ներքո խաղաղ, անվտանգ ու բարօր լինեն մեր հայրենիքն ու ազգը, եւ մենք հավատով ու հույսով հաստատենք մեր ընթացքը ապահովության ու առաջընթացի շավիղներում:

Թող Տիրոջ սերն ու խնամքը հովանի լինեն մեր հայրենիքին ու համայն մեր ժողովրդին այսօր եւ միշտ. ամեն:



Ուզենք, թե չուզենք, համարենք պարտություն, թե պատմական անարդարություն, Հայոց ցեղասպանությունը իրողություն է: Ոչ թե սոսկ պատմական մի փաստ, որ եղել է անցյալում, այլ՝ իրողություն, որի ոչ թե հետեւանքները, այլ ինքն իր ողջ բովանդակությամբ շարունակվում է ահա արդեն 92 տարի, իսկ սկսվել է դրանից էլ շատ առաջ:

Ճանաչեն, թե չճանաչեն, անվանեն *ողբերգություն*, թե *գեոցիդ*, միեւնույնն է, այդ իրողությունն ունի մի պարզ ձեւակերպում. **մեզանից գողացել են մեր Հայրենիքը:**

Այսօր մենք ստիպված ենք պայքարել 1915-23 թվականներին տեղի ունեցած Հայոց ցեղասպանության միջազգային ճանաչման համար... Միջազգայնորեն **ցեղասպանություն** է դիտվում անգամ մեկ մարդու սպանությունը՝ իր ազգային պատկանելության պատճառով... Մեզ հետ տեղի ունեցածը լոկ ցեղասպանություն չէր: **Էթնոցիդ** էր... Մի ողջ ժողովրդի՝ էթնոսի ոչնչացմանը նպատակաուղղված կազմակերպված ծրագրի իրագործում... Եւ ոչ միայն: Մեզ հետ տեղի ունեցածը **հայրենասպանություն** էր... Եվ ուզենք, թե չուզենք (հպարտանալու բան չէ), անօրինակ մի բան, որի հետ չեն կարող համեմատվել ոչ իրեաների Չոլոքոստը, ոչ էլ մի այլ ժողովրդի դեմ գործված որեւէ ոճիր: Հրեաներին ոչնչացնում էին **ոչ իրենց հայրենիքում**: Եվ այսօր, երբ նույն իրեաները հաճախ դժկամությամբ են համեմատում կամ անհամեմատելի են համարում իրենց հետ տեղի ունեցածը մեզ հետ տեղի ունեցածի հետ, իրավացի են: Մեզ հետ տեղի ունեցածը, այո՛, **ցեղասպանություն** էր, բայց՝ ոչ միայն: Մեզ հետ տեղի ունեցածը **էթնոցիդ** էր՝ ժողովրդասպանություն, եւ ոչ միայն: Մեզ հետ տեղի ունեցածը **հայրենասպանություն** էր... Եւ դարձյալ՝ ոչ միայն: Որովհետեւ մեր **Հայրենիքը** միայն հայրենիք չէ, լոկ մեզ համար մի անգին պարզեւ, որի կորուստը չի կարող ենթադրել որեւէ այլ փոխհատուցում, բացի միայն նրա **վերադարձից** կամ մեր վերադարձից դեպի մեր Հայրենիքը: Մեր Հայրենիքը **Ավետյաց** երկիրն է, Մարդկության **բնօրրանը**, Երկրագնդի երկիր **դրախտավայրը**, որ **Աստծո** կամքով տեղադրված է **Հայկական լեռնաշխարհում**, որտեղ **կիզակետվում են տիեզերական բանականության բոլոր շնորհները** եւ ապա նոր տարածվում ամբողջ աշխարհի վրա: Ուրեմն՝ մեզ հետ տեղի ունեցածը, միջազգային սահմանումով, թե առանց դրա, անմախաղեպ, անօրինակ, որեւէ բնութագրականի մեջ չտեղավորվող ոճիր էր **Մարդկության** դեմ, **Տիեզերքի** դեմ, **Աստծո** դեմ... Ու **նախաստեղծ**, **Աստվածարյալ** մեր տեսակին էր վիճակված անցնել այդ **Գողգոթան**, ինչպես **Աստվածորդին** խաչի վրա, ու մեր տեսակին էլ վերապահված է նաեւ **Հարության Արշալույսը**:

Եւ դարձյալ՝ ուզենք, թե չուզենք, աշխարհը չէ, **մենք**, միայն մենք պիտի նախ ճանաչենք, հասկանանք, թե ինչ է տեղի ունեցել մեզ հետ, ապա ըմբռնենք, գիտակցենք, հավատանք ու ավելի կազմակերպված, բան մեզ հետ տեղի ունեցածը կազմակերպողները (ոչ միայն իրագործողները), վերցնենք այն, ինչ մերն է **Աստծո կամքով**, վերադառնանք դեպի **Արարատ**, դեպի մեր **Պատմական Հայրենիքը**, որպեսզի շարունակվի՝ մեր բնականոն **Առաքելությունը** երկրի վրա, որ մեկնարկել է **Աստված՝ Արարչագործությամբ**... էլ ունի՞ց ենք վախենում... **Աստծունը՝ Աստծուն, հայերինը՝ հայերին:**

Եղիցի: **Գ.Ս.**

«Կրթություն», թիվ 18-20, 25.04.2007 թ.

Եւ դարձյալ՝ ուզենք, թե չուզենք, աշխարհը չէ, մենք, միայն մենք պիտի նախ ճանաչենք, հասկանանք, թե ինչ է տեղի ունեցել մեզ հետ, ապա ըմբռնենք, գիտակցենք, հավատանք ու ավելի կազմակերպված, բան մեզ հետ տեղի ունեցածը կազմակերպողները (ոչ միայն իրագործողները), վերցնենք այն, ինչ մերն է **Աստծո կամքով**, վերադառնանք դեպի **Արարատ**, դեպի մեր **Պատմական Հայրենիքը**, որպեսզի շարունակվի՝ մեր բնականոն **Առաքելությունը** երկրի վրա, որ մեկնարկել է **Աստված՝ Արարչագործությամբ**... էլ ունի՞ց ենք վախենում... **Աստծունը՝ Աստծուն, հայերինը՝ հայերին:**

Եղիցի: **Գ.Ս.**

«Կրթություն», թիվ 18-20, 25.04.2007 թ.



Հետահայաց

Համընդհանուր խռովքի թելադրանքով Կամ՝ մի քիչ թվաբանություն

Այդ ե՞րբ եղավ... Ինչպե՞ս եղավ... Ինչո՞ւ եղավ... Ո՞րն էր այն առաջին ճակատագրական զիջումը, նահանջը, որ շարունակվեց 10 տարի, 100 տարի, 5 դար, հազարամյակ... Դարձավ 1045-ի Անիի կործանումից, Գագիկ Երկրորդ վերջին Բագրատունի արքայի եղերական վախճանից մինչև 1915-ի ցեղասպանությունը ձգվող մի չարչարանաց հավերժություն... Այդքան երկար մի հոգեվա՞րք... Այդքան հզոր, ամեն բանով հզոր, մարդկային պատմության ամեն նոր հանգրվանի առաջամարտիկ, Զրիստոնեությունն առաջինը պետականորեն ընդունած, աշխարհին ամենից ինքնատիպ ու փառահեղ քաղաքակրթություններից մեկը պարզեւած, այդքան կարող ու այդքան անքն ու ամենասե՛ր, այդքան ամենքին նման ու ամենքին հարմարվող, ամենքին տե՛ր ու ամենքին ծառայ՞, բայց այդքան ինքնասպա՞ն...

Ո՞վ էր, ի՞նչն էր ստիպում Պատմահորը գրել «Թայետ եւ ենք ածու փոքր...»... Ախր, այդ ունի՞ց էիր փոքր, Քերթողահայր, այդ քանի՞ ազգ ու ազգություն կար աշխարհում, եւ դրանց ո՞ր մասն էր քեզանից մեծաքանակ կամ քեզանից առաջավոր ու հզոր... Այդ «փոքր» բառը մնաց ոչ միայն քո «Հայոց պատմության» կամ մեր պատմագիտության մեջ իբրեւ դառնացած մի պահի ասված խոսք, այլեւ դարձավ հոգեբանություն, անհաղթահարելի՞ մի հիվանդություն, որ ժամանակների մեջ ոչ միայն չբուժվեց, այլեւ վերածվեց «ստրկախոսի» ընդհուպ մինչև 20-րդ դարավերջ...

Ո՞վ, ի՞նչը ստիպեց քեզ, Փո՛քր Սիեթ, որ անհա՛ղթ էիր, անպարտելի՞ ու անմահ, հեռանա՛լ աշխարհից, ինքնական գնալ ու փակվել Ազրավաքարում...

Սասունցի՛ Դավիթ, որքան ուժեղ, այնքան միամիտ Դավիթ, մինչև Ձենով Օհանը չկանչեց, չէլար հորից... Ի՞նչ է, չէի՞ր հավատում, որ հենց քեզ թափ տաս, ելե՛լու ես հորից, ինքնուրույն, եւ քո՛ ուժով, որքա՛ն էլ որ հորը խորը լինի կամ հսկա քարերով փակված...

Անպարտելի՞, անասելի՞ հզոր ու այդքան անվստահ... Եղե՞լ է գեթ մի դեպք, որ օտարից հոգնած՝ ապավինես միայն Քո՛ ուժին, ու սխալված ու պարտված լինես: Երբեք: Միշտ սխալվել ու պարտվել ես, երբ հույսդ դրել ես ուրիշի օգնության վրա:

Քո աստեղային ժամերին, երբ սթափվել ես մի պահ ու թափ ես տվել Քեզ Քո էպոսի հերոսի նման, մի՛շտ հաղթել ես, ու չկա՛ մի ուժ այս արեւի ներքո, որ կասեցնի Քո հաղթական ելքը ամենաանելանելի վիճակից անգամ... Եթե միայն Ինքդ, Ի՛նքդ կամենաս ու քայլդ անես միայնակ, մեն-մենակ, ինքնուրույն, Քո՛ սեփական բազկի ու մտքի ուժին ապավինած... Ինչպե՞ս Սարդարապատում, ինչպե՞ս Արցախում...

Այդ ունի՞ց ես փոքր կամ փոքրաթիվ... Աշխարհում շուրջ 5000 ազգ ու ազգություն կա: Դրանցից միայն մոտ 200-ը ունեն պետություն, որոնց աշխարհը ճանաչել ու հաշվի է առնում որպես այդպիսին: Դրանց շարքում Դու Քո բնակչության թվով առաջին հարյուրյակի մեջ ես, տվյալ լեզվով խոսողների թվով 75-րդն ես, իսկ աշխարհում տարածվածության հաշվարկով հայերենը գտնվում է աշխարհի ամենատարածված լեզուների առաջին տասնյակում... Դե, ասա՛, այդ ի՞նչ հաշվարկով ես Դու փոքր... Ու ասա՛ նաեւ՝ ունի՞ց ես պակաս եւ ինչո՞վ... Խելքո՞վ: Քաջությամբ: Ծագումո՞վ: Լեզվո՞վ: Մշակույթո՞վ... Գուցե ռազմական տաղանդո՞վ... Վիրավորվեցի՞ր... Անդրանիկն աշխարհի միակ գորավարն է, որ որեւէ ճակատամարտ երբեւէ տանուլ չի տվել... Հասա այդ ինչպե՞ս եղավ, ինչո՞ւ եղավ...

շարունակությունը՝ էջ 11



Գիտությունների ազգային ակադեմիա

Ամփոփվել են 2023 թ. գործունեության հիմնական արդյունքները

Տեղի է ունեցել ՀՀ գիտությունների ազգային ակադեմիայի տարեկան ընդհանուր ժողովը, որին մասնակցել են ՀՀ նախագահ Վահագն Խաչատրյանը, ՀՀ ԿԳՄՍ նախարար Ժաննա Անդրեասյանը, ՀՀ ԱԺ նախագահի տեղակալ Հակոբ Արշակյանը, ԳԱԱ նախագահ Աշոտ Սադյանը, ակադեմիայի նախագահության անդամներ, ՀՀ-ում հավատարմագրված դեսպաններ, գիտական հանրային ներկայացուցիչներ:

ՀՀ ԳԱԱ նախագահ, ակադեմիկոս Աշոտ Սադյանը ներկայացրել է ակադեմիայի եւ համակարգի կազմակերպությունների 2023թ. գործունեության հիմնական ուղղություններն ու արձանագրված արդյունքները:

Աշոտ Սադյանը տեղեկացրել է 2024թ. հունվարի 1-ի դրությամբ՝ ԳԱԱ համակարգում աշխատում է 3522 մարդ, որոնցից 2239-ը կամ ընդհանուրի 63.6%-ը գիտական աշխատողներ են: Գիտական աշխատողների 1305-ը (58.3%) ունեն գիտական աստիճան, որից 277-ը՝ գիտությունների դոկտորի, իսկ 1028-ը՝ թեկնածուի: Ընդ որում՝ ակադեմիայի աշխատողների 53.7%-ը եւ գիտաշխատողների 54.3%-ը կանայք են:

Նրա խոսքով՝ Գիտությունների ազգային ակադեմիայի համակարգում ներկայում ուսուցանում են 68 ասպիրանտներ, որոնցից 21-ն ընդունվել է 2023թ.-ին: 2023թ.ին տպագրվել է 1528 հոդված գրախոսվող գիտական ամսագրերում, որից 670-ը՝ արտասահմանում, հրատարակվել են 171 մենագրություն եւ ժողովածու, որից 19-ը՝ արտասահմանում:

«Ընդհանուր առմամբ՝ 2022թ.-ի համեմատ՝ 2023թ.-ին նկատվում է հրապարակումների 3-5% աճ: Արտասահմանյան ամսագրերի հրատարակումների թվով ֆիզիկայի եւ աստղաֆիզիկայի, մաթեմատիկայի եւ տեխնիկական գիտությունների, բնական գիտությունների, քիմիայի եւ երկրի մասին գիտությունների բաժանմունքների շրջանում հրատարակումներն ավելացել են, իսկ հայագիտության եւ սոցիալական գիտությունների բնագավառների համար հրատարակումների թիվը նախորդ երկու տարիների համեմատ մնացել է նույնը», - ասել է Աշոտ Սադյանը:

ԳԱԱ նախագահը նշել է՝ 2023թ. շարունակվել է Բարձրագույն կրթության եւ գիտության կոմիտեի կողմից իրականացվող գիտության ոլորտի ենթակառուցվածքի, նյութատեխնիկական բազայի արդիականացման ծրագիրը: Մասնավորապես՝ ԳԱԱ կազմակերպությունների կողմից 2023թ. ձեռք են բերվել շուրջ 4 մլրդ դրամ արժողությամբ սարքեր/սարքավորումներ, իսկ 2019-23թթ. ընթացքում կազմակերպված մրցույթների արդյունքում ԳԱԱ համակարգի կազմակերպություններին տրամադրված ֆինանսական միջոցների հաշվին՝ 147 սարքավորումներ:

2023 թվականին ԳԱԱ-ն շարունակել է միջազգային համագոր-



ծակցությունն արտասահմանյան գիտական կառույցների եւ գիտությունների ակադեմիաների հետ: Մասնավորապես՝ ստորագրվել են գիտական համագործակցության պայմանագրեր Չեռնոգորիայի, Սլովակիայի, Իրանի, Չինաստանի գիտությունների ակադեմիաների հետ:

Անդրադառնալով ոլորտի ֆինանսավորմանը՝ Աշոտ Սադյանը տեղեկացրել է, որ ակադեմիայի ֆինանսավորման ընդհանուր ծավալներն աճել են 54%-ով: Նրա խոսքով՝ եթե համեմատենք 2019 եւ 2023թ. տվյալները, ապա բազային ֆինանսավորումն ավելացել է 35%-ով, թեմատիկ ֆինանսավորումը՝ 460%-ով, բյուջետային այլ մուտքերը՝ 41%-ով, իսկ նպատակային ծրագրայինը նվազել է 37%-ով:

Տարեկան ժողովի ընթացքում զեկույցով հանդես է եկել նաեւ ՀՀ նախագահ Վահագն Խաչատրյանը՝ շեշտելով, որ գիտության ոլորտի պետական ֆինանսավորումը շեշտակի աճել է:

«ՀՀ կառավարությունը, իշխանության ներկայացուցիչներն իրենց հիմնական նպատակը եւ գերխնդիրը համարում են գիտության եւ կրթության զարգացմանն առավելագույն կերպով նպաստելը: ԳԱԱ-ում մեկ տարվա ընթացքում կատարված աշխատանքները հուշում են, որ հաստատության հիմնական նպատակն ավելի կիրառական մասնակցություն ունենալն է այսօրվա տնտեսության մեջ տեղի ունեցող փոփոխություններում», - ասել է ՀՀ նախագահը:

ԳԱԱ տարեկան ընդհանուր ժողովի ընթացքում անդրադարձ է կատարվել ակադեմիական քաղաքի կառուցման նախագծին:

* * *

ՀՀ կրթության, գիտության, մշակույթի եւ սպորտի նախարար Ժաննա Անդրեասյանն այսօր մասնակցել է Գիտությունների ազգային ակադեմիայի տարեկան ընդհանուր ժողովին եւ դրա շրջանակում կազմակերպված «Գիտություն» բացօթյա ցուցահանդեսի բացմանը:

Ցուցահանդեսին ներկայացված էին ԳԱԱ գիտական կազմակերպությունները, ՀՀ պետական խոշոր բուհերը եւ գործընկեր կազմակերպությունները: Ցուցահանդեսի տաղավարներում ցուցադրվել են գիտական փորձեր, անցկացվել վիկտորինաներ:

Միջոցառմանը մասնակցել են ՀՀ ԳԱԱ նախագահ Աշոտ Սադյանը, ԿԳՄՍ բարձրագույն կրթության եւ գիտության կոմիտեի նախագահ Սարգիս Հայոցյանը, ուսանողներ, գիտական հանրային ներկայացուցիչներ: ԿԳՄՍ նախարար Ժաննա Անդրեասյանը շրջել է ցուցահանդեսի տաղավարներով, ծանոթացել ներկայացված աշխատանքներին ու գիտական փորձերին:

Ժաննա Անդրեասյանը շնորհակալություն է հայտնել Գիտությունների ազգային ակադեմիային նմանօրինակ նախաձեռնության համար՝ առանձնակի ընդգծելով դպրոց-բուհ-գիտություն կապի ամրապնդմանն ուղղված ջանքերը: ԿԳՄՍ նախարարն այս համատեքստում կարեւորել է նաեւ գիտության հանրամատչելիության ու հանրայնացման կարեւորությունը՝ դեռահասների եւ երիտասարդների համար դեպի գիտություն տանող ճանապարհը գրավիչ եւ տեսանելի դարձնելու տեսանկյունից:

«Կարելու է, որ այդ առումով մենք ակադեմիայի հետ գործում ենք մեկ միասնական դաշտում ու հարթակում, քանի որ այդ կապի ամրապնդմանն ուղղված նաեւ ՀՀ կառավարության քաղաքականությունը: Մեր դպրոցականները, իսկապես, ունեն հրաշալի գաղափարներ, որոնց իրագործման համար պետք է ստեղծենք անհրաժեշտ պայմաններն ու հնարավորությունները՝ վստահ լինելով, որ ապագա գիտնականների հրաշալի խումբ ունենք: Առանձնահատուկ պատասխանատվություն է, որ այսօր մեր գործող գիտնականները ճանապարհի հարթեն այն երիտասարդների համար, որոնք հետաքրքրված են գիտությամբ եւ արդեն իսկ իրենց առաջին քայլերն են կատարում երեւույթները հետազոտելու, կապերը բացահայտելու եւ հանրության համար օգտակար աշխատանք անելու ուղղությամբ», - ասել է Ժաննա Անդրեասյանը:

Նախարարի խոսքով՝ վերջին տարիներին ՀՀ կառավարության պետական քաղաքականությունը միտված է գիտության ոլորտի պետական ֆինանսավորման շարունակական աճին. իրականացվում են տարաբնույթ ծրագրեր, որոնց շնորհիվ արձանագրվում է գիտնականների եւ հետազոտողների աճ, որտեղ մեծ է երիտասարդների թիվը:

շարունակությունը՝ էջ 6

ՀՀ ԳԱԱ տարեկան ընդհանուր ժողով

Հետահայաց

«Հայաստանը, որպես պետություն, չի կարող զարգացում ունենալ՝ առանց գիտության եւ կրթության»

Ներգաղթ

Հանրապետության նախագահ Կառավարությանը մասնակցել է ՀՀ Գիտությունների ազգային ակադեմիայի տարեկան ընդհանուր ժողովին:

Ողջունելով ներկաներին՝ նախագահը մասնավորապես ասել է. «Հայաստանը՝ որպես պետություն չի կարող զարգացում ունենալ առանց գիտության եւ կրթության: Սա աքսիոմն է, որի իրականացումն այժմ կատարում է մեր երկրի գործող կառավարությունն ու իշխանությունը: Մենք ունենք մարդուն, Հայաստանի Հանրապետության քաղաքացուն որպես զխավոր ուժ: Չունենք նյութական ռեսուրսներ, հետեւաբար մարդը պետք է լինի զարգացած, կրթված եւ միտված իր երկրին ծառայելուն եւ նրա համար նոր արժեք ստեղծելուն»:

Հայաստանի նախագահը մեքսիկոյի է մի քանի վիճակագրական տվյալներ ներկայացնելով 2020-2024 թթ պետական բյուջեի ծախսերի համեմատականը: Ըստ այդմ 2020 թվականին ծախը կազմել է 1,9 տրիլիոն դրամ, 2024 թվականի համար նախատեսվում է ծախսել 3,2 տրիլիոն, տոկոսային արտահայտությամբ 24 տոկոս ավելին է նախատեսված: Սրա մեջ 2020 թվականին պետության կողմից գիտության ոլորտի ծախսերի ծավալը կազմել է 13 միլիարդ դրամ, 2024 թվականին՝ նախատեսվում է ծավալը հասցնել 36 միլիարդի: Եթե գիտության ոլորտի ծախսերը 2020 թվականին կազմել են բյուջեի ընդհանուր ծախսերի 0,7 տոկոսը, ապա 2024 թվականի ընդհանուր ծախսերի մեջ կրթության ոլորտի ծախսերը 2020 թվականին կազմել են 7,6 տոկոս, ընթացիկ տարվա համար ցուցանիշը 9 տոկոս է: Պաշտպանության ծախսեր՝ 2020 թվականին եղել է 308 միլիարդ, 2024 թվականին՝ 557 միլիարդ դրամ:

«Հայաստանի կառավարությունը, իշխանության ներկայացուցիչներն իրենց հիմնական նպատակը, գերխնդիրը համարում են գիտության եւ կրթության զարգացմանն առավելագույն կերպով նպաստելը: Այն, ինչ տեղի է ունենում զուտ ակադեմիայի կարգավիճակի հետ կապված քննարկումներում, ապա դրանք պետք է շատ արագ ավարտվեն, քանի որ անորոշությունն իր հերթին բերում է լրացուցիչ խնդիրներ ու լրացուցիչ խոսակցություններ, այլ կարծիքներ, որոնք նպաստավոր չեն թե՛ պետության, թե՛ Ազգային ակադեմիայի համար: ԳԱԱ-ում մեկ տարվա ընթացքում կատարված աշխատանքները հուշում են, որ իսկապես տվյալ հաստատությունը փոխվելու մեծ ձգտում ունի, որի հիմնական նպատակը ավելի կիրառական մասնակցություն ունենալն է այսօրվա տնտեսության մեջ տեղի ունեցող փոփոխություններում», - ասել է նախագահ խաչատուրյանը:



Նախագահի դիտարկմամբ՝ պետության կողմից ֆինանսավորումը մեծանում է հատկապես գիտահետազոտական աշխատանքներին օժանդակելու առումով: «Ռազմարդյունաբերական համալիրի համար գիտահետազոտական, փորձարարական, կոնստրուկտորական աշխատանքներին հատկացված գումարը կազմում է շուրջ 6 միլիարդ դրամ: Վերջին 3-4 տարվա ընթացքում նման բան չի եղել, ինչը լրացուցիչ հնարավորություն է, որպեսզի մեծ դաշտ բացվի գիտելիքի համար: Բայց, ցավոք սրտի, մեր բիզնեսի մասնակցությունն այդ աշխատանքներում շատ ցածր է: Երբ ուսումնասիրում ենք արտասահմանյան փորձը, տեսնում ենք, որ զարգացած երկրներում գիտահետազոտական աշխատանքների մեջ հիմնական ներդրում անողը հենց բիզնեսն է: Պետության մասնակցությունը շատ ավելի քիչ է: Բիզնեսի ակտիվ մասնակցությունը պայմանավորված է խրախուսական տարրեր, հիմնականում տնտեսական մեխանիզմներով: Ժամանակն է, որպեսզի անդրադառնանք հենց այս հարցին: Մենք վստահաբար կարող ենք նույնն անել, պարզապես պետք է բիզնեսին ներգրավելու համարձակություն ունենանք: Ընդ որում, նրան պետք է շահագրգռել, որովհետեւ բիզնեսը, եթե չափ չունենա, ոչինչ չի անելու, ինչն, ըստ էության, տրամաբանական է եւ ընդունելի», - ասել է նախագահ խաչատուրյանը:

Հանրապետության նախագահի խոսքով՝ եթե բիզնեսի ներկայությունը չլինի կրթության ոլորտում, ապա այդ բնագավառը չի ունենա զարգացման այն տեմպերը եւ չի արձանագրի այն արդյունքները, ինչ ցանկանում է պետությունը: «Այն, ինչ կատարվում է գիտական հայտնագործությունների առումով, գոհացուցիչ չի կարող է լինել: Մենք պետք է կարողանանք դուրս գալ միջազգային շուկաներ, կարողանանք իսկապես մեր գիտելիքն ու գիտական արտադրանքը ներկայանալի դարձնել միջազգային շուկայում: Անհրաժեշտ է հասկանալ, թե որտեղից պետք է սկսել այդ գործընթացը: Կարծում են՝ կրթական համակարգից, հետեւաբար, ավագ դպրոցների ու ինստիտուտների ամբողջ շղթան պետք է վերանայել ու գտնել շահագրգռող նոր մեխանիզմներ, որպեսզի ավելի մեծ թվով մարդիկ ձգտեն զբաղվել գիտությամբ: Անհրաժեշտ է ստեղծել այնպիսի միջավայր, որի պայմաններում ամբողջ համակարգը միտված կլինի նախեստառջ բնական գիտելիքներ տալուն եւ այդ ուղղությամբ բարձրորակ մասնագետներ պատրաստելուն: Համոզված եմ, որ մեզ կհաջողվի լուծել այդ խնդիրները, պարզապես հիմա տուժում ենք ժամանակի մեջ եւ, ցավոք, հետ ենք մնում համաշխարհային գիտական փոփոխություններից», - նշել է ՀՀ նախագահը:

2015 թվականին Հայոց Ցեղասպանության 100-ամյա տարելիցին նվիրված անախարհեպ ընդգրկումով միջոցառումներն ամբողջ աշխարհում մեր հարության, մեր Մեծ Վերածննդի գործընթացի մեկնարկը վկայեցին...

100 եւ ահա եւս մեկ երկար եւ ձիգ տարիներ համբերել ենք՝ սպասել ճանաչման, դատապարտման, հատուցման... Բայց արդեն, կարծես թե, դասեր ենք քաղել պատմությունից, վերջապես համոզվել, որ մեր խնդիրը մենք պիտի լուծենք՝ մեր մտքի ու բազկի ուժով... Ամենից երկար ու դժվար ճանապարհն անգամ սկսվում է առաջին քայլից: Բայց ճիշտ քայլից: Ուղի՝ նշող քայլից: Վաղ թե ուշ, մեր Հարցը լուծվելու է: Լուծելու ենք: Բայց երբ էլ եւ ինչպես էլ լուծենք, դրանից առաջ ու դրանից հետո մենք մեր կարիքն ենք զգալու, մեր որակի հետ մեր քանակի՝ կարիքը, մեր հայրենիքում մեր գոյությունը հավաստող, մեր գոյությունը ապահովող մեր ներկայության կարիքը...

Աստված մեզ հրաշալի երկիր է պարգևել՝ մարդու կենսագործունեության համար լավագույն վայրը երկիր մոլորակի վրա: Արեւային օրերի ամենից մեծ քանակ, լեռնային մաքուր օդ, խմելու ջրի գրեթե անհատույն պաշար, հարուստ ընդերք, բարեխառն կլիմա, բուսական եւ կենդանական օգտակար բազմազանություն... Իր ներկայիս տարածքների մեջ Հայաստանի Հանրապետությունը, համապատասխան կացութաձեւի կազմակերպման դեպքում, կարող է լավագույն կենսամակարդակ ապահովել շուրջ 5 միլիոն բնակչության համար: Արցախի Հանրապետությունը դա կարող է անել 1 միլիոն մարդու համար... Ու եթե մենք պահպանել ենք մեր տեսակին բնորոշ հոգեկերտվածքն ու նկարագիրը, մեր բնատուր ընդունակությունների՝ աստվածաշնորհ տաղանդի ու աշխատասիրության առկայության պայմաններում ինչն էլ պիտի չմտածենք ներգաղթի՝ մասին... Հզոր, որակապես՝ պատմական նոր շրջափուլ ապահովող, Հայոց Մեծ եղեռնին հակակշիռ՝ 1.5 միլիոն հայերի հայրենադարձության մասին... Որքան էլ առաջին հայացքից խենթ, բայց իրատեսական մի երազանք-առաջարկ-ծրագիր է սա, որ հաստատ կարող ենք գլուխ բերել, եթե իրագործմանը հավատանք ազգովի ու ազգովի՝ ձեռնամուխ լինենք կատարմանը:

Մի պահ պատկերացրեք, որ պետությամբ ու ժողովրդով, Հայաստանյայց Առաքելական Սուրբ Եկեղեցով, հայրենի եւ ավանդական բոլոր կուսակցություններով, Հայաստանի Հանրապետության եւ Սփյուռքի բոլոր հասարակական կազմակերպություններով, քիչ թե շատ ֆինանսական հնարավորություններ ունեցող հայաստանցի եւ սփյուռքահայ բոլոր գործարարներով՝ կազմակերպված եւ համակարգված աշխատանքով սկսում ենք ներգաղթի նախապատրաստումը եւ իրագործումը: Նման խանդավառությունը եւ միասնականությունը ընդամենը 3-4 տարում Հայաստանի Հանրապետության բոլոր մարզերում՝ 1 միլիոն, եւ կես միլիոն հայրենադարձ կարող է բնակեցնել Արցախում: Հավատացե՛ք, վերադարձող հայն իր հետ կբերի եւ կապիտալ, եւ գաղափար, եւ միտք, եւ բազուկ... Եվ չենք էլ հասցնի զարմանալ, թե ինչպես ինքնաբերաբար կստեղծվի եւ բնակարանը, եւ աշխատատեղը, եւ կատակը: Եվ որքան սքանչելի կարող է լինել գործի ավարտը՝ երբեւէ տոնած մեր ամենամեծ հաղթանակը, որ համազգային բերկրանքի հետ նաեւ Պատմական Հայրենիքի ազատագրումը կդարձնի ավելի քան իրական: Ընդամենը եւս մեկ - երկու տարվա խնդիր:

«Եթե մասնաճիւղի հատիկի չափ հավատ ունենաք, այս լեռանը կասեք՝ տեսափոխվիր այստեղից այնտեղ, եւ կտեղափոխվի, եւ որեւէ բան ձեզ համար անհնարին չի լինի», - ասում է Աստված (Մատթ. 17.19)... Միայն թե հավատանք: Միայն թե հավատանք:

Գ.Ս. «Կրթություն», թիվ 18-19, 27.04.2016 թ.



Հիշում եմ եւ վերածնվում

Այցի շրջանակում

Գարեգին ՆԺԴԵՅ

Ասույթներ

❖ Ես տեսայ մեր վարած ճակատամարտերում, տեսայ ամենաընտիրը հայու – մեռնելու մտքի հետ հաշտուած, ամեն գնով յաղթելու անտեղիտալի վճռակամութեամբ դէպ թշնամին խոյացող հայ զինուորը:

Ճանաչեցի եւ ամենավատը հայու – վախկոտութեան յանցանքի մէջ բռնուած անարին:

Առաջինը կը մեռնէր ապրեցնելու համար իր ազգն ու նրա զենքի հմայքը, երկրորդը կ'ապրէր ամեն գնով՝ ապրեցնելու համար թշնամու փառքը:

❖ Արի է նա, ով իր մէջ սպանել է իր կաշի համար դողացող անասունը:

❖ Երբեք եւ ոչ մի տեղ առանց հոգեւոր հայրենիքի:

❖ Հայրենիք: Երկիրդ ան սեր եւ յարգանք դէպ մեր նախահայրերի յիշատակը, դէպ մեր կրօնը, որ ցեղի սիրտն է, դէպ մայրենի լեզուն, որ հայրենասիրութեան թթմորն է, դէպ տոհմիկ գրականութիւնը եւ արուեստները, որ ցեղի մտքի եւ հոգու կեանքն են, ազգային պատմութիւնը, որ «ցեղի հոգին ամրացնելու ճիգերի պատմութիւնն է», իրար յաջորդող սերունդների՝ հայրենի հողի վրայ թափած քրտինքն ու արիւնը, գեղջուկի հորովելն ու Տիգրան Աշխարհակալի սուրը, դէպ Անիի ակերակներն ու Հայկայ եռաթեւ աղեղը, դէպ մեր հեթանոս աստուածներն ու փառատաճարները, անասան հաւատը դէպ մեր մեծ Յոյսը. Գումարի, ընթերցող, գումարի այդ բոլորը, եւ կը ստացի հոգեւոր հայրենիքը:

❖ Մարդկային ուժերից վեր է մի ժողովրդի պատմութիւնը սպանել, մի ժողովրդի հոգեւոր հայրենիքը նուաճել:

❖ Չկան մեծ եւ փոքր ազգեր: Կան հաւասար իրաւունքով անդամները մարդկութեան ընտանիքի: Եւրոպական դիւանագիտութեան կեղծ լեզուն է ստեղծել «մեծ» եւ «փոքր» անունները: Ճշմարիտ մեծութիւն չէ թուական գերազանցութիւնը:

❖ Տգիտութիւն, եսականութիւն եւ աշխարհաքաղաքացիութիւն - ահա երեքը հայրենասիրութեան անհաշտ թշնամիներից:

❖ Հայրենիքը պիտի սիրել անկախ քաղաքական ռեժիմից, ինչպէս եւ անկախ մեր քաղաքական համոզմունքներից:

❖ Կոյր եւ բարբարոս կուսակցամուտիւնը - մի գարհուրելի ախտ, որ պիտ թուլանայ, որ ուժեղանանք ազգովին:

❖ Եղի՛ր ուժեղ, էլի՛ ուժեղ, եւ միշտ ուժեղ: Ժողովուրդները վերջ ի վերջոյ տեր են մնում ոչ թե նրան՝ ինչ որ նրանց տրուում է, ինչ որ մուրում են, այլ միայն նրան՝ ինչի որ արժանի են, ինչ որ իրենց սեփական ուժերով ապահովել են կարողանում:

Վարչապետը ներկա է եղել դպրոցական ներկայացմանը

Վարչապետ **Նիկոլ Փաշինյան** այցելել է Կոտայքի մարզի Ջառ բնակավայրի միջնակարգ դպրոց եւ ներկա գտնվել «Պապ թագավոր» ներկայացմանը: Դպրոցի ուսուցիչներն ու աշակերտները վարչապետի էլեկտրոնային հասցեին նամակ են ուղարկել եւ հրավիրել իրենց բեմադրած ներկայացմանը, ինչը սիրով ընդունվել է:

Վարչապետին ուղեկցել են ԿԳՄՍ նախարար **Ժաննա Անդրեասյանը** եւ Կոտայքի մարզպետ **Ահարոն Սահակյանը**:

Դպրոցի տնօրենի պաշտոնակատար **Լարիսա Վարդապարյանը**,

մինչ ներկայացումը, շնորհակալութիւն է հայտնել վարչապետին՝ հրավերն ընդունելու եւ ներկայացմանը ներկա գտնվելու համար: Նա նշել է, որ Ջառի դպրոցը կառուցվել է 1976 թվականին, դպրոցում սովորում է 260 աշակերտ, կա նախակրթարան, որտեղ այցելում է 33 սան: Դպրոց հաճախում է նաեւ Արցախից բռնի տեղահանված 8 աշակերտ, 4 մանկավարժ էլ ապահովվել է աշխատանքով:

Դպրոցն ընդգրկված է կառավարության «300 դպրոց եւ 500 մանկապարտեզ» ծրագրում, եւ առաջիկայում նախատեսված է կառուցել նոր

ուսումնական մասնաշէնք:

Ներկայացման ավարտին վարչապետը շնորհակալութիւն է հայտնել հրավիրելու համար: Կառավարության ղեկավարը ողջունել է աշակերտների համարձակութիւնն ու խիզախութիւնը՝ այսպիսի բարդ թեմաների անդրադառնալու համար: Վարչապետն ընդգծել է նաեւ աշակերտների ինքնուրույն մտածելու, վերլուծելու, եզրակացութիւնների գալու համարձակութիւնն ու մղումը: Ամփոփելով խոսքը՝ Նիկոլ Փաշինյանը շնորհակալութիւն է հայտնել ներկայութիւն հիշարժան օր նվիրելու, դրական լիցքեր հաղորդելու համար:



Ամփոփվել են 2023 թ. գործունեության հիմնական արդյունքները

սկիզբը՝ էջ 4

«Սա նշանակում է, որ ընթանում ենք ճիշտ ճանապարհով: Այս տարի եւս մեկ կարեւոր անելիք ունենք. մշակվելու է Գիտության զարգացման ռազմավարությունը: Հույս ունեն, որ նաեւ այս աշխատանքի հիման վրա կկարողանանք ճիշտ սահմանել թիրախներն ու անելիքները, որոնք նպաստելու են գիտության ոլորտի զարգացմանը եւ ապահովելու են ավելի բարձր արդյունքներ»,- ասել է ԿԳՄՍ նախարարն ու պատրաստակամութիւն հայտնել աջակցելու նմանօրինակ նախաձեռնութիւնների իրականացմանը, ինչպէս նաեւ առաջարկել դիտարկել ՀՀ մարզերում եւս գիտության ցուցահանդեսներ եւ այլ միջոցառումներ կազմակերպելու հնարավորութիւնը:

ՀՀ ԳԱԱ նախագահ Աշոտ Սադյանը տեղեկացրել է, որ «Գիտություն» բացօթյա ցուցահանդեսը կրելու է շարունակական բնույթ եւ կազմակերպվելու է տարին առնվազն երկու անգամ:

«Գիտությունների ազգային ակադեմիան կարելու է այս ձեւաչափով գիտության ցուցահանդեսների անցկացումը, քանի որ դրանք յուրա-



հատուկ հարթակ են դպրոցականների, ուսանողների եւ գիտաշխատողների միջեւ շփումների համար: Սա, հատկապէս, կարեւոր է այն տեսանկյունից, որ երեխաներն արդեն դպրոցից ծանոթանում են Գիտությունների ակադեմիային, պատկերացում են կազմում գիտության եւ գիտական գործունեության մասին, ինչպէս նաեւ շփվում են տարբեր գիտնականների հետ, մասնակից դառնում տարբեր գիտական փորձերի: Այս ամենը, իսկապէս, շատ կարեւոր է նաեւ մասնագիտական կողմնորոշման տեսանկյունից: Ցանկացած պետության

եւ հասարակության համար դպրոցը բուհ-գիտություն կապի փոխկապակցված զարգացումն առանցքային նշանակություն ունի: Դպրոցականների, ուսանողների եւ գիտաշխատողների միջեւ շփումների սերտացումը եւ կապերի զարգացումը ԳԱԱ կարեւոր ռազմավարական ուղղություններից են»,- նշել է Աշոտ Սադյանը:

ԳԱԱ նախագահի խոսքով՝ առաջիկայում նմանօրինակ միջոցառում կազմակերպվելու է նաեւ ԼՂ-ից բռնի տեղահանված աշակերտների եւ ուսանողների համար:



Ժառանգություն

Հիշում եմ եւ վերածնվում

«Հուշարձանների հանդեպ վերաբերմունքը պետք է դառնա կրթության բաղադրիչ»

Արշակ ԶՈՊԱՆՅԱՆ

«Ես ազգայնական եմ»

Ի նշանավորումն Հուշարձանների եւ տեսարժան վայրերի միջազգային օրվա՝ Գեղարքունիքի մարզի «Բերդկունք» («Սպիտակ բերդ») ամրոցում Նախարար Ժաննա Անդրեասյանը եւ Եվրոպական միության պատվիրակության ղեկավար Վասիլիս Մարագոսը պատվոգրեր են հանձնել «Եվրոպական ժառանգության օրեր» ծրագրի «Եվրոպական ժառանգության երիտասարդ կերտողներ» մրցույթի մասնակիցներին: Այցին ներկա է եղել նաեւ ԿԳՄՍ նախարարի տեղակալ Ալֆրեդ Զոչարյանը:



«Պետության վերաբերմունքը հուշարձանների ոլորտին կոնկրետ փաստերով եւ ֆինանսական հատկացումների ծավալով է արտահայտվում. այս տարի հուշարձանների ամրակայման եւ վերականգնման ոլորտին հատկացվել է 1,3 մլրդ դրամ, որը նախորդ տարվա համեմատ կրկնակի ավելի է: Սակայն եթե համեմատենք, օրինակ, 5-6 տարի առաջվա տվյալների հետ, ապա հուշարձաններին հատկացվող բյուջեն ավելացել է մի քանի անգամ: Միայն այս տարի 14 հուշարձանների նորոգման եւ ամրակայման աշխատանքներ են իրականացվում, եւս 9 հուշարձանների տարածքներում պեղումներ եւ նախագծման աշխատանքներ են ընթանում, եւ այս ամենը մեր ամենօրյա աշխատանքի կարելու մասն է»,- նշել է նախարարը ընդգծելով, որ հատուկ ուշադրություն է դարձվում պետականության խորհրդանշական համարվող հուշարձանների հանրահռչակմանը:

Նախարար Ժաննա Անդրեասյանը շնորհավորել է Հուշարձանների եւ տեսարժան վայրերի միջազգային օրվա առթիվ եւ ողջունել մրցույթի մասնակից աշակերտներին՝ նշելով, որ այն եւս մեկ առիթ է՝ շեշտելու, թե որքան կարեւոր է ճանաչել եւ պահպանել պատմական ժառանգությունը, հոգածություն ցուցաբերել շրջապատում գտնվող հուշարձանների նկատմամբ:

Ըստ նախարարի Եվրոպական ժառանգության օրերի շրջանակում անցկացված մրցույթը կարեւոր է հայրենաճանաչության առումով. «Երեխաներից յուրաքանչյուրը գտել էր որեւէ արտահայտչամիջոց՝ կոմիքս, լուսանկար, բանաստեղծություն՝ ներկայացնելու իր վերաբերմունքը հուշարձանի նկատմամբ: Երեխաներն իրենց մոտեցումներով փաստում են, որ մեր հուշարձանների մասին կարող ենք պատմել եւ խոսել տարբեր ժանրերով եւ ձևերով, ու դրանք բոլորը կարող են լինել հետաքրքիր: Երբեմն տեսնում ենք, որ հուշարձանների տարածքները հենց մեր համաքաղաքացիների ոչ պատշաճ վերաբերմունքի պատճառով աղտոտվում են: Այս առումով՝ չափազանց կարեւոր է, որ պատմական ժառանգության եւ հուշարձանների հանդեպ վերաբերմունքի ձեւավորումը դառնա կրթական գործընթացի բովանդակային բաղադրիչ, որպեսզի երեխաները ճանաչեն եւ գիտակցեն հուշարձանների նշանակությունը»,- նշել է նախարարը:

Նախարարն ու ԵՄ պատվիրակության ղեկավարը, ինչպես նաեւ միջոցառման մյուս մասնակիցները շրջել են ամրոցի տարածքում, ծանոթացել պատմությանը, ընթացող աշխատանքներին:

«Պետության վերաբերմունքը հուշարձանների ոլորտին կոնկրետ փաստերով եւ ֆինանսական հատկացումների ծավալով է արտահայտվում. այս տարի հուշարձանների ամրակայման եւ վերականգնման ոլորտին հատկացվել է 1,3 մլրդ դրամ, որը նախորդ տարվա համեմատ կրկնակի ավելի է: Սակայն եթե համեմատենք, օրինակ, 5-6 տարի առաջվա տվյալների հետ, ապա հուշարձաններին հատկացվող բյուջեն ավելացել է մի քանի անգամ: Միայն այս տարի 14 հուշարձանների նորոգման եւ ամրակայման աշխատանքներ են իրականացվում, եւս 9 հուշարձանների տարածքներում պեղումներ եւ նախագծման աշխատանքներ են ընթանում, եւ այս ամենը մեր ամենօրյա աշխատանքի կարելու մասն է»,- նշել է նախարարը ընդգծելով, որ հատուկ ուշադրություն է դարձվում պետականության խորհրդանշական համարվող հուշարձանների հանրահռչակմանը:

Օրվա շրջանակում պատմական հուշարձանի «Բերդկունք» («Սպիտակ բերդ») ամրոցի տարածքում տեղադրվել է տեղեկատվական ցուցանակ:


«Եվրոպական ժառանգության երիտասարդ կերտողներ» մրցույթն ուղղված է պատմամշակութային ժառանգության հանրահռչակմանը. այն ԿԳՄՍ նախարարության համակարգմամբ իրականացրել է Ե. Չարենցի անվան գրականության եւ արվեստի թանգարանը:

ԿԳՄՍ պատմության եւ մշակույթի հուշարձանների պահպանության վարչության պետ Զարոյան Վանյանի խոսքով՝ Հայաստանում այսօր կան շուրջ 15 արգելոց-թանգարաններ: Յուրաքանչյուր տարի նախարարության առաջարկով եւ Կառավարության որոշմամբ այդ թիվը կարող է ավելանալ:

Մրցույթն իրականացվել է «Եվրոպական ժառանգության երիտասարդ կերտողներ» համաեվրոպական հարթակի համատեքստում «Եվրոպական ժառանգության օրեր» ծրագրի շրջանակում, որին Հայաստանը մասնակցել է առաջին անգամ: Հայաստանը մրցույթին ներկայացրել է 11-17 տարիքային խմբում, ներկայացվել է 41 աշխատանք. պատմական խմբերն ու անհատները մրցել են ազգային ժառանգության մասին իրենց պատկերացումներով՝ ներկայացնելով տեսասահիկներ, կոմիքսներ, անիմացիոն սյուժեներ, նկարչական աշխատանքներ, մինչեւ 5 րոպե տևողությամբ տեսանյութեր: Ներկայացված աշխատանքներից 6-ն ընդգրկվել է եզրափակիչ փուլում: Հայաստանից եւ արտերկրից 21 հայազգի մշակույթի գործիչներից կազմված հանձնաժողովի գնահատման արդյունքում հաղթող է ճանաչվել ՀՀ Կոտայքի մարզի Աբովյան քաղաքը ներկայացնող «ՀԱՅԵԼԻԿՆԵՐ» թիմը՝ «Գեղարդ» տեսանյութը:

«Այս տարի, օրինակ, նախատեսվել ենք ներառել Նորատուսի խաչքարերը, Բերդկունք ամրոցը, որի ուսումնասիրությունն արդեն իսկ սկսված է: Դա ենթադրում է պահպանության ավելի խիստ ռեժիմ որպես արգելոցի տարածք: «Պատմամշակութային արգելոց-թանգարանների եւ պատմական միջավայրի պահպանության ծառայությունն ՊՈԱԿ-ն ունենալու է հաստիքային աշխատակիցներ՝ հուշարձանի պահպանումն իրականացնելու համար»,- ասել է Զարոյան Վանյանը եւ հավելել,- նպատակն ամրոցի վերականգնումն է, ինչը կախված է պեղումների արդյունքից եւ ճարտարապետների ներկայացրած նախագծից: Վերականգնումն ընդհանրապես հնարավոր է գիտական տվյալների հիման վրա. ինչքանով գիտականությունն ու արքյուրները, բեկորները, առկա քարերը եւ չափազորությունները հնարավորություն տան այն իրականացնելու»:

Նախարար Ժաննա Անդրեասյանը եւ ԵՄ պատվիրակության ղեկավար Վասիլիս Մարագոսը զրուցել են մասնակից երեխաների հետ, հետաքրքրվել նրանց ներկայացրած նախագծերով: ԵՄ դեսպանը նշանավորել է երեխաների բարձր մասնակցությունը եւ հետաքրքրվածությունը մշակութային ժառանգության պահպանման գործում:



«Ես ազգայնական եմ - ու հպարտությամբ կը հայտարարեմ զայդ - որովհետեւ ծիվաղային պիտի նկատեի ուրիշ բան ըլլալ՝ իմ ազգիս արդի վիճակին մեջ, եւ ես գիտեմ ֆրանսացի ընկերվարականներ, անիշխանականներ, որ ըսած են ինձի. «Եթե հայ ըլլայինք, մենք անշուշտ ազգայնական պիտի ըլլայինք»: Ես ազգայնական եմ, որովհետեւ իմ պարտքս է ծառայել ամենեւն առաջ իմ ազգիս, որուն կը պարտիմ կյանքս, լեզուս, հոգվույս հիմնական գծերը: Ես ազգայնական եմ, որովհետեւ իմ ազգս դժբախտ է, ավելի դժբախտ, քան ոեւէ ազգ, եւ իմ պարտականությունս անոր հանդեպ ավելի մեծ է, քան ազատ եւ ուժեղ ազգի մը զավակինը դեպի իր ազգը: Ես ազգայնական եմ վերջապես՝ որովհետեւ իմ ազգս հառաջդիմության, քաղաքակրթության տարր մըն է ի բնէ, լուսի գործիք մըն է, գեղեցկության աղբյուր մըն է, ազատության կայծ մըն է: Իմ ազգայնականությունս նպատակը շրջակա ազգերուն վնասել, անոնց չքացմամբը իմ ազգս մեծցնելը չէ, այլ չեզոքացնելը հառաջդիմության խոչընդոտի դերը, գոր կը կատարեմ մեզ շրջապատող հետամնաց, տգետ եւ բիրտ զանգվածները, տալ միջոցներ, որ իմ ազգս, աշխատող, արտադրող, շենցնող, ազատասեր, արվեստագետ իմ ազգս իր բոլոր ծիրքերը, իր բեղուն հոգիին բոլոր ուժերը կարենա ազատորեն գործածել՝ հոգուտ ոչ միայն իրեն, այլ բոլոր արեւելքին, բոլոր մարդկության: Եվ ահա ինչու իմ ազգայնականությունս ավելի իրական ազատասիրություն է, ըլլալով ավելի գործնական, ավելի մարդկային, ավելի անմիջական...»:

«Անահիտ» 1906, թիվ 3-4-5, «Ռուսիա եւ հայերը»



Եղեռն...

Գարուն ա, ձուն ա արել...
 1915-ի սկզբին, մի շարք գաղտնի խորհրդակցություններից հետո, թուրքական կառավարությունը (Թալեթի, Զեմալի գլխավորությամբ) որոշեց, անկախ սկսված համաշխարհային պատերազմի ելքից, բնաջնջել արևմտահայությանը: Մշակվեց գործողությունների հստակ ծրագիր. որ քաղաքում, որ գյուղում, երբ եւ ինչպես, ինչ միջոցներով: Նախեսառաջ 18-45 տարեկան հայ տղամարդկանց գորահավաքներ անցկացվեցին, ապա նորակոչիկներին եւ բանակում մինչ այդ ծառայող հայ զինվորականներին մաս-մաս ոչնչացրեցին: Հաջորդը մտավորականությունն էր: Ապրիլի 11-ի գիշերը (իհն տոմարով) Պոլսում առանձին-առանձին դավադրաբար ծերակալվեցին 800 հայ մտավորականներ: Նրանց բոլորին գազամաքար սպանեցին: Նրանց մեջ էին... Զարմանալի՜ զուգահեռություն. թերեւս երբեք այդքան պայծառ դեմքեր մի-մասնանակ չէին ապրել ու ստեղծագործել, ինչպես այդ եղբերական տարիներին:

Հայ զինվորականների գնդակահարություններին, մտավորակա-


նության նահատակությանը, մի խումբ ազգային գործիչների մահապատժին (կախաղանի միջոցով) հաջորդեցին զանգվածային տեղահանությունները եւ կոտորածները... Ինչպես՞ հաշվել՝ որքա՞ն մահացան, որքա՞ն կին, որքա՞ն ծերեր, որքա՞ն մտքի եւ կամ որքա՞ն հոգի մշակներ... Ու այդպես մինչեւ տարեվերջ՝ 1.500.000... Ու յուրաքանչյուրին՝ ամենաբարտաճանախեղ արվածքներով ու մարդկային լեզվով անպատմելի եղանակներով... Ցեղասպանությունը կատարվում էր եւ Արեւմտյան Հայաստանում, եւ Օսմանյան Թուրքիայի այլ տարածքներում: Հիրավի, ինչպես հիշարտացել էր Թալեթը, երեք ամսում ավելին արվեց, քան արյունարբու սուլթան Համիդը արել էր 30 տարում...
 Ողջ Արեւմտահայությունը կամ կոտորվեց, կամ արտոլվեց ու գոհվեց ճանապարհներին, մի մասն էլ արտաքսվեց ի սփյուռն աշխարհի, ուր կարողացավ գոյատևել առայսօր՝ սպասելով հատուցման օրվան:

... Սրանք հանրագիտարանային տվյալներ են, որ ծանոթ են յուրաքանչյուր հայի: Ու ամեն անգամ

յուրաքանչյուր հայաստանցի, բարձրանալով Ծիծեռնակաբերդ, գլուխ է խոնարհում Մեծ եղեռնի անմեղ զոհերի հիշատակին ու ամեն անգամ ցավով հայտնագործում, որ անդամնալի են մեր կորուստները... Կորցրած հողը կարելի է հետ նվաճել: Հայրենիքը երբեք չի կորչում: Վաղ թե ուշ այն կրկին իր տիրոջն է պատկանելու: Նոր մանուկներ են ծնվելու հայոց աշխարհում, բայց գոհված ու չկայացած մանուկ հանճարների կորուստը անդամնալի է: Նոր Կոմիտասներ են ստեղծագործելու հայոց աշխարհում, բայց այն, ինչ պիտի աներ միայն **Կոմիտասը**, այլևս ոչ ոք չի անելու... Ու նաեւ **Ջոհրասը**, **Վարուժանը**, **Սիմանթրոնը**... ու բոլոր 1,5 միլիոնը՝ հատ-հատ: Նրանք են մեր կորուստը... ու նրանց գավակները, նրանց գավակների գավակները, որ մեզ այսօր այնքա՞ն պետք են ու չկան, ու չեն լինելու երբեք...

«Արեւելքում մեռնում է մեր քույրը... մեռնում է միայն այն բանի համար, որ մեր քույրն է: Նրա հանցանքն այն է, որ նա բաժանել է մեր զգացմունքները, սիրել է այն, ինչ սիրել ենք մենք, մտածել է այնպես,

ինչպես մենք եւ մեզ նման ընկալել է ինաստույթուն, բանաստեղծություն ու արվեստ: Դրա մեջ է նրա հանցանքը...», - գրել է մեր ժողովրդի բարեկամ **Անատոլ Ֆրանսը**: Բայց գուցե մեր հանցանքը դա՞ չէր միայն, այլ այն, որ մենք առաջինն էինք ստեղծել քրիստոնեական քաղաքակրթություն ու սնել նույն եվրոպային: Եվ եթե նույնիսկ նա լինեի ոչ թե պաշտպանի, այլ անաչառ դատավորի՞ դերում... Բայց մեր հանճարի, մեր կենսունակության, տնտեսական բարգավաճման առանձնահատուկ շնորհքի պատճառով մենք վտանգավոր էինք, ու մեր անկախությունը մոտակա մրցակցության ակնկալիք է ծնում պատմության ասպարեզի վրա ճեմող պետությունների դիվանագիտական ուղեղներում, եւ նրանց ձեռնտու չէ մեզ ունենալ իրենց հավասար իրավունքներով... Գոյության կոչվ է...
 Մի բանում անվերապահորեն ճիշտ է Անատոլ Ֆրանսը. «Հայաստանը մեռնում է, բայց նա կվերածնվի... նրան մնացել է շատ քիչ բան, թանկագին արյուն, որից կծնվի մի հերոսական սերունդ»:



Չարիկ, լառ, զարկոդին՝ զարկ...

1915 թվականին Արեւմտյան Հայաստանի մի շարք գավառներում եւ քաղաքներում հերոսական ինքնապաշտպանության դիմեց ժողովուրդը եւ արարեց խիզախության զարմանահարաշ դրվագներ: Եվ եթե թուրքական կառավարությունը դիվանագիտական աջակցություն չունենար, եւ հայ զանգվածներն էլ ապավինած լինեին միայն սեփական ուժերին եւ նախօրոք լինեին պատրաստ, 1915-ը հնարավոր է երջանիկ տարեթիվ դառնար...
 Վանի, Շապին-Գարահիսարի, Մուսա լեռան, Տարոնի, Ուրֆայի... հայ քաջորդիները տասնապատիկ ավելի թանկ վաճառեցին ռազմիկի իրենց կյանքը՝ դառնալով Թուրքիային հավերժական սարսափ, իրենց սերունդներին՝ անշեշ օրինակ:

Յերոսամարտեր...

թուրքական հրոսակների (թվով՝ 5-6 հազար) գործերը: Այդ առասպելական դիմադրությունը թուրքերը հաղթահարում են միայն խորամանկ դավադրությամբ...

Մուսա լեռ

Մուսա լեռը գտնվում է Միջերկրականի արեւելյան ափին: Նրա բարձունքների վրա վեց հայկական գյուղեր կային: Այդ վեց գյուղերի 4231 բնակիչներ (1171 կին, 1237 այր, 1883 անչափահաս) նախընտրեցին անապատներում մեռնելու փոխարեն խուսափել տարագրությունից, մնալ իրենց լեռան վրա եւ կռվել թշնամու դեմ: 1915-ի օգոստոսից մինչեւ սեպտեմբեր (40 օր) ծգվում է հերոսական պաշտպանությունը եւ ավարտվում ֆրանսիական մակերի օգնությամբ մուսալեռցիների ամբողջական զաղթով: Մահաբանակները շարադրված են Ֆրանս Վերֆելի հայտնի գրքում: Ասեմք միայն, որ ինքնապաշտպանական ջոկատի հրամանատարն էր 21-ամյա **Մովսես Տեր-Գալստյանը**:

Տարոն

Տարոնի նահանգի (Բաղեշ, Մուշ, Սղեթ, Կենճ, Սասուն, Մանազկերտ) ինքնապաշտպանության կազմակերպիչներն էին **Ռուբենը**, **Կորյունը**, **Կոմսը**՝ իրենց խիզախ ընկերներով: Առավել տեսական էր դիմադրությունը Մուշում եւ Սասունում՝ 1915-ի մայիսից մինչեւ 1916-ի փետրվար: Թշնամին պարտվում էր, բայց նորանոր կանոնավոր ուժեր էին ներգրավվում... Այնուամենայնիվ, հերոսական ինքնապաշտպանության շնորհիվ բնակչության զգալի մասը, ապաստանելով լեռներում, փրկվում է կոտորածից:

Վան

Վանի հերոսամարտի եռանդուն կազմակերպիչներից էր 1915-1919 թվականների հայ ազատագրական պայքարի եւ գաղափարական խնդրումների ամենապայծառ դեմքերից մեկը՝ **Արամ Մանուկյանը**: Նրա հետ էին Խրիմյան Հայրիկի՝ դեռես Վարազա վանքի վանահայրության ժամանակներից հայրենասիրության դասեր առած վառ ոգով եւ նարտական նկարագրով մի խումբ կորովի այրեր: Նրանց ջանքերով Վանի եւ նրա արվարձան Այգեստանի ինքնապաշտպանությունը տևեց

մեկ ամիս (1915, ապրիլ) եւ պակվեց հաղթանակով: 1915-ի մայիսի 1-ին Արամ Մանուկյանը հռչակվեց ինքնավար Վանի նահանգապետ:

Շապին-Գարահիսար

Այս գյուղաքաղաքում ազգային խմորումները սկսել էին 1880-ական թվականներից: Այստեղ են ստացել իրենց առաջին ֆիդայական մկրտությունը **Անդրանիկը** եւ **Մուրադը**:
 ... 1915-ի հունիսի 2-ից 20-ը քաղաքի փոքրաթիվ ինքնապաշտպանական ջոկատը (150 մարդ) անօրինակ խիզախությամբ հետ է մղում

Ուրֆա

Միջագետքի հյուսիսում էր գտնվում Ուրֆան (Ուռհա, Եղեսիա), որ ուներ շուրջ 30.000 հայ բնակչություն... Ուրֆայի հերոսամարտի կազմակերպիչներն էին **Սկրտիչ Յոթնեղբայրյանը** եւ **Հարություն Ռասթելեյանը**...

Արդարահատույց...

Եղեռնյա գրչով վրեժ երգեցի...

Հայ ազգային-ազատագրական պայքարը ծնեց ֆիդայիների՝ ազգային հերոսների մի լուսավառ համաստեղություն: Ֆիդայական շարժման մասին պատմական ճշմարտությունը քիչ թե շատ ծանոթ է ընթերցողին: Սակայն կա ազգային հերոսների մի այլ աստղաբաշխ, որոնց մասին շատ կցկրտոր տեղեկություններ կան հրատարակված մեզանում. հայ վրիժառուները, որ շարունակեցին մեծ հայդուկների գործը՝ նոր պայմաններում ու նոր ձեւերով: **Արաբոյի, Արջուր Սերոբի, Քեռու, Անդրանիկի, Մուրադի, Գեորգ Չաուչի, Հրայրի, Սաքոյի, Մախլուտոյի** եւ այլոց անունների հետ հայ սերունդները երախտապարտ փառաբանելու են **Արամ Երկանյանին, Սողոմոն Թեիկերյանին, Արշավիր Շիրակյանին, Ստեփան Ծաղիկյանին, Միսաք Թորլաքյանին**...

տանի 85 անդամների...
 1919-ին գնում է Պոլիս՝ Թալեթի հետքերով: Այնուհետեւ՝ Բեռլին: Հաստատվում է որպես ուսանող: Ճշտում է Թալեթի նոր անուն-ազգանունը, հասցեն... 1921թ. մարտի 15-ի առավոտյան, երբ Թալեթը դուրս է գալիս բնակարանից եւ սկսում առաջանալ փողոցով, Թեիկերյանը ընդառաջ է դուրս գալիս եւ դիմախոս կրակում մարդասպանի գլխին... Այնուհետեւ Սողոմոնը ձերբակալվում է եւ երկարատե դատավարությունից հետո ազատ արձակվում: Մահացել է 1960թ., Ամերիկայում:

խարհի ծանոթ բոլոր անկյուններում...»:

Արշավիր Շիրակյան

Տակավին պատանի, Պոլսից մեկնում է Հռոմ եւ հետապնդում Սայիդ Հալիմին, որի վարչապետության օրոք էր տրվել 1915-ի կոտորածների որոշումը: 1921թ. դեկտեմբերի 5-ին ցատկում է փողոցով սուրացող կառքի ելքի աստիճանի վրա եւ սպանում նախկին վարչապետին: Իտալական թերթերը կախարդական հերոսություն են նկատում կատարվածը: Այնուհետեւ Հռոմից անցնում է Բեռլին, Արամ Երկանյանի հետ հետամուտ լինում Բեհաեդդին Շաքիրին եւ Ջեմալ Ազմին: Միեւնույն օրը, երբ Երկանյանը ահաբեկում է Շաքիրին, նույն պահին էլ Շիրակյանը գնդակահարում է Ջեմալ Ազմին:

հային առաջին պատերազմի ընթացքում գտնվում էր Խարկովում: Այնտեղից անցնում է Կովկաս, միանում կամավորներին: Հայաստանի խորհրդայնացումից հետո մնում է տեղում իրականացնելու չիրագործված մահապատիժներ: 1922թ. հունիսի 21-ին Թիֆլիսում գնդակահարել է Ջեմալ փաշային: Չեկայի կողմից ձերբակալվել է եւ անհետ կորել:

Արամ Երկանյան

Կարնեցի է, ծնված 1900թ.: Եղեռնից մազապարծ ապաստանել է Կովկասում: Մասնակցել է Բաշ-Ապարանի ճակատամարտին: Հայաստանի Հանրապետության օրերին եղել է ՀՀԿ կուսակցության տրամադրության ներքո: Թիֆլիսում ահաբեկել է (1919 եւ 1920 թթ.) Ղախիբեկովին եւ Սարաֆովին: 1922թ. Բեռլինում ահաբեկել է Բեհաեդդին Շաքիրին: Այնուհետեւ ապրել է Ռուսիայում, Արգենտինայում... Մահացել է 1934-ին:

«Այնքան թեթեւ կ'ըզգայի, կարծես լեռ մը ինկած էր կուրծքիս վրային: Վստահ էի գնդակիս մահացության մասին: Հատուցված էր ուխտը հայ մեռելոցին»:

Սողոմոն Թեիկերյան

Ծնվել է 1886-ին, Դարանաղյաց գավառում: 9 տարեկան հասակում ընտանիքով մեկնել է Երզնկա: Եղեռնի ընթացքում կորցրել է իր գերդաս-

Ստեփան Ծաղիկյան

Ծնվել է 1886-ին, Խոտորջուրի Մոխրկուտ գյուղում: Համաշխար-

Միսաք Թորլաքյան

Ծնվել է Տրապիզոնում: 1916-ին կամավոր: Ապա անցնում է Պոլիս, հետապնդում Բաքվի հայկական կոտորածի պատասխանատու Ջիվանջիրին, որին էլ դիմախար գնդակահարում է 1921թ. հուլիսի 8-ին:

Ծագումով դարաբաղցի, քաղաքացիական կռիվների հրամանատար, Միջին Ասիայում բասմաչների դեմ մարտերի հերոս **Հակոբ Մելքունովը** 1922թ. օգոստոսի 4-ին գնդակահարում է Ենվերին:



... 3 տարի անց

Ազատությունը բախում էր մեր դուռը, իսկ մենք պատրաստ չէինք...

Կա ավանդական մի չափանիշ. պատկերացնելու համար հաղթանակի մեծությունը շեշտվում է հակառակորդի ուժը... Մեր հակառակորդը տարիներ, դարեր նա էր, որի մասին Գյուլգոյի թեալոր խոսքը հնչում է այսպես. *այստեղով թուրքը է անցել, մնացել են միայն ավերակներ*: Իսկ այդ հակառակորդը, թշնամին, թեև ոչ ուղղակիորեն, այնուամենայնիվ, օժանդակություն ստացավ եւ Ռուսաստանից, որին ապավինել էր մեր ազգի կեսը եւ որին հավատում էր մյուս կեսը եւս, եւ Եվրոպայից, որը Հայկական հարցին մայրում էր միայն որպես մշտական կռվան թուրքիայի վրա ճնշում գործադրելու...

Ուրեմն որքա՞ն հերոսական պետք է լիներ 600 տարի իր պետականությունը կորցրած ժողովուրդը, որ հաղթահարել երբեմն խաչվող, երբեմն զուգահեռ ընթացող այդ երեք ուժերը: Եղե՞նք անգամ չկասեցրե՞ց ոչ միայն նրա գոյատևումը, այլև կորցրածը հետ բերելու անսասան կամքը եւ տվյալ պահին խիստ անհրաժեշտ հավատը սեփական ուժերի նկատմամբ:

Հայոց մեծ եղեռնից երեք տարի անց տեղի ունեցավ Սարդարապատի ճակատամարտը... 1915-ին

անայացել էր Արեւմտյան Հայաստանը: Բայց դեռ կար Արեւելյանը... 1917-ի Հոկտեմբերյան հեղափոխությամբ տապալվել էր ցարական իշխանությունը, եւ Արեւելյան Հայաստանը իրերի բերումով հայտնվել էր ինքնուրույն դրության մեջ: Վերջին 600 տարիների ընթացքում առաջին անգամ հայության մի հատվածը ազատվել էր կապանքներից եւ, թեև արյունաքամ, քայքայված տնտեսությամբ, բայց արդեն միայն իր սեփական, թեկուզե նվազագույն, ուժերը տնօրինելու հնարավորությամբ... Բնական էր ստեղծված իրադրության մեջ թուրքական նոր արշավանքը: Արեւմտյանի ճակատագիրը կարող էր կրկնվել եւ Արեւելյան Հայաստանում... Բայց... Սարդարապատի հաղթանակը իր ունեցած նշանակությամբ իրավացիորեն համեմատվել է Ավարայրի հետ: Հայ ժողովրդի համար չափազանց վճռորոշ այդ հաղթանակը պարզապես պարզեցրեց գոյատևումը... Հաղթանակից ընդամենը 2-3 օր անց հռչակվեց Հայաստանի Հանրապետությունը: Պատկերացնել է պետք հայոց ոգեւորությունը. եղեռնից երեք տարի անց, եղեռնագարկ, լիովին քայքայված, կողոպտված եւ լքված, վերջին ուժերը Սարդարապատում փորձարկած Արեւելյան Հայաստանը իրագործում է իր 600-ամյա երազանքը. անկախ պետա-

կանությունը վերականգնվում է... 1918-ի մայիսի 28-ից սկսվում է Հայ դատի պահանջատիրության (Հայկական հարցի) նոր փուլը: Առաջինը իր քառասունամյա տարեգրությամբ ավարտվել էր եղեռնով... Երկրորդը տեւեց ընդամենը երկուսուկես տարի եւ ավարտվեց Հայաստանի խորհրդայնացումով...


1918-ի մայիսի վերջին Հայկական Հանրապետության տարածքը կազմում էր ընդամենը 10.000 ք. կիլոմետր: Երկու տարի անց 1920-ի կեսերին՝ 70.000 ք. կիլոմետր: Յոթնապատիկ այս հաջողությունը ամենից մեծ կռվանքն է հօգուտ որեւէ ազգի անկախության: Ընդամենը երկու տարի հայ ժողովուրդը ապավինել էր միայն սեփական ուժերին եւ կարճ ժամանակամիջոցում հաղթահարել ռազմական, տնտեսական, քաղաքական բազում դժվարություններ ու առաջադիմել նաեւ դիվանագիտության մարզում: 1920թ. օգոստոսի 10-ին կնքված Սեւրի դաշնագրով Հայաստանին հատկացվում էր եւս 100.000 ք. կիլոմետր տարածք. գրեթե ամբողջությամբ լուծվում էր Հայկական հարցը... Սակայն, Ավետիս Ահարոնյանի հստակ բնորոշմամբ, ազատությունը բախում էր մեր դուռը, իսկ մենք պատրաստ չէինք նրան ընդունել... Նորից կողմնորոշումներ, տարածայնություններ, չհաղթահարված ստրկախո-

ղութություններ...

Հայաստանի Հանրապետության թիկունքում սկսվում է ռուս-թուրքական քաղաքական մի նոր խաղ. ցարական Ռուսաստանի Հայաստանի հանդեպ ունեցած նկրտումներն այս անգամ դրսեւորվում են արդեն բոլշեւիկյան Ռուսաստանի համաշխարհային հեղափոխության շահերով... Կնքվում են ռուս-թուրքական պայմանագրեր, Ռուսաստանը նորից իր ձեռքն է վերցնում Հայաստանի եւ Հայկական հարցի տնօրինումը... Օտար երկրորդ եւ լուծում ապավինելու հին հիվանդությունը խարխուլում է հայոց միասնությունը:

Անդրանիկի հաշվարկներով Հայաստանը 65.000 զորաբանակով կարող էր իրականություն դարձնել Սեւրի դաշնագրով արտոնված Ազատ, Անկախ ու Միացյալ Հայաստանը, սակայն գաղափարական տարածայնությունները քայքայում են նույնիսկ անկախ ուժերը, եւ Հյուսիսի ու Հարավի ճնշման միջեւ Հայկական Հանրապետությունը ստիպվում է ոչ միայն իրաժարվել նոր տարածքներից, այլև ընդհանրապես անկախ պետականությունից...

Հայ դատի պահանջատիրության երրորդ փուլը (1920-1965) որեւէ նշանակություն պարունակում է միայն Սփյուռքի գործողություններում: Մայր հայրենիքում սկսվում է մի երկարատև լուծություն...



Թող որոտա իմ գլխին...

1965 թվականով սկսվեց հայ դատի պահանջատիրության նոր հանգրվանը: Մինչ այդ եղել էր 1937-ը, հետո՝ 1949-ը, հետո եկել էր 1953-ը: Մի ամբողջ 45 տարի «Եղեռն» կամ «Հայկական հարց» արտահայտությունները ուղղակի հանված էին մեր բառապաշարից, ինչպես ժամանակին օսմանյան թուրքիայում արգելված էր «Հայաստան» բառի գործածությունը: Միայն 1965-ին ժողովուրդը, մի խումբ ընտրյալների շքանշանով, նշեց Հայոց Մեծ եղեռնի 50-ամյա տարելիցը: Եղան հանրահավաքներ, բազմամարդ ցույցեր, երթեր, կիզակետում էին հրապարակները, Կոմիտասի անվան զբոսայգին... Սա առաջին համաժողովու-

րական պոթեկունն էր խորհրդային Հայաստանում: Նույնիսկ «Պրավդան» այդ օրերին հոդված տպագրեց եղեռնի մասին: Հետագա իրադարձությունները ցույց տվեցին մայր հայրենիքում եղեռնի 50-ամյա տարելիցի նշման ողջ նշանակությունը: 1965-ից հետո մեզանում սկսեցին լույս տեսնել բազմաթիվ գրքեր՝ հայոց ցեղասպանության մասին: Իհարկե, դեռևս չէր վերհանվում ողջ ճշմարտությունը, սակայն մեր պատմության այդ մի դրվագը եւս մտավ մեր մշակութային շրջանառության մեջ, մեր հիշողության մեջ, ու արդեն գիտեինք, որ ունենք Հայ դատ ու պահանջատիրություն:

1965-ը անհամեմատ մեծ ընդգրկումով նշվեց Սփյուռքում: Ոգեկոչման արարողություններ կատար-

... 50 - ամյակ

վեցին Լիբանանում, Միացյալ Նահանգներում, Ֆրանսիայում, Արգենտինայում, Կանադայում, Իտալիայում եւ այլուր: Արտասահմանյան բազմաթիվ երկրներում, հատկապես՝ թուրքական դեսպանատների առջեւ, տեղի ունեցան ցույցեր, քայլարշավներ... Բեյրութում հրատարակվեց «Հուշամատյան Հայոց Մեծ եղեռնի» մեծածավալ աշխատությունը... Ամենատարբեր երկրներում եւս լույս տեսան բազմաթիվ գրքեր, հոդվածներ: «Սոնդ» թերթում հրատարակված իր հոդվածում հայագետ Ֆրեդերիկ Ֆեյդին գրեց. «Բոլոր մարդերում մեջ, հակառակ իրենց փոքր թվին, հայերը կնպաստեն քաղաքակրթության համաշխարհային գործին»: «Յունանիտեն» նշեց, որ «Հայե-

րի մասսայական կոտորածը ցեղասպանության առաջին ոճիրն էր 20-րդ դարի սկզբին, 1914-18 թթ. պատերազմի ընթացքում: Եվ այդ ոճիրը երեք չդադարեց ու չդադարեց»:

Ժամ Սարի Գառզուն իր «Մի իսկական ցեղասպանություն» գրքում հանգամանորեն ներկայացրեց Հայոց Մեծ եղեռնը, վերլուծելով նրա հետևանքները:

Իվ Տեռնը Հայաստան այցելելուց հետո հրատարակեց «Հայերը. մի ցեղասպանության պատմություն» աշխատությունը...

Հարկ չկա բոլորը թվարկել: Հայությունը չէր մոռացել իր պատմությունը, իր դատը, աշխատում էր օրնիքում, փնտրում ու գտնում կատարվածի արդար հատուցման համակիրներ:

Ձեզ ո՞վ էր ասում՝ մեզ սեղմե՞ք այդքան...

Ի՞նչ կար Հայաստանում 1965-88 թվականներին: Երկրում «ծաղկում» էր «լճացումը»: Հայաստանում այն ուներ մի ուրիշ երանգ եւս. ծովանում-ամբարվում էր ժողովրդի հիշողությունը, որ այլևս արթնացել էր ստալինյան «անհատի պաշտամունքի» պասկազերծումից ու մանավանդ 1965-67թթ. ժողովրդական ընդվզումներից հետո... Եիշտ է, դա արտահայտվում էր ոչ զանգվածային, ուրեմն, հատկապես՝ զրական-մշակութային եւ պատմագիտական ոլորտներում, բայց, այնուամենայնիվ, գոյատևող ժողովուրդը այլևս թեակոխել էր իր արդար պահանջատիրության նոր փուլը եւ ապրում էր մի յուրատեսակ նախապատրաստական շրջան: Այդ տարիներին ստեղծագործական վերելքներ ապրեց Հովհաննես Շիրազը, ի հայտ եկան մշակութային այնպիսի հզոր երեւույթներ, ինչպիսիք էին Պարոյր Սեւակը, Մինաս Ավետիսյանը, Սուշեղ Գալշոյանը... Ավելացնենք Հրանտ Մաթևոսյանի արձակը, Տիգրան Մանուկյանի երաժշտությունը, Համո Սահյանի պոեզիան, Սերո Խանգալ-

յանի պատմավիպասանությունը... Բոլորը չեն թվարկվում... Ստեղծվում էին արժեքներ, որոնցով կրթվում էր նոր սերունդը, մանավանդ որ պատմագիտության բնագավառում եւս դրական տեղաշարժերն ակնհայտ էին (Ջոն Կիրակոսյան եւ ուրիշներ): Եվ մտալուտ գարնան շունչը զգացվում էր օրավուր: 1967թ. նոյեմբերի 28-ին տեղի ունեցավ Ծիծեռնակաբերդի բարձունքի վրա կառուցված՝ 1915թ. Մեծ եղեռնի զոհերի հիշատակին նվիրված Հուշարձան-կոթողի բացումը: Մի քանի ամիս անց, այս անգամ՝ պատշաճ օրը, 1968-ի մայիսի 25-ին, հանդիսավորապես բացվեց Սարդարապատի ճակատամարտին նվիրված հուշահամալիրը: Այդպիսով նշվեց մեր պատմության փառահեղ այդ իրադարձության 50-ամյակը եւ «Եղեռն» բառ-հասկացության հետ շրջանառության մեջ դրվեց «Սարդարապատ» հասկացությունը: Իհարկե, պատմական ճշմարտությունները դեռևս կարելի էր քաղել միայն Սփյուռքում լույս տեսնող գրքերից ու պարբերականներից, իսկ մայր հայրենիքում լրկ դրանց, ասենք, Հանրային գրադարանում պահպանվող եզակի օրինակներից: Նույն՝ 1968-ի հոկտեմբերի 18-ին

հանդիսավորապես նշվեց Երևանի հիմնադրման 2750-ամյակը: Ոգեւորությունը համազգային էր: Ու թեև մի Պի-նոտրովսկի (անշուշտ, մեր գիտնականների օժանդակությամբ) կարողացավ աշխարհին զարմացնել, թե տեսե՞ք, մի նոր, անհայտ աշխարհ եմ հայտնաբերել, մի Ուրարտու, մի առանձին քաղաքակրթություն, հայ ժողովուրդը մեծ խմբերով բարձրանում էր Արին-Քերդ բլուրը, դեպի Երեւուհի ամրոցը, եւ բնավ չէր կասկածում, որ Երեւուհին Երևանն է եւ նույնքան հայկական, որքան Վանը, Տիգրանակերտը, Վաղարշապատը... Իսկ բլրան ստորոտին շրջիկ-վաճառողները ազգային կիրառական արվեստի նմուշներ ու նաեւ Անդրանիկի լուսանկարներն էին վաճառում... Դե գնա ու ասա, թե Ուրարտուն Արարտուն չէ, Հայաստանը չէ, թե հայոց լեզուն 6 հազար տարեկան է, բայց հայ ժողովուրդը... ընդամենը 2,5 հազար, որովհետեւ 3,5 հազար տարի կազմավորման ընթացքի մեջ է եղել... Ժողովուրդներ են եկել ու գնացել պատմության թատերաբեմից, իսկ հայերը ժողովուրդ չեն եղել, ազգ չեն եղել, այլ ինչ-որ անհայտ ու տարանուն ցեղերի մի խառնարան-ամբոխ... Այդպիսի անհեթեթությունների միայն «գիտնականները» կարող են

... 2սպանակ

հավատալ: Ժողովուրդը հո գիտի, մեկին գունդանում մեկի պես պարզ է կար հայոց լեզուն, ուրեմն կար եւ այդ լեզվով խոսող, այսինքն հայ ժողովուրդը... Եվ հետո՞ հո լճացումը անսահման չէ՞ր տեսելու: Անցնելու էր եւս քսան տարի, եւ Անդրանիկին հավասար Նժդեհն էր պաշտվելու, եւ սուտ «ուրարտացի» բառին փոխարինելու էր ճշմարիտ «արիացին»... 1978թ. ապրիլի 14-ին Հայկական ԽՍՀ Գերագույն խորհրդի նստաշրջանը հաստատեց Հայկական ԽՍՀ սահմանադրությունը: Լճացում էր, բայց ժողովուրդը արդեն ընդվզել գիտեր ու իր կամքով ստիպեց սահմանադրության մեջ կրկին վավերացնել, որ Հայկական ԽՍՀ պետական լեզուն հայ ժողովրդի մայրենի լեզուն է, հայերենը... Նույն թվականի աշնանը պետականորեն նշվեց Ռուսաստանի հետ Արեւելյան Հայաստանի միավորման 150-ամյակը, Հայաստանը 3-րդ անգամ պարզեւտրվեց Լեւոնի շքանշանով: Բայց թե ժողովուրդը արդեն հոգնել էր կեղծ պատմություններից, անհիմն եւ անարդար «ինտերնացիոնալիզմներից», բայց ինքնիշխանի ուժով «լճացումը» դեռ շարունակում էր գոյատևել, եւ նրան բնորոշ կարգախոսն էր՝ «Շիրակո շազայետ Ազեր-

բայքան», որ համահունչ էր երկրի հիմնին՝ «Շիրակա ստրանա մայա...»... 1967թ.-ից սկսած, արդեն թույլատրված կարգով, ամեն տարի ապրիլի 24-ին ժողովուրդը գնում էր Ծիծեռնակաբերդ: Պատմաորդ ամմահ «Հայոց պատմություն»-ում Ռավիթ Անհարթի ծննդյան 1500-ամյա հոբելյաններն էր նշում, համոզվում ու հավատում, որ աշխարհն անճանաչելի է, որովհետեւ անվերջ է, բայց նաեւ՝ թեև փոքրաքանակ ժողովուրդ ենք, մեր պատմության մեջ շատ են հերոսական դեպքերն ու դեմքերը, որ ապրելու կեսն էլ պատվով մեծել է... Սփյուռքը շարունակում էր իր պայքարը ազգապահպանման համար՝ ուժացնում դեմ, հայ դատի պահանջատիրության նորանոր եղանակներ փնտրում, մենք զսպանակի պես սեղմվում էինք ու հոգեւոր պաշար կուտակում, որ մեր թիկունքի հսկա պատմությանն ու մշակույթին ապավինած՝ սովորե՞նք արժանապատիվ ապրել, արժանապատիվ պահանջել, արժանապատիվ պայքարել... Դեռ զայլու էր Փետրվարը, որ լիներ Չարթոնք, որ պատմության արժանապատիվ լիներ վատահաստակ, սեփական ուժի ու բարոյականության ինքնագիտակցմամբ:

Փետրվար...

Գարուն ա, արեւ ա արեւ...

Արցախահայությունը, իբրև անբակտերի մասը հայության, նույնպես անցավ 19-րդ դարավերջի ու 20-րդ դարասկզբի թուրքերի (հատկապես՝ 1918-21թթ.): Հայոց ազգային-ազատագրական պայքարի՝ Արցախի բաժինը կասեցվեց 1921թ. հուլիսի 5-ի Կոմիտրոյի տիրապետչական որոշումով: Սակայն մի՞թե հնարավոր է ժողովրդի կամքը ոտնահարել եւ զսպառարկել մեզ պահել մշտապես... 1923թ. ստեղծված Լեռնային Ղարաբաղի Ինքնավար Մարզը Ադրբեջանական Խորհրդի արտահերթ նստաշրջանի որոշումը՝ Լեռնային Ղարաբաղի Ինքնավար Մարզը Ադրբեջանական ԽՍՀ-ի կազմից Հայկական ԽՍՀ կազմի մեջ անցնելու վերաբերյալ Ադրբեջանական ԽՍՀ եւ Հայկական ԽՍՀ Գերագույն խորհուրդների առջև միջնորդելու մասին, ընդառաջելով ԼՂԻՄ-ի աշխատավորների ցանկություններին...», ու թնդում է Թատերական հրապարակը հազարաձայն «միացում»-ից, ու երկինք բարձրացած բռունցքներից, թվում է, դողում է մեր մոտ անցյալի ճակատագիրը...

Ու հաջորդ օրը, ու մյուս օրը, ու յոթ օր շարունակ, թվում է, ողջ հայությունն է Թատերական հրապարակում, որ դրանից հետո Ազատության վերանվանվեց: Հայաստանը, թվում է, տեսանելի լարերով մեկ ակնթաթում կապվել է ողջ սփյուռքահայության, ողջ աշխարհի հետ... 100.000, 500.000, 700.000 ու ավելի մարդիկ, հայեր, միական, միաբռունցք իրենց պահանջատիրություն են ավելտում Մոսկվա, Նյու Յորք, համայն մարդ-

կությանը: Ու արձագանքներ ու շարժումներ, թվում է՝ ողջ Եվրոպան մեր միտինգներից է ցնցվում. ոչ մի օրինազանցության դեպք, մի ծաղիկ անգամ չի տրորվել, բժիշկները օգնության են հասնում վայրկենապես, անվճար ուսուցիչ եւ ընկերներ են բաժանում... Ու այսպես մի շաբաթում դառնում ենք Միասնական ազգ, Ազատ ժողովուրդ... Այն ո՞վ էր ասում, թե միաբան չենք: Այդ ի՞նչ էր, ուրեմն, հրա՞ջք, մի շաբաթվա մեջ ինչպե՞ս միացանք: Միասին էինք միշտ, ժամը պիտի գար, որ ելնեինք ոտքի...

... Ու միանգամից, մի քանի օր, մեկերկու ամիս, փոխվում է քաղաքը, փոխվում է Հայաստանը, ու Սարոյանը էլ չի ասում, թե՛ հայերը Հայաստանում ապրում են այնպես, ինչպես Ամերիկայում, այսինքն՝ իրենց ապրելով այդ երկիրը Հայաստան չեն դարձնում...

Հիմա Սարոյանը հարցնում է. «Աս բոլորը հայե՞ր են», ու երբ դրական պատասխան է լսում, հրճվում է մանկան պես, իր կիսված սրտի սման մի օր իր հայրենիքն էլ է միացյալ դառնալու, ու բացականչում է. «Ապա մի փորձեք կործանել այս ցեղը, ասացե՛ք՝ դարձյալ 1915 է, ու աշխարհի աչքը պատերազմի ծխով բռնված: Կործանեցե՛ք Հայաստանը, տեսե՛ք՝



Կկարողանա՞ք: Իրենց շեն տներից քշեք նրանց անապատ: Չմոռանաք խել ձեռքների հացն ու ջրի վերջին ունայր: Իրենց ու իրենց Աստծո տները վառեցե՛ք: Տեսե՛ք, թե նրանք դարձյա՞լ չափսի ապրեն: Տեսե՛ք՝ ցեղը դարձյա՞լ չափսի հառնի, երբ նրանցից երկուսը իրար գտնեն մի գարեջրատան մեջ, թեկուզ տասը, թեկուզ հարյուր տարի հետո, եւ խնդան ու խոսեն իրենց մայրենի լեզվով: Ջանացե՛ք, տեսե՛ք՝ կարողանա՞ք պիտի, շանոր-

դիներ, արգելել նրանց, որ չծաղրեն ձեր մեծ-մեծ ճոճուս գաղափարները, որ աշխարհում երկու հայ չխոսեն իրար հետ, փորձեք ջնջել նրանց... Փետրվարը, լինելով արթնացած հայոց ոգու վառ արտահայտությունը, ինչ-որ մի տեղ դեռ արտաքին հուզական փայլ էր լույս, ձեւ, որ անսպասանորեն պայմանավորեց եւ բովանդակությունը, առջեւում Գործն էր, որ արդեն ունեցավ իր առաջին շոշափելի արդյունքները:

Ազատագրում...

Պիտի կերտեք նոր արշալույս

Ղարաբաղյան շարժմանն ի պատասխան՝ արդե՞ք անցինք կազմակերպչացի հերթական ցեղասպանություն Սոււմայիթում: Նույն ծանոթ ձեռագիրը. թուրք խուժանը հագուրդ է տալիս իր արճախում բնագրին՝ իր իշխանության սցենարով... Արդե՞ք անցինք հայաշատ բնակավայրերից կրկին ելան գաղթականների քարավաններ: Թալանված, հալածված, մազապուրծ բազմաթիվ հայեր (հարյուր հազարավորներ՝ միայն Բաք-վից) մի կերպ հասան Հայաստան՝ ճանապարհին թողնելով ոչ միայն տասնամյակների աշխատանքով ձեռք բերված ունեցվածք, այլև հարազատների մարմինները... Մի՞թե կրկնվելու էր պատմությունը...

Մինչ Հայաստանում քաղաքական նորագույն խնդրումները ձեւավորում էին ազգային-ազատագրական պայքարի նոր փուլը, 1988-ի դեկտեմբերի 7-ի երկրաշարժը հերթական անդամանելի աղետը բերեց հայ ժողովրդի գլխին... Բայց, օ՛՜ ճակատագիր. 1915-ից երեք տարի անց՝ 1918-ին հիմնադրվել էր Առաջին Հանրապետությունը, եւ ահա, 1988-ի աղետից դարձյալ երեք տարի անց, 1991-ի սեպտեմբերի 21-ի հանրաքվեով հիմնադրվեց Հայաստանի Երրորդ Հանրապետությունը:

Մինչ երկրի պատրաստվում էր պետական շինարարության, ազերի վայրենի սանձազերծեց պատերազմ արցախահայության դեմ՝ նախահարձակ լինելով նաեւ Հայաստանի սահմանամերձ շրջաններում: Սակայն, ի հեճուկս թշնամու, 1992-


94թթ. տեղի ունեցած մարտական գործողությունների հետեւանքով ազատագրվեց Արցախի մարզը՝ հարակից շրջաններով... Սարդարապատից 74 տարի անց ճակատագիրը մեզ արտոնեց հպարտանալ մի նոր՝ Շուշիի հաղթանակով:

Հաղթանակը ձեռք բերվեց հայ ազատամարտիկների արյան գնով: Կնքվեց զինադադար... Սակայն պատերազմը դեռ ավարտված չէր: Արցախի հիմնախնդիրը, որ համայն հայության կենսականն էր ու Հայկական հարցի մերօրյա առանցքային բովանդակությունը, լուծված չէր իրականում, եւ ազատագրումը դեռ վավերացված չէր միջազգային իրավական դաշտում... Մանավանդ, որ ոստիք դեռ վնգստում էր...

Արցախյան ազատամարտը ընթացավ անկախացած երկրի վերաշին-

ության առաջին քայլերին զուգահեռ: Անկախության խորհրդանիշները, պետականության հիմնական հաստատությունները մեկը մյուսի ետեւից դարձան իրողություններ: Տարիներ անց մի նոր աղետ՝ 1999-ի հոկտեմբերի 27-ը փորձեց կասեցնել ստեղծագործ աշխատանքով երկրի վերականգնման գործընթացը... Սակայն, ի պատիվ ժողովրդի, իշխանությունների ու ընդդիմության, ճգնաժամը հաղթահարվեց...

Տարածաշրջանում ամենաժողովրդավարական հասարակությամբ, դեռեւս ամենամարտունակ բանակով, վերականգնվել սկսվող ու զարգացող տնտեսությամբ եւ, ամենակարեւորը, համազգային միասնությամբ՝ Հայաստանը քայլ առ քայլ ամրանում ու նստեցնում էր իր ապագային...



Երկու ծաղկով գարուն

Իմ նոր Հայրենիք, Հզոր Հայրենիք...

Հայաստանը արեւելյան եւ արեւմտյան հատվածների առաջին անգամ բաժանվեց 387թ.-ին (Բյուզանդիայի եւ Պարսկաստանի միջեւ): Ծիշտ է, հետագայում տարբեր վարչական բաժանումներ ունեցավ Հայաստանը, վերականգնեց պետականությունը իր պատմական հայրենիքում (922-1045, Բագրատունյաց հարստություն), սակայն այդ, ասես, ճակատագրով նախասահմանված սահմանագիծը այդպես էլ չանհետացավ հայոց երկրի ու քարտեզի վրայից: Հետագայում Բյուզանդիային փոխարինեց Օսմանյան Թուրքիան: 1828 թվականին Արեւելյան Հայաստանը միավորվեց Ռուսաստանին: Արեւմտյան Հայաստանը դատապարտվեց կործանման: 1895-1923թթ. ցեղասպանություններից հետո Արեւմտյան Հայաստանը ամառացավ գրեթե ամբողջապես, արեւմտահայությունը սփռվեց աշխարհով մեկ՝ ստեղծելով նոր գաղթօջախներ եւ կամ սովորացնելով նախկինում եղածները: Հայության երկու հատվածները արդեն կոչվեցին, դարձան Սփյուռք ու Մայր Հայրենիք...

Սեզ բաժանել են, որ տիրեն: Մենք գոյատևելու ենք մեկս մյուսով: Առանց Մայր Հայրենիք՝ Սփյուռքը դատապարտված է ուժեղացման: Առանց Սփյուռք՝ Հայրենիքը տկար է եւ միայնակ:

Այսօր մենք արդեն ունենք միասին լինելու գիտակցությունը: Չէ, ոչ երկրաշարժը, Արցախյան շարժումը, ազգային Ջարթոնքը բերեց մեզ մեկ ժողովուրդ, մեկ հավատ, մեկ լեզու, մեկ հայրենիք ինքնագիտակցությամբ: Ղարաբաղը արթնացրեց Սփյուռքին, իսկ մեզ հուշեց՝ նրան պահպանելով նրան ապավինելու կարելությունը: Երկրաշարժը, որ ցնցել էր արդեն իսկ ողջ աշխարհը, սրտահույզ գթասրտության ալիք տարածեց սփյուռքով մեկ. այդ ինչպե՞ս, ուրեմն մեր հայրենիքը կարող է եւ չլինե՞լ... Ու Ղարաբաղով արթնացած սփյուռքահայոց ոպից շարժեց նաեւ սիրտը սփյուռքահայոց...


Անշուշտ, դա այդպես է: Բայց մեզ միացնողը, ավելի ճիշտ՝ մեր միջեւ եղած անջատումները (մի ազգի երկու մասերի միջեւ «ջերմ կապեր» հասկացությունն անգամ սառն է հնչում) վերացնողը եղավ մեր ազգային Ջարթոնքը: Նորից վերարթնացան հայոց երազները, հայոց իղ-

ծերն իրագործելի ծրագիր դարձնելու ելքեր որոնվեցին: Հայոց դատի պահանջատիրությունը որչափ Սփյուռքինը, նույնքան եւ ավելի դարձավ Մայր Հայրենիքինը:

1992-94 թթ. եւ ապա 2016թ. ապրիլի 2-5-ը Արցախյան ազատամարտում տարած մեր փայլուն հաղթանակներն ամրապնդեցին Արցախի անվտանգությունը՝ աննախադեպ ոգևորություն պարգեւելով աշխարհամայրու հայության բոլոր հատվածներին եւ մեզ դարձնելով պատմականորեն միասնական ազգ նաեւ նոր ժամանակներում (բացառյալ վերջին դավադիր պատերազմը եւ արցախահայության բռնի տեղահանությունը իրենց բնօրրանից):

Երբ միասին ենք, հաջողություններն ակնհայտ են: Մանավանդ, որ հասկացել ենք, որ պիտի ապավինենք միայն մեր սեփական ուժերին... Սփյուռքի եւ Մայր Հայրենիքի միացյալ ուժերով պիտի ամբողջանա մեր կիսատված տունը, շենանա Թումանյանի երազած մեր «Նոր հայրենիք, հզոր հայրենիք...»:

«Մի ծաղկով գարուն չի գա», - ասում է ժողովուրդը, թեեւ եթե ունես Գեւորգ Մարգարետունու անկոտրում հավատը, կարող է եւ գալ: Իսկ երկու



ծաղկով գարունը, թվում է, ուր որ է պիտի գա: Հայրենիքի ու Սփյուռքի՝ ամեն ձեռնարկ ու խնդիր լուծելիս միշտ միասին լինելու դիրքորոշմամբ կկարողանանք հասնել Հայ

դատի պահանջատիրության ցանկալի հանգրվանին եւ, ի վերջո, լուծել Հայկական հարցը:

Համընդհանուր խռովքի թելադրանքով Կամ՝ մի քիչ թվաբանություն

սկիզբը՝ էջ 4

Դու արդեն ելել ես Ազգավարից: Վկա՝ Քո 25-ամյա անկախությունը: Ե՞րբ պիտի մոռանաս «բարեկամ» օտարի գոյությունը, որպեսզի այլևս երբեք չպարտվես ոչ բարեկամ օտարներին... Թույլ տուր՝ հավատամ, որ այսօր, ապրիլյան այս վերջին քառօրյա պատերազմում Քո հերթական հաղթանակից հետո, Դու վերջնականապես սթափվել ես Քո հազարամյա նիրհից ու Քո **արքայական** արժանապատվությամբ քայլ առ քայլ վերականգնելու ես նաեւ Քո **Սեօ Հայրենիքը**: Քո՛, միայն Քո մտքով, ու Քո, միայն Քո բազկի ուժով, ամբողջությամբ, առանց որեւէ զիջումի, որովհետեւ Դու Քո բոլոր զիջումներն արել, ապրել ու սպառել ես արդեն հազար տարի...

... Տասը տարի առաջ՝ հունվարի առաջին օրերին, լրատվամիջոցները տեղեկացրին ադրբեջանցիների հերթական բարբարոսական արարքի մասին... ցուցադրվում էին Իրանի տարածքից նկարահանված կադրեր, որոնցում ազերի զինվորները հսկա մուրճերով ջարդուխուրդ էին անում հայկական մշակույթի վերջին բեկորները... նախիջեւանյան 10.000 խաչքարերի վերջին մասունքները... Քանի՞ եկեղեցի, քանի՞ խաչքար, հայկական մշակույթի քանի՞ անգին վկայագիր է ոչնչացվել 1920-ից ի վեր... Ո՞վ է հաշվել: Այդ թվականից սկսած ռուս բոլշևիկների կողմից արհեստականորեն ստեղծված Ադրբեջան վարչական միավորին բռնակցված Նախիջեւանում (փառք Աստծո, Արցախն այսօր ազատագրված է) քանի՞ հայ է սպանվել, տարհանվել... Պատմագիտական տվյալներն ու իրողությունները չթվարկեմք: Մանավանդ որ պատմությունը չունեցող եւ այդ պատճառով էլ պատմագիտություն չսիրող մեր սինվերթի թշնամու մի ներկայացուցիչ (հիշո՞ւմ եք 80-ականների վերջերին ազերիների գրողների միության Անար անունով նախագահին) կարող է բարբառել, թե հայերը մազդիսիստ են...

«*Լավը չես, խեղճ ես, լավը չես, զավակս, որդիս, առաջնեկս, իմ հույսս, իմ թանկս, լավը չես, մեջդ վրեժ չկա... Ինչ իմացողի հարցնում եմ՝ գովում ու ծիծաղում է՝ իբր թե լավն ես, խղճով ես, եւ եղ ծիծաղն իմ սրտին դանակ է դառնում, զավակս, զավակս... մարդ չպիտի էնքան քաղցր լինի՝ որ կուլ տան ու չպիտի էնքան դառը լինի՝ որ թքեն: Քեզ կուլ են տվել ու գովում են, զավակս, քեզ կուլ են տալիս: Ասում են խիղճ, բայց խիղճը գիտե՞ս երբ է խիղճ - երբ գազանի մեջ է: Քոնը խիղճ չի, խեղճություն է», - ասում է Զրանտ Մաթեոսյանը... Ինչո՞ւ խղճացիմք: Պահը եկել էր՝ դարավոր ոսոխի այդ մի հատվածը աշխարհի երեսից ի սպառ ջնջելու... Էլ ինչո՞ւ ենք պաշտում **Նժդեհին**. «*Ուժն է ծնունդ իրավունք*», եթե չպիտի լինենք նրա պես վճռական: Էլ ինչո՞ւ ենք հպարտանում*

պատմությամբ ու հիշում պատմահորը. «*Սահմանք քաջաց՝ զենք յուրյանց*», եթե... շիրմաքար պղծողին պետք է պարզապես ոչնչացնել... Լույս իջնի հոգուդ, **Խրիմյան Հայրիկ**, «*Երկաթե շերտիկ*» Քո դասը դեռ չենք սերտել ինչպես որ հարկն է ու դարձյալ ապավինում ենք թղթե «շերտիկներին»... Մինչեւ ե՞րբ...

Մշակութային այդ եղեռնագործությունից օրեր անց հայ սպային Եվրոպայի կենտրոնում կացնահարած սինվերթի մարդասպանին Ադրբեջանը հռչակեց տարվա մարդ... Ի՞նչ մարդ... Իր հավաքական ամբողջության մեջ լույսի թշնամի, խաղաղության հակոտնյա ոսոխը (թուրք, թե ազերի) չի կարող հանդուրժել եւ ոչ մի **բարի գոյություն**՝ անգամ իր տիրապետության ներքո... Իր **չար** բնույթը թույլ չտվեց հանդուրժել անգամ նախիջեւանյան խաչքարերի վերջին փշուրների լուռ վկայությունը իր **գողացած տարածքում**... Ո՞րը թվարկել եւ ինչո՞ւ թվարկել: Ամեն օր, ամեն ժամ իր վայրագ դեմքը թաքցնել անգամ չփորձող գազանը եղել եւ մնում է վտանգավոր, քանի դեռ ոչնչացված չէ **ի սպառ**...

... Ուզենք, թե չուզենք, մենք ականա մերքաշված ենք մեծ պատերազմի մեջ: Այն սկսվել է 1000 տարի առաջ, երբ առաջին անգամ թուրք տարրը մտավ Հայկական Լեռնաշխարհ: Չենք ուզեցել, չէ՞, բայց նա տարիներով, դարերով խնել է մեր արյունը, մեր հայրենիքում ստեղծել է պետություն, երկիր, ոչնչացրել է մեզ ու մեր ստեղծած քաղաքակրթությունը 1000 տարի՝ ընդհուպ մինչեւ ցեղասպանություն... 1000 տարի մեր խաղաղասեր եության թելադրանքով մենք մեզ միշտ խաբել ենք, թե պատերազմն ավարտվել է, թե վերջապես մեզ բաժին մնացած այս մի փշրանք հողակտորի վրա գոնե կարող ենք ապրել ու ստեղծել խաչով ու գրչով, բառով ու մուրճով, մտքով, քանքարով...

Ավա՛ղ... պատմության դասերն այդպես էլ մինչեւ վերջ չենք սերտում ու մերթընդմերթ ստիպված ենք լինում ինքներս մեզ հիշեցնել, որ ազգերի միջեւ, ինչպես բնության մեջ, գործում է **գոյության կռվի սկզբունքը**:

Մանավանդ, որ գողը մտել է տունդ, դու, ուզես, թե չուզես, նա գիտի, որ գող է, նա վախենում է քեզանից: Որքան էլ դու մոռանաս, նա չի մոռանում, վախից կծում է... անընդմեջ, անընդհատ, ամեն անգամ, երբ երախը հասնում է կրնկիդ... Իսկ դո՞ւ... «*Թե՞ էղքան դուրեկան է ծնկներն օջախին դեմ անել, ժպտալով ննջել ու հուսալ ու հավատալ, թե աշխարհը բարի է*», - դարձյալ ասողը Զրանտն է... Չգիտեմ... Գուցե ավելո՞րդ են զգացական այս դատողությունները, որ կարող են լինել ու կան յուրաքանչյուր հայի գիտակցության մեջ: Բայց ինչո՞ւ մեր

փորձը, մեր քաջությունը, մեր հայրենասիրությունը, մեր ազատասիրությունը արդեն 1000 տարի չեն դառնում թշնամուն չներող ու արժանի հարված հասցնող իրական ուժ (բացառյալ աստեղային ժամերին դրսևորվող բռնկումները): Նույնիսկ Արցախն ազատագրելուց հետո էլ (կարծես թե մեղավոր ենք եղել, որ հաղթել ենք մեր դեմ սրով ելածին) մեր ենթագիտակցության մեջ երբեմն գլուխ է բարձրացնում փոխզիջման գաղափարը: Ի՞նչ փոխզիջում, Տե՛ր Աստված... Հաղթողին չեն դատում: Իսկ եթե փորձում են դատել, հաղթողը կրկին է հաղթում... ու այնքան, մինչեւ որ այլևս չեն դատում...

Ուզենք, թե չուզենք, քնենք, թե արթուն մնանք, թշնամին չի՛ քնում երբեք: Ուրեմն, ուզենք, թե չուզենք, ստիպված ենք լինել զգոն, արթուն, արագ եւ համապատասխան հարված հասցնող... «*Ուժեղի մոտ միշտ էլ թույլն է մեղավոր*»... Հերիք է, որքան արդար եղանք, փորձենք լինել նաեւ ուժեղ: Այլընտրանք չունենք: Պատերազմը չի՛ ավարտվել: Իսկ եթե պատերազմ է, չխաբվենք զինադարներին: Պատերազմի ժամանակ իրավունքի՛ խնդիր չկա, կա միայն հարվածելու, ամեն գնով ու միջոցով թշնամուն ոչնչացնելու խնդիր: Մանավանդ որ հակառակորդը հենց այդպես էլ վարվում է մեզ հետ արդեն 1000 տարի:

1994 թվականին կնքված զինադադարից հետո Աստծո գրեթե յուրաքանչյուր օր այն խախտվել է՝ ընդհուպ մինչեւ 2016-ի ապրիլյան ուխտադրուժ հարձակումը, որ եւ անսպասելի էր, եւ սպասելի... Պետք չէ զարմանալ, առավել եւս՝ վրդովվել: «Գորշ գայլը» իր կաշին չի փոխել արդեն հազար տարի: Եվ արդեն հազար տարի պատերազմ է հայտարարել մեզ եւ գործում է՝ ինչպես պատերազմում: Եվ պետք է իրերին նայել, առավել եւս՝ հակառակորդի հետ մեր հարաբերություններն ընկալել ոչ թե մեր խաղաղասեր ոգու տեսանկյունից, այլ պատկերացնել եւ ետադարձել՝ ինչպես պատերազմում:

Աշխարհը փոխվում է: Փոխվում են հարաբերությունների ձևերը, բայց մնում է մրցակցությունը, գոյության կռիվը... Փոխվում են պատերազմի զենքերը, բայց չի փոխվում թշնամին, մանավանդ, եթե գոյատևում է քեզանից զավթած քո հայրենիքում եւ պիտի քեզ հարվածի՝ քանի դեռ դու կաս, եւ քանի դեռ ինքը պարտված չէ վերջնականապես:

Չա՛րկ, լաո, զարկողին՝ զա՛րկ: Պատերազմում՝ ինչպես պատերազմում:

Գագիկ ՄԻՆԱՍՅԱՆ

«Կրթություն», թիվ 17, 20.04.2016 թ.



Կառավարության որոշումով

Փոփոխություններ՝ հանրակրթական դպրոցների կանոնադրությունում

ՀՀ կառավարության որոշմամբ՝ փոփոխություններ են կատարվել պետական հանրակրթական ուսումնական հաստատությունների կանոնադրությունում:

Գործադիրի նիստում հարցը զեկուցել է ՀՀ կրթության, գիտության, մշակույթի և սպորտի նախարար Ժաննա Անդրեասյանը: Նրա խոսքով՝ այս փոփոխություններով էս մեկ անգամ հստակեցվում են հանրակրթության ոլորտի բարեփոխումների գործընթացները:

«Խոսքը, մասնավորապես, վերաբերում է հանրակրթության ոլորտի կառավարման բարեփոխումներին: Օրենսդրական փոփոխությամբ արդեն իսկ առանձնացվել է վարչատնտեսական կառավարումը բովանդակայինից, որի արդյունքում ամբողջությամբ վերանայվել է տնօրենների նշանակման կարգը. այժմ գործում է նշանակման եռափուլ գործընթաց: Վարչատնտեսական կառավարման մասով առանձնացրել ենք վարչատնտեսական համակարգողների հաստիքը, և այժմ քննարկում ենք վարչատնտեսական գործառույթները պատվիրակված իրականացնելու հնարավորությունը: Ֆինանսների նախարարության գործընկերների հետ արդեն իսկ նախապատրաստել ենք գնումների և հաշվապահության գործընթացները պատվիրակված իրականացնելու փաթեթը»,- հարցի զեկուցման ժամանակ նշել է նախարարը:

Նրա խոսքով՝ նախագծով ամրագրվում է դպրոցների կառավարման ոլորտի տարանջատման գործընթացը թե՛ գործառույթների տեղաբաշխման, և թե մի շարք հստակեցումների իրականացման առումով, որոնք թույլ կտան այս բարեփոխումները հասցնել իրենց տրամաբանական ավարտին:

Ըստ Ժաննա Անդրեասյանի՝ մյուս կարևոր փոփոխությամբ ամրագրվում է կրթական մարմինները համայնքային զարգացման կենտրոնների վերածելու գաղափարը: Ըստ այդմ՝ կանոնադրությամբ հաստատության խորհրդին են վերապահվում մի շարք վերահսկողական գործառույթներ, մասնավորապես՝ այն պետք է հաստատի կրթահամալիրի մարզադահլիճի և հանդիսությունների սրահի միջոցառումների և մրցումների տարեկան պլանը:



խորհուրդը պետք է նաև քայլեր ձեռնարկի, որ նմանատիպ համայնքային դպրոցները կենտրոնում ապահովվի նախադպրոցական և դպրոցական կրթություն, ոչ ֆորմալ կրթություն, մարզածելերով զբաղվելու հնարավորություն, իրականացվի շարունակական կրթություն մեծահասակների համար, ինչպես նաև համայնքի բնակիչներին լիարժեք ծառայություն տրամադրելու հնարավորություն ստեղծվի:

Հաջորդ կարևոր փոփոխությամբ սահմանվել են մասնագիտացված հանրակրթական դպրոցների առանձնահատկությունները, որոնք մինչ այժմ բավականին խնդիրներ էին առաջացնում այդ դպրոցների գործունեության համար: «Առանձին հաստատվում է հատուկ դպրոց-ռեսուրս կենտրոնների կանոնադրությունը, որը ներառական կրթության իրականացման համատեքստում հատուկ դպրոցների վերափոխման ևս մեկ քայլ է: Նպատակ ունենք դեռևս գործող հատուկ դպրոցները վերածել ռեսուրս կենտրոնների, որոնք կտրամադրեն մասնագիտական ծառայություններ և աջակցություն հանրակրթական դպրոցներում կրթության առանձնահատուկ պայմանների կարիք ունեցող երեխաներին և կվերապատրաստեն համապատասխան մասնագետներին»,- ընդգծել է նախարարը՝ փաստելով, որ նախագիծը հանրակրթության բարեփոխման գործընթացների հստակեցմանը միտված քայլ է:

Վարչապետ Նիկոլ Փաշինյանը հետաքրքրվել է, թե արդյոք կան դպրոցներ,

որտեղ արդեն ներդրված է կառավարման նոր մոդելը, և արվել է գնահատում, թե ինչ ազդեցություն է թողնում նոր մոդելը հանրակրթության համակարգի վրա:

ԿԳՄՍ նախարարը պարզաբանել է վարչատնտեսական համակարգողները նշանակվում են այն դպրոցներում, որտեղ նախկին իրավակարգավորմամբ աշխատող տնօրենի պայմանագրային ժամկետն ավարտվում է, և հայտարարվում է ընտրություն նոր ընթացակարգով, ըստ որի՝ նշանակվում է վարչատնտեսական համակարգող, որը պատասխանատու է դպրոցի ֆինանսատնտեսական կառավարման համար և տնօրեն, որը պատասխանատու է ուսումնական գործընթացի համար: 2023 թվականի վերջին շուրջ 170 դպրոցներում արդեն նշանակված են վարչատնտեսական համակարգողներ, 2024 թվականի ապրիլի դրությամբ՝ 48 դպրոցներում, կառավարման նոր մոդելի ներդրմամբ պայմանավորված, աշխատանքի են անցնելու վարչատնտեսական համակարգողները:

«Մենք հիմա առանձնացրել ենք տնօրենի և վարչատնտեսական համակարգողի գործառույթները, սակայն արդյունավետության և ազդեցության գնահատում կատարելու համար պետք է նաև պատվիրակման գործընթաց կազմակերպենք որոշակի ծառայությունների մասով»,- ասել է նախարարը՝ հստակեցնելով, որ խոսքը դպրոցներում սննդի, անվտանգության, մաքրման աշխատանքների, գնումների, հաշվապահության և տնտեսական

սպասարկման կազմակերպման մասին է:

Առաջին փուլով նախատեսվում է իրավաբանական անձանց պատվիրակվել գնումների և հաշվապահության գործառույթները, որը հնարավորություն կտա դպրոցներում ունենալ այդ ծառայությունների միասնական ստանդարտ և ապահովել ծախսարդյունավետություն:

Ըստ ԿԳՄՍ նախարարի՝ զուգահեռաբար մշակվում են պատվիրակման գործընթացի ամբողջական կազմակերպման առաջարկները՝ համագործակցելով Տարածքային կառավարման և ենթակառուցվածքների, Ֆինանսների նախարարությունների և այլ պետական գերատեսչությունների հետ:

Ժաննա Անդրեասյանը, անդրադառնալով հանրակրթական դպրոցների տնօրենի նշանակմանը, նշել է, որ գործընթացը եռափուլ է. տնօրենի պաշտոնին հավակնորդները նախ հավաստագրվում են, որով հավաստվում են նրանց՝ օրենսդրության ոլորտի իմացությունները: Հավակնորդը, մասնակցելով տնօրենի թափուր տեղի համար հայտարարված մրցույթին, ներկայացնում է զարգացման ծրագիր, որը ենթարկվում է փորձաքննության: Զարգացման ծրագրի փորձաքննությունը կատարվում է մրցույթով ընտրված երկու անկախ կազմակերպության կողմից: Այն հավակնորդները, որոնց ներկայացրած զարգացման ծրագրերը հաղթահարում են փորձաքննության դրական շեմը, հրավիրվում են հարցազրույցի, որն իրականացվում է ԿԳՄՍ նախարարությունում լիազորմամբ՝ մարզպետարանների և երեսանի քաղաքապետարանի հետ համատեղ կազմված հանձնաժողովի կողմից: Հարցազրույցի արդյունքում կայացվում է տնօրենի նշանակման որոշումը:

ԿԳՄՍ նախարարի խոսքով՝ ներկայացված զարգացման ծրագրերի միայն 15 տոկոսն է հաղթահարում փորձաքննության դրական շեմը: Հարցազրույցի իրավիճակների շուրջ 60 տոկոսը չի կարողանում հաղթահարել վերջին փուլը, ինչը նշանակում է, որ կարողությունների զարգացման լուրջ խնդիր կա, և այդ ուղղությամբ այժմ ծրագրի է մշակվում:

Հեղինակ՝ ՅՈՒՆԻՍԵՖ

Հաստատվել է Վ. Բրյուսովի անվան պետական համալսարանի ռեկտորի ընտրության արդյունքը

ՀՀ կառավարության նիստում գործադիրը հաստատել է «Վ. Բրյուսովի անվան պետական համալսարան» հիմնադրամի ռեկտորի պաշտոնում Դավիթ Գյուրջինյանի ընտրության արդյունքները:

Հարցը զեկուցել է ՀՀ կրթության, գիտության, մշակույթի և սպորտի նախարար Ժաննա Անդրեասյանը՝ ընդգծելով, որ կառավարության որոշման ընդունման անհրաժեշտությունը բխում է «Բարձրագույն և հետբուհական մասնագիտական կրթության մասին» օրենքի 15-րդ հոդվածի 4-րդ մասի պահանջներից: Համաձայն դրա՝ պետական բարձրագույն ուսումնական հաստատության ռեկտորն ընտրվում է բաց մրցույթի կարգով՝ ուսումնական հաստատության խորհրդում, գաղտնի քվեարկությամբ, 5 տարի ժամկետով: Ռեկտորի ընտրության արդյունքները հաստատում է հիմնադիրը:

Վ. Բրյուսովի անվան պետական համալսարանի կանոնադրության համաձայն՝ համալսարանի հիմնադիրը Հայաստանի Հանրապետությունն է՝ ի դեմս ՀՀ



կառավարության: Ըստ նույն կանոնադրության՝ ռեկտորի պաշտոնում կարող է ընտրվել ՀՀ գործունակ չափահաս այն քաղաքացին, որն ունի գիտական աստիճան և առնվազն հինգ տարվա ակադեմիական և գիտական գործունեության ստաժ:

Նախարարը տեղեկացրել է, որ 2024 թվականի մարտի 29-ին տեղի է ունեցել «Վ. Բրյուսովի անվան պետական համալսարան» հիմնադրամի ռեկտորի թափուր պաշտոնը զբաղեցնելու համար մրցույթ, որն ընթացել է ընտրության ընթացակար-

գին համաձայն: Նիստին մասնակցել է խորհրդի 20 անդամներից 18-ը: Փակ գաղտնի քվեարկությանը մասնակցած խորհրդի 18 անդամների «կողմ» քվեարկության արդյունքում բանասիրական գիտությունների թեկնածու, դոցենտ Դավիթ Գյուրջինյանն ընտրվել է Վ. Բրյուսովի անվան պետական համալսարանի ռեկտորի պաշտոնում 5 տարի ժամկետով:

«Հաշվի առնելով վերոնշյալ հանգամանքը և այն փաստը, որ արդեն շուրջ մեկ տարի Դավիթ Գյուրջինյանն իրականացնում է ռեկտորի ժամանակավոր պաշտոնակատարի պարտականությունները և այս ընթացքում հաջողությամբ է կատարել այդ աշխատանքները, առաջարկում են հաստատել ընտրության արդյունքները»,- նշել է Ժաննա Անդրեասյանը:

Դավիթ Գյուրջինյանը շնորհակալություն է հայտնել բուհի հոգաբարձուների խորհրդին ի դեմս դրա նախագահ, փոխվարչապետ Տիգրան Խաչատրյանի, ինչպես նաև ԿԳՄՍ նախարար Ժաննա Անդրեասյանին: «Այս մեկ տարվա ընթացքում

մրանք ինձ աջակցել են՝ բուհը ծգնաժամից դուրս բերելու և նոր ծրագրեր իրականացնելու հարցում: Կարծում եմ՝ առաջիկա տարիներին բուհը կվերադառնա իր նախկին կոչմանը, այն է՝ լեզվաբանական և լեզվափաստարկագիտական կրթությունը, օտար լեզուների ուսուցումը»,- նշել է Դավիթ Գյուրջինյանը՝ այս հարցում ակնկալելով ՀՀ կառավարության և լիազորմամբ նրանի աջակցությունը:

Շնորհավորելով ռեկտորին՝ ՀՀ վարչապետ Նիկոլ Փաշինյանը նշել է, որ բարձրագույն կրթության ոլորտում առկա է բարեփոխումների հավակնոտ ծրագիր, սակայն անհրաժեշտություն կա նաև օբյեկտիվորեն հասկանալու բուհական համակարգի կարիքները, և կարելի է հենց բուհի ներսից ստանալ շահագրգիռ ուղեքններ: Անդրադառնալով Վ. Բրյուսովի անվան պետական համալսարանի գործունեությանը՝ Վարչապետը կարեւորել է պրոֆեսիոնալ թարգմանիչներ պատրաստելու անհրաժեշտությունը, այդ թվում տարածաշրջանային լեզուների:

Կառավարության որոշումով

Արցախից բռնի տեղահանված ուսուցիչների աջակցության նպատակով

ՀՀ կառավարության որոշմամբ՝ Լեռնային Ղարաբաղից բռնի տեղահանված ուսուցիչների օժանդակության ծրագրի շրջանակում 2024 թվականին ուսուցիչներին լրավճարներ տրամադրելու նպատակով հատկացվել են միջոցներ:

Հարցը զեկուցել է ՀՀ կրթության, գիտության, մշակույթի եւ սպորտի նախարար Ժաննա Անդրեասյանը: Նախարարը հիշեցրել է, որ նախորդ տարվա հոկտեմբերին Կառավարության որոշմամբ հաստատվել է Լեռնային Ղարաբաղից բռնի տեղահանված ուսուցիչների օժանդակության ծրագիրը, որով այդ ուսուցիչներին հնարավորություն է տրվել արտամրցութային կարգով աշխատանքի անցնել մարզային դպրոցներում: Ըստ ծրագրի հանրապետության բոլոր մարզերի դպրոցներում աշխատանքի անցնելիս ԼՂ-ից բռնի տեղահանված ուսուցիչները կստանան 30 տոկոս հավելավճար 2 տարվա ընթացքում, իսկ որոշ մարզերում՝ Սյունի-

քի, Վայոց ձորի հանրակրթական ուսհաստատություններում, Գեղարքունիքի մարզի որոշ համայնքներում աշխատանքի անցնելու դեպքում 30 տոկոս հավելավճարից բացի կունենան նաեւ 50 հազար դրամ լրավճար:

«Քավականին մեծ հետաքրքրություն կա ծրագրի նկատմամբ. այս պահի դրությամբ ծրագրի շրջանակում ունենք ԼՂ-ից բռնի տեղահանված 330 ուսուցիչ, որոնք գործուղվել են մարզեր, եւ դիմողների թիվը գնալով ավելանում է: Ձուգահեռ՝ շրջանառում ենք մեկ այլ նախագիծ, որով երկարացվում են դիմումների ընդունման ժամկետները, եւ ուսուցիչները կունենան այս ընթացակարգով աշխատանքի անցնելու հավելյալ հնարավորություն: Մեր դիտարկումները ցույց են տալիս, որ երբ մարդիկ երկարաժամկետ կտրվածքով կողմնորոշվում են բնակավայրի հարցում, նրանք ավելի մեծ պատրաստակամությամբ են օգտվում ուսուցիչների աջակցության ծրագրից», - մշել է նախարարը՝ ընդգծելով, որ ընդունված որոշմամբ բաշխվում են անհրաժեշտ միջոցները՝ ըստ մարզերի:



Նշենք, որ ԼՂ ուսուցիչների աջակցության նպատակով ԿԳՄՍ նախարարությունը գործարկել է հարթակ. մարզերի դպրոցների թափուր աշխատատեղերը հրապարակված են <https://kadrer.emis.am> հա-

մակարգում, որտեղ գրացվելով՝ նրանք կարող են գործուղման հայտ ներկայացնել:

Ըստ նախարարի՝ հանրակրթական համակարգում այս պահին ներգրավված է ԼՂ-ից բռնի տեղահանված ավելի քան 500 ուսուցիչ, որոնց մի մասն աշխատում է Երեւանի դպրոցներում կամ ուղղակի մասնակցել է թափուր տեղի համար հայտարարված մրցույթներին եւ ընդհանուր հիմունքներով անցել աշխատանքի:

Ժաննա Անդրեասյանը նաեւ հայտնել է, որ ԼՂ-ից բռնի տեղահանված գրեթե բոլոր երեխաները ներգրավված են հանրակրթական համակարգում. «Կրթությունից հիմնականում դուրս են մնացել այն երեխաները, որոնց ընտանիքները մի քանի բնակավայր են փոխել: Նման հատուկ ենտ ահազանգեր կան, որոնցից ամեն մեկի դեպքով մարզերի հետ աշխատել ենք ու հարցին արագ եւ օպերատիվ լուծում տվել»:

Նախագիծ

Կատեղծվի Հայաստանի տաղանդների զարգացման հիմնադրամ

ՀՀ ԿԳՄՍ նախարարությունը հանրային քննարկման է ներկայացրել «Հայաստանի տաղանդների զարգացման հիմնադրամ» ստեղծելու, «Տաղանդների զարգացման ծրագրի» հայեցակարգը եւ հիմնադրամի կանոնադրությունը հաստատելու մասին: ՀՀ կառավարության որոշման նախագիծը:

Նախագծով առաջարկվում է ստեղծել Տաղանդների զարգացման հիմնադրամ, որի աշխատանքները միտված են լինելու ՀՀ ամբողջ տարածքում մարդկային տաղանդի հայտնաբերմանն ու այդ տաղանդի դրսևորմանն աջակցելուն՝ ընդհուպ իր տաղանդի առավելագույն դրսևորմամբ հավելյալ արժեք ստեղծող, ինքնուրույն եւ մրցունակ անհատականությունների ու թիմերի կայացումը: Տաղանդի դրսևորումը կարող է լինել տարբեր եղանակներով, ներառյալ՝ մտավոր, ստեղծագործական, արտիստիկ, աթլետիկ կամ ձեռնարկատիրական հակումները:

Համաձայն հիմնավորման ՀՀ-ում տաղանդի զարգացումը հիմնականում տեղի է ունենում սեփական նախաձեռնությամբ

եւ հնարավորությունների սահմաններում: Բացի այդ՝ ներկայում չկան անհրաժեշտ ինստիտուցիոնալ համակարգեր, որոնք հնարավորություն կընձեռեն վաղ տարիքից անհատի հակումներին եւ տաղանդի բացահայտմանը ու դրա դրսևորմանը եւ առաջխաղացմանը մասնագիտորեն աջակցելուն: Հատկապես գյուղական համայնքներում կան սահմանափակ բնակավայրերում տաղանդների դրսևորումը եւ զարգացումը կարող են ստորադասվել առօրյա գործունեությանը, եւ վաղ տարիքից ցածր արդյունարարությամբ աշխատանքի անցնելը էապես խոչնդոտում է որոշ դեպքերում անգամ բազային կրթություն ստանալուն: Որոշ դեպքերում ընտանիքի սոցիալական վիճակից ելնելով հնարավոր է, որ անհատի որոշակի առանձնահատուկ ունակություններն անտեսվեն եւ չստանան համապատասխան իրացում: Տաղանդների անտեսումը հնարավոր է նաեւ այն պայմաններում, երբ ոչ բոլոր բնակավայրերում են առկա տարբեր նախափորությունների զարգացման համար անհրաժեշտ ծառայություններ,

ինչպես, օրինակ, արվեստի կամ մարզական խմբակներ, որոնք հնարավորություն են տալիս նկատել երեխաների մոտ այս կամ այն տաղանդի դրսևորումը:

Հիմնադրամը պետք է իրականացնի իրավիճակի վերլուծություն, առանձնացնի թիրախային խմբերը, յուրաքանչյուր թիրախային խմբի համար մշակի տաղանդի հայտնաբերման գործուն մեխանիզմներ եւ աջակցության մեթոդաբանություն առանցքում պահելով ինքնուրույն եւ մրցունակ անհատի կամ թիմերի ձեւավորումը:

Հայեցակարգի շրջանակում հիմնական շահառուներն են.

- Հայաստանի Հանրապետությունում գործող կրթական հաստատություններում սովորողները՝ ներառյալ բուհերի ուսանողները,
- ֆիզիկական անձինք, որոնք դրսևորում են բացառիկ ընդունակություններ կրթության, գիտության, մշակույթի եւ սպորտի ոլորտներից որեւէ մեկում,
- թիմերը, որոնց անհրաժեշտ է որոշակի աջակցություն՝ ինքնուրույն գործունեության համար:

ուրջան համար:

Աջակցությունը կարող է տրամադրվել անհատույց՝ կրթաթոշակի, նյութական աջակցության տեսքով, անտոկոս փոխառության տրամադրմամբ կամ կազմակերպություններում ներդրումների միջոցով:

Հիմնադրամի ֆինանսական միջոցները գոյանալու են ՀՀ բյուջետային հատկացումներից, հիմնադրամի կողմից բաժնետիրական գործունեության արդյունքում գոյացած եկամուտներից, անհատ բարեգործների, ինչպես նաեւ բարեգործական կազմակերպությունների միջոցներից: Հիմնադրամն իր գործունեության ընթացքում պահպանելու է ֆինանսական լիակատար հաշվետվողականություն եւ թափանցիկություն:

Նախագծի վերաբերյալ առաջարկությունները կարելի է ներկայացնել մինչեւ 2024թ. մայիսի 1-ը ներառյալ, Իրավական ակտերի նախագծերի հրապարակման միասնական կայքում՝ հետեւյալ հղումով՝ <https://www.e-draft.am/projects/7127>

Հեղինակ՝ ՅՈՒՅԱՆՆԻՍՅԱՆ

Հայ մարմնամարզիկները շարունակում են հաղթել

Հայաստանի սպորտային մարմնամարզության հավաքականի անդամ Վահագն Դավթյանը հաղթող է ճանաչվել Դոհայում ընթացող սպորտային մարմնամարզության աշխարհի գավաթի խաղարկության 4-րդ փուլի օղակների վարժությունում՝ եզրափակչում հավաքելով 14,833 միավոր: Այս հաղթանակի շնորհիվ Վահագնը Փարիզի 2024 թվականի Օլիմպիական խաղերին մասնակցելու իրավունք է վաստակել:

Աշխարհի գավաթի խաղարկությունում հաղթող է ճանաչվել նաեւ աշխարհի ու Եվրոպայի չեմպիոն, Տոկիոյի Օլիմպիական խաղերի բրոնզե մեդալակիր Արթուր Դավթյանը: Հենացատկի վարժության եզրափակչում Դավթյանը հավաքել է 15,166 միավոր եւ ոսկե մեդալ նվաճել:

Հայաստանի մյուս ներկայացուցիչ Արթուր Ավետիսյանը օղակների վարժությունում գրավել էր 5-րդ տեղը, իսկ Հարություն Մերդինյանը 6-րդ արդյունքն էր ցույց տվել մծույգ-թափեր վարժությունում:

Վահագն Դավթյանը նվաճել է Հայաստանի 11-րդ օլիմպիական ուղեգիրը: Մարմնամարզիկներից ավելի վաղ Փարիզի ամառային 33-րդ Օլիմպիական խաղերում իր մասնակցությունն ապահովել էր Արթուր Դավթյանը:



Վերջին լեռնանցք

Սկիզբը՝ նախորդ համարում

«Ականջդ կանչի» ժողովրդական խոսքը, որ նաեւ բանաստեղծության վերնագիր է, ստեղծում է իր անդրադարձը «Անհայտ մի հեռավոր մի կանչ է հասնում Լռության փչակ դարձած ականջին» եւ գնում ու դառնում կենսապատումի մի նոր էջ՝ որպես արձագանք այդ «ականջդ կանչի» խոսքի.

Եվ քանի անգամ աշխարհում այսպես Ինձանից փախել ու դարձել եմ ՆԱ, Ու դարձել եմ ԴՈՒ, դարձել՝ ԵՍ ու ՆԱ, Դարձել ԵՍ ու ԴՈՒ... ԵՍ ու ՆԱն հաճախ, ԵՍ ու ԴՈՒն հաճախ, Եսերն իմ հաճախ, բոլորը հաճախ Գավաքվում գալիս, Մերթ խեղճ ու խոնարհ, մերթ անբարտավան Մեղքերս մեկ-մեկ երեսով տալիս Գետո ամոթով նայում երեսիս Եվ ներշնչվում եմ Կատարելության հավատով եսիս... Գալիս եմ նրանք, մերժում եմ իրար, Փարվում եմ իրար, հաստատում, հերքում Եվ թափառում եմ իմ փոքրիկ սրտի Մեծ տիեզերքում...

Այս նույն տարիքային անցումների «վեպն» է «Թխահեր պատանու, սպիտակ մորուքավորի եւ կանաչ-կարմիր աշխարհի բալլադը», նույն կյանքը՝ նույն բնաշխարհի մեջ ու մանկության եզերքին. «Ուր ոչ մի շուն այնտեղ վրաս չի հաչում Ինձ անգամ չվող հավքն է ճանաչում»: Ս. Եսենինը կգրեր. «Տվերյան թաղի շները բոլոր ճանաչում են իմ քայլվածքը մոլոր»:

Պատմողական դրվագներն ու քնարական ապրումները հաջորդում են իրար, լրացնում միմյանց, եւ հստակորեն տեսնում են մարդու կյանքի պատմությունն ու հոգու պատմությունը: Կյանքի պատմությունը, որից ինքը երբեմն փախչում է, եւ հոգու պատմությունը, որ բանաստեղծի իր ճակատագիրն է «Անառաջին...»:

Անառաջին գիշերի մեջ ամեն ինչ խառնվել է... Չեմ տարբերում լեռ ու լիճ: Երկնքի մեջ քարափներն են հորանջում, Եվ աստղերն են ծորերն ի վար դողանջում: Երկինքն իջել, մեջքը տվել է հովտին, Փոխս են ընկել տիեզերքն ու իմ հոգին:

Որերորդ անգամ լինելով՝ Սահյանն անդրադառնում է այն, թվում է թե, ավարտված, բայց դեռեւս չմարող բանավեճին, ճշտում այն հարցի պատասխանը, թե ի՞նչ է գտել իր լեռներում: Պատասխանը նույնն է, բայց ոչ թե որպես ասածի կրկնություն, այլ իմաստի լրացում, ըստ որի՝ նա գտել է իր ակունքներն ու տոհմածառի արմատները եւ այդտեղի ամենաջինջ աղբյուրներով կարող է «Լվանալ ու պարզաջրել Ապականված մի ողջ աշխարհ» եւ ապրում է այդ կյանքը. «Ամեն տիտղոս ու պարզեւից, Ամեն դիրքից ամաչելով <...> Երգ երգելու հրճվանք կոչված Տառապանքին ինձ խաչելով» («Ի՞նչ ես գտել»): Եվ նորից նույնը. «Իմ

սար ու ծորից ձեռ չեմ քաշելու <...> Եվ արձագանքն եմ նրանց լռության <...> Կածանը՝ տողն իմ կենսագրության» («Իմ սար ու ծորից»): Այս ամենը խտանում եւ դառնում է ժողովածուի վերնագիրը իմաստավորող տողի նմանությամբ ծնված առաջին բանաստեղծությունը՝ «Սարեր...»:

Սարեր, ես ձեր երգիչն եմ, Ձեր խղճի կանչն ու խիճն եմ... Ես ձոր կիջնեմ, ժամն է էլի, Իսկ դուք երկինք թռեք:

Ականջ արեք վերջին անգամ, Մի սպասեք, թե ես կգամ, Ձեր երթի մեջ արդեն չկամ, Ինձ բացակա դրեք:

Ինձ որձաքար մի ծանրադիր, Ինձ տապան ու տապանագիր, Գողիս վրա՝ կանաչ-կարմիր Ձեր փեշերը փռեք:

Ինչ որ բաժին դարձրի ջրի, Ինչ որ տողեր չդարձրի, Ինչ որ գրել չհասցրի, Իմ փոխարեն գրեք:

Հրաժեշտի զգացողությունն այս գրքի՝ մի դեպքում «տունական», մյուս դեպքում «տոնական» թախիծը փոխում է մահվան աչքերին առանց խուսափելու ուղիղ նայելու ճակատագրական անհրաժեշտություն: «Ի՞նչ երաշխիք, ի՞նչ իմանամ Կապրե՞մ մինչեւ եկող մայիս...» («Լինեմ վկան»), — ներքնատեսության այս հոգեբանական վիճակն անգամ կենսաբանական ճշգրտություն ունեցավ: Մարդ ու բնություն հարաբերությունից նա անընդհատ անցում է կատարում դեպի բանաստեղծ լինելու եւ որպես բանաստեղծ աշխարհում իր ներկայությունն ունենալու նախապայմանին: Հարաբերության եզրն այս անգամ ոգու աշխարհն է՝ բանաստեղծական անունների անդրադարձով «ճակատիդ...»:

Ճակատիդ այդպես էր գրված, Ոչ տխրիր եւ ոչ էլ լացիր... Ոչ Բորիս Պաստերնակ եղար, Ոչ էլ Սերգեյ Եսենին: Շշուկդ հեռուն չգնաց, Շատերին անհայտ մնացիր, Ինչպես որ քարի մեջ խրված Քո երկրի խոնարհ մասրենին...

Ինքնաճանաչողության այս պահը շատ նման է Ե. Չարենցի մի խոստովանությանը՝ «Կես-գիշերային էքրիզ. XVI»:

Քայլիր, քայլիր քո ճանապարհով. Դու ոչ Գյոթե ես, ոչ Վերհարեն. ...Դու լոկ Չարենց ես, միայն Չարենց՝ ու վարանոտ...

Համանման մի ինքնաճշտում-խոստովանություն արել է նաեւ Թ. Ս. Էլիոթը «Մեռյալ երկիր» պոեմում. «Ոչ, ես իշխան Համլետը չեմ, ոչ էլ կարող էի լինել»:

Իսկ հիմքը Լեոնիդ Բերկովի հայտնի տողն է. «Ոչ, ես Բայրոն չեմ, Ուրիշ եմ ես...»: Այս «ուրիշն» է, որ դառնում է գրական նոր անհատականություն եւ նոր հեղինակություն: Նույնը Հ. Սահյանի դեպքում այս անգամ նաեւ լսարանի փոքրության, այդ իսկ պատճառով՝ «Շատերին անհայտ մնալու» ծանր զգացումով:

Ինքնաորոնումն ու ինքնաճշտումը Սահյանին հասցնում են բանաստեղծի



հայտնությանը, իր ծնունդին, իր ինքնաճանաչումը՝ որպես ստեղծագործող՝ «Ես քար ու քերծ էի»:

Վերջին աստղը քնում, Ես արթնանում էի, Կիսատ երազն առնում, Գետս տանում էի: Դաշտերն էի տանում... Քարն ու քերծը՝ մարդիկ, Ես քար ու քերծ էի, Բոլորի հետ մոտիկ, Բոլորին մերծ էի... Երբ քար ու քերծ՝ մարդիկ, Ես քար ու քերծ էի, Այն ժամանակ արդեն Ես բանաստեղծ էի:

Բանաստեղծի ինքնաճանաչումն իր սկիզբի ու վերջի մեջ է միաժամանակ: Աչքը որսաց բնության կենդանի կերպարը՝ բանաստեղծ է: Բանաստեղծ է ամբողջ կյանքում, եւ այդ բանաստեղծի ինքնաբերականությունն այս է. «Ես խղճի շշուկն եմ իմ ցեղի» («Ինձ մարել...»): Եվ սա է երջանկությունը, ավելին ի՞նչ պիտի երագի ստեղծագործող անհատը, երբ փառքն ու գանձը մերժել է ի սկզբանե՝ «Եթե գտնում ես...»:

Աստված, քեզանից էլ բան չեմ խնդրում, Թեկուզ սովից ու ցրտից հալածված, Ես բանաստեղծի բախտն եմ նախընտրում:

Այդպես է, որովհետեւ. «Ինչ է ծնունդը բանաստեղծության... Հավիտենությունն ապրելու մի պահ...» («Ձեր ինչի՞ն է պետք»): Այսպես քանի՞ հավիտենություն է ապրել Հ. Սահյանը:

Սահյանը նաեւ իր բանաստեղծական ճակատագրի մասին է պատմում: Մի կողմից բաց է եղել «միջակության գամփռերի» երախը, որ հոշոտեն նրան եւ նրա նմաններին. «Հոտը չե՞ք առել հերթական գոհի» («Թե ունենայիք»), մյուս կողմից ցավով է հիշում իր սերնդակից բանաստեղծներին, քանզի. «Նույն վերքն է մխում մեր կրծքի տակ, Բայց իրար ցավից չենք հառաչում» («Բանաստեղծներին իմ սերնդակից»), եւ երրորդ կողմից իրենով ուրվագծվում է բանաստեղծի կայացումն այդ միջավայրի մեջ. «Մենք ուշ աճում ենք, վաղ՝ հասունանում», իսկ «Հասունանալը վախճանն է հասկի» («Ես դառնացած եմ...»):

Բնության մեջ՝ նայած տարին երաշտ է, թե ջրարբի, բույսը կարգավորում է իր

կյանքը. եթե տարին երաշտ է, շուտ է հասունանում, որպեսզի սերմը պահ տա հողին: Հ. Սահյանի ասածն այդ է. աճը երկար է տևում, որովհետեւ ուշացած է, իսկ հասունացումն՝ արագ, որովհետեւ հանրային կյանքում ոչ թե երաշտ, այլ չարություն ու նախանձ է, ավելին, քան երաշտը, որ մարդ կսպանի:

Բանաստեղծի եւ մարդու ճակատագիրը Սահյանի վերջին գրքի առանցքային գիծն է: Ինքն է ու իր գործը, ինքն է ու իր կյանքի ժամանակը, ինքն է ու իր միջավայրը, ավելի լայն՝ ինքն է ու աշխարհը: Աշխարհին հրաժեշտ տալու զգացողությունն էլ ավելի է հստակեցնում ամեն ինչ. կա եւ ներում, եւ ինքնաբաշխում, եւ ինքնաճանաչում, բայցեւ այդ ամենի մշտական ուղեկիցն է իրատեսությունը՝ «Գերկա թողնում եմ...»:

Գերկա թողնում եմ, բերքս տանում, Լավ է, որ հերկա խլող չկա: Մեղքս թողնում եմ, խելքս տանում, Ո՞ւմ է պետք, մեղքս խլող չկա: ...Ուրիշ ի՞նչ տեսակ մի փորձ անեն, Որ ոմանց պատվին ինձ կործանեն:

Այս տագնապների մեջ, երբ բանաստեղծն արդեն խրտնում է իր «խոնարհ ծայնից», վերստին ինքնաճշտման անհրաժեշտություն է առաջանում, որովհետեւ նորից խախտվում է գտնված ամբողջությունը՝ «Ի՞նչն է հոգիս...»:

Ի՞նչն է հոգիս այսքան բեկել, Որ իմ խորքից դուրս եմ եկել, Խրտնել եմ իմ խոնարհ ծայնից Ու փախել եմ ես ինձանից, Ու կորել եմ անհայտ հեռվում, Որտեղ այս էլ քանի տարի Քացի տալով հազար քարի, Ոչ ապրում եմ, ոչ էլ մեռնում... Անձրեւի տակ ու կարկուտի, Սովերներում մայրամուտի Եվ գիշերվա թամօր մթնում Փնտրում եմ ինձ ու չեմ գտնում:

Չի գտնում, որովհետեւ խախտվում է հավասարակշռության մյուս բեկերը՝ հանրային կյանքը: Բնության հետ ամեն ինչ ճշտված է, բայց ահա հանրային կյանքը շարունակում է այնպիսի վիճակներ ստեղծել, երբ «Ձուկել չի լինում էլ ճիշտը ստից», երբ կյանքի տերը դարձել է մի «տիրական անտերություն» («Գլուխ չեմ հանում»), երբ «Ամպերը գալիս ծորերն են մտնում, Ու ծորերի հետ ես էլ եմ մթնում» («Ամպերը գալիս...»): Այս ամենը հասունացնում է մի հռետորական հարցում. «Ուր է տանում հոգնած Հորիք Քանդարապի եղած հոգիդ» («Ո՞ւր է տանում»): Քանի կար խաչված Քրիստոս էր, հիմա էլ դարձավ Հոբ Երանելի ամեն մեկը մի ճակատագիր, բայց բազում ճակատագրերի խորհրդանշան: Սա նշանակում է, որ չքննադատելու պահ չէ: Աշխարհի մեղքը եթե կա, յուրաքանչյուր ոք մեղավոր է: Մեղքի գիտակցման եւ խոստովանության ոգին խորքից միշտ էլ առկա է Սահյանի պոեզիայում: Նախ՝ առկա է հանրային եւ հանրային մեջ յուրաքանչյուրի փոխադարձ կապի պարզ պատկերը՝ «Քջանում ենք»:

Աշխարհը փուչ... փուչ աշխարհում Այսքան փուչ ու փշերի մեջ, Ի՞նչ իմանաս, մենք էլ գուցե, Ինչ-որ չափով փչանում ենք:

Վերջին լեռնանցք

սկիզբը՝ էջ 14

Այս դեպքում արդեն Սահյանը հենակետ է գտնում Նարեկացու «Մատյան ողբերգության» գրքի եւ իր իսկ Նարեկացու կերպարի մեջ: Անընդհատ մեղքի գիտակցումն ուղեկցում է նրան: Ընդ որում, պարտադիր չէ, որ այդ մեղքը ինքը գործած լինի, իր չգործած մեղքն էլ իրենն է, որ ամեն կերպ փորձում է խոստովանել՝ ազատագրվել, մաքրագործվել, հոգու լույսը չստվերել: Այդ մեղքը նրա համար բազմաթիվ ձեւեր ունի, որոնցից մեկն էլ իր ավելորդության, կյանքում իր քիչ տվածի գիտակցումն է՝ «Կյանքս...»:

*Կյանքս շատ երկարեց...
Բայց այնքան էր բարակ,
Որ չհարժեց անգամ մի ջրաղաց...
Պոչը սարում... գլուխն
ավազներին տարավ,
Եվ նրա մեջ ոչ մի ծուկ չխաղաց:
Գետ էր, ասեմք, մեղքը
ինքն իր վրա առավ,
Որ ինձ լքեց, այսպես, դեռ չթաղած:
Եղանակն էլ, տեսեք,
փորձեց փոխվել արագ,
Որ չասեն, թե ինքն էր հիմքը մեղաց:*

Սահյանը շատ խորքից գիտակցում էր նաեւ մեր իրականությանը բնորոշ մի դառը ճշմարտություն: «Լրիվ մաքրված մարդուն կամ խաղից դուրս կոնեն, կամ կսպանեն» (խոսում է Համո Սահյանը, էջ 57): Այն է մեր բարոյականության բարձրագույն օրենքը, ինչն էլ ավելի արատավոր դրսևերումներ ունեցավ ժողովրդա-

վարական համարվող ժամանակներում: Այն-պես որ, մեղքի ու անմեղության հաճախանքը որքան անհատի ներսում է, նույնքան եւ ավելի հանրային է որոշում:

Մեղքի ու անմեղության, արդարի ու անարդարի, ճիշտի ու սխալի այս վեճ ու կռիվն էլ դադար ունի: Եվ այդ դադարն այս է. «Երբ որ թրջված արտույտների թառ է դառնում ծիածանը, եվ ծաղկում է առվույտն էլի, Դու ինչպե՞ս ես նստում տանը» («Խրատում է»): Բնությունը խրատում է եւ ասում մի սրտնեղի, զնա՛ ինքնանորոգ հավիտենության գիրկը եւ տես աշխարհի հրաշքը: Այդ հրաշքներից մեկը «Ծառը» բանաստեղծությունն է՝ բնության ձեւերի ու անցումների մի խորհրդավոր արարչագործություն:

*Օրը գալիս է մայրամուտ դառնում,
Ստվերներն էլի երես են առնում:
Ծառի ստվերը ընկնում է ժայռին,
Ժայռը այնպես է նմանվում ծառին
Եվ այնքան թանձր է տերեւակալում,
Որ իրեն ծառ է երեւակայում:*

Նույն արարչական փոխակերպումներն են նաեւ «Կածան» բանաստեղծության մեջ, ուր բնության փոխակերպումներին ավելանում են մարդկային սերունդների ժառանգորդական տեղաշարժերը: Նույն կածանը, որի ճամփորդն է ինքը, հիշում է նաեւ իր նախապապին, որը «Ծաղիկ կդարձներ կայծակն ամպերում», ուստի կածանի համար մեկ է. «...նա դու ես, դու՛ նա, եվ ես նրանից թեզ չեմ տարբերում»: Այս դեպքում կածանն է դառնում հավերժության ներկայացուցիչ-



չը: Այդ իսկ պատճառով՝ «Կենսագրություն ես չեմ գրելու, Ապրած իմ կյանքն էլ պատմիր դու, կածան, Ինձանից հետո աշխարհ եկողին»:

Այս վերջին գրքում, ինչպես բազմիցս ակնարկեցինք, աստիճանաբար խորանում, խոհի ու պատկերի տարբեր վտակներից հունավորվում է վերջի, ամենավերջի, անդառնալիորեն հավիտենության մեջ անեանալու զգացողությունը, որը մահն է: Որքան էլ մահից անդին անմահությունն է՝ որպես իրական ու անիրական զգայախաբություն, որքան էլ մահից այն կողմ հուշն է ու հիշատակը, այդուամենայնիվ Սահյանը լուսավոր օրհներգի է վերածում մահը՝ իրեն տեսնելով

հավերժական ժամանակի հավերժական շրջապտույտի մեջ:

Գիրքը եզրափակվում է հրաշալի մի բանաստեղծությամբ, որի մեջ կրկնաբանվում է «Ինձ բացակա չղներ» հանգերգը: Մեկ խոսքով՝ բանաստեղծությունների մեջ Հ. Սահյանն իր մահն է ապրել՝ «Ի՞նչ հոգեհամզիստ ու ի՞նչ հոգեհաց», «Հավքի հետ էիր թեւ առած թռչում», «Խելոք-խելոք, բարի-բարի», «Չծերանայինք...» եւ այլն: Ինքնահրա-ժեշտի տխուր պատարագ, լաց լռության ու մեռնության մեջ, ինքն իր մեջ, որպեսզի ոչ ոք չտեսնի: Այդ ամենն ամփոփող մի հուզիչ սգերգ, որ նույն պատարագի շարունակությունն է, բայց առանց որք ու հառաչի, այնպես, ինչպես վերջին շնչում մարում է մեռնող մարմինը՝ հավերժության մեջ ամփոփվելու համար:

*Չեր լռությունը զնգում,
Չրնգում է ծորով մեկ,
Չեր լռության համերգում
Ինձ բացակա չղներ:*

*...ես եմ քարե պատարագ,
Չեզնից սերված, ընդունեք,
Դուք, ձեր կամքին հակառակ,
Ինձ բացակա չղներ:*

*Ոչ խոստումներ, ոչ երդում,
Չսպասեք ու չքննեք...
Անվերջ, անշարժ ձեր երթում
Ինձ բացակա չղներ:*

Դավիթ ԳԱՍՊՐՅԱՆ
Բանասիրական գիտությունների դոկտոր, պրոֆեսոր

Դպրոցական միջոցառումներ

Կրթության, գիտության, մշակույթի եւ սպորտի նախարարի տեղակալ **Արաքսիա Սվաջյանը** «Նարեկացի» արվեստի միությունում ներկա է եղել «Առ քո թեւերին, տար ինձ ժամանակ» խորագրով գրական ցերեկույթին՝ նվիրված Համո Սահյանի ծննդյան 110-ամյա հոբելյանին:

Սահյանաշունչ օրվա մտահղացումը կյանքի էր կոչվել Երեւանի հ. 185 եւ Մ. Մեծարեւցի անվան հ. 146 հիմնական դպրոցների համատեղ նախաձեռնությամբ: Միջոցառմանը մասնակցել են երկու դպրոցների 50 աշակերտներ՝ ներկայացնելով սահյանական պոեզիան:

Միջոցառմանը ներկա են եղել նաեւ Երեւանի քաղաքապետարանի հանրակրթության վարչության, Մայր Աթոռ Սուրբ Էջմիածնի քրիստոնեական դաստիարակության կենտրոնի, հանրակրթական դպրոցների ներկայացուցիչներ, Համո Սահյանի որդին:

Ողջունելով ներկաներին՝ Արաքսիա Սվաջյանը շնորհակալություն է հայտնել նախաձեռնության եւ դպրոցների միջեւ ձեւավորված գեղեցիկ համագործակցության համար՝ ընդգծելով, որ նախարարությունը խրախուսում է դպրոցների միջեւ փորձի փոխանակումը եւ համատեղ նախագծերի իրականացումը, ինչը հանրակրթության նոր չափորոշիչի պահանջներից է:

«Համոզված եմ, որ Համո Սահյանի անկրկնելի պոեզիայի շուրջ ստեղծված բարեկամությունն ամուր հիմքեր ունի, որը կարող է նոր դրսևերումներ ստանալ՝ իր շուրջը համախմբելով դպրոցականներին, ուսուցիչներին, գրականության եւ այլ ոլորտի ներկայացուցիչներին», - ասել է Արաքսիա Սվաջյանը: Միջոցառման ընթացքում մեծանուն



բանաստեղծի մասին հուշեր է պատմել նրա որդին **Նաիրի Սահյանը**:

«Հայրս համեստ ու հասարակ մարդ էր, միշտ ասում էր՝ «Ոնց գյուղացի եղել եմ, այդպես էլ կամ», ու պարծենում էր դրանով: Բայց, միեւնույն ժամանակ, նրա

ամեն ինչն էր տպավորիչ: Նրա ամեն խոսքը զնում, հասնում էր մինչեւ տիեզերք: Նրա հավերժական սերերն էին Հայրենիքը, բնությունը եւ մայրը», - ասել է Նաիրի Սահյանը՝ շնորհակալություն հայտնելով միջոցառման կազմակերպիչ-



ներին:

Միջոցառման ավարտին հյուրերը գրքեր են նվիրել դպրոցների գրադարաններին եւ հույս հայտնել, որ լավագույն փորձի տարածմանը նպաստող նախաձեռնությունները կլինեն շարունակական:

* * *

Երեւանի Վ.Համբարձումյանի անվան հ. 12 հիմնական դպրոցում կայացած «Կգամ» խորագրով միջոցառումը եւս նվիրված էր Համո Սահյանի ծննդյան 110-ամյակին: Միջոցառումը կազմակերպել էր դպրոցի հայոց լեզվի եւ գրականության շնորհաշատ ուսուցչուհի **Ռիմա Երիցյանը**:

Գրական-երաժշտական ցերեկույթը սկսվեց դպրոցի՝ սահյանասեր ուսուցիչների ասմունքով եւ երգեցողությամբ: Այնուհետեւ բեմ բարձրացան 7-րդ «գ» դասարանի՝ արդեն թատերական հմտություններ ձեռք բերած աշակերտները: Ներկայացվեցին մեծ բանաստեղծի կյանքի եւ ստղծագործության նշանակալի մի քանի դրվագներ:

Միջոցառման առիթով դպրոց ժամանած հյուրերի թվում էին Համո Սահյանի որդին **Նաիրի Սահյանը**, Երեւանի քաղաքապետարանի եւ Շենգավիթի քաղաքատարանի ներկայացուցիչներ, բազմաթիվ մրցույթների դափնեկիր, վաստակավոր արտիստուհի **Սվետլանա Երիցյանը**, երգիչ-երգահան **Արթուր Խաչենցը**, ում կատարումներով էլ եզրափակվեց ցերեկույթը:

Նաիրի Սահյանը, շնորհակալություն հայտնելով միջոցառման մասնակիցներին, դպրոցին պարգևատրեց «Համո Սահյան» հուշանդալով:

Ճանաչիր, որ սիրես

Արագածոտնի մարզի նշանավոր վանքերն ու եկեղեցիները

ՀՀ Արագածոտնի մարզը կազմավորվել է 1995 թվականին: Մարզն իր անունը ստացել է Մեծ Հայքի Այրարատ աշխարհի Արագածոտն գավառի անունից: Արագածոտնի մարզը ներառում է Արագածի, Աշտարակի, Ապարանի և Թալինի նախկին վարչական շրջանները: Մարզի տարածքը շուրջ 2753 քառ. կմ է և կազմում է ՀՀ տարածքի շուրջ 9,3 %-ը: Մարզկենտրոնն է Աշտարակ քաղաքը: Մարզն ունի երեք քաղաքային (1. Աշտարակ, 2. Ապարան, 3. Թալին) և 111 գյուղական համայնք: Մարզի տարածքում է գտնվում ՀՀ ամենաբարձր լեռնագագաթը՝ Արագածը, որն ունի ծովի մակարդակից 4096 մ բարձրություն:

Արագածոտնի մարզը սահմանակցում է Շիրակի, Լոռու, Կոտայքի, Արմավիրի մարզերին և մայրաքաղաք Երևանին, իսկ արեւմուտքում՝ Թուրքիայի Հանրապետությանը:

Արագածոտնի մարզը հարուստ է պատմամշակութային հուշարձաններով, որոնք վերաբերում են մարդկության պատմության գրեթե բոլոր ժամանակաշրջաններին:

Օշականի Սուրբ Մեսրոպ Մաշտոց եկեղեցի



Օշական գյուղը գտնվում է Արագածոտնի մարզի Աշտարակի տարածաշրջանում՝ մարզկենտրոն Աշտարակ քաղաքից մոտ 6 կմ հարավ-արեւմուտք, Երեւանից 25 կմ հեռավորությամբ: Օշականի մուտքի մոտ սգ Մեսրոպ Մաշտոցի ծննդյան 1600-ամյակի առթիվ կանգնեցված է հուշարձան (1962 թ., ճարտարապետ՝ Ջին Թորոսյան). այն իրենից ներկայացնում է բացված գրքի նմանվող երկու հուշասալեր, որոնցից ձախակողմյանի վրա քանդակված է հայոց այբուբենը:

Օշականի կենտրոնում է գտնվում հայոց ամենանշանավոր սրբերից մեկի՝ սուրբ Մեսրոպ Մաշտոցի դամբարանը: Երբ 440 թ. փետրվարի 17-ին մայրաքաղաք Վաղարշապատում մահանում է հայոց գրերի ստեղծող սուրբ Մեսրոպ Մաշտոցը, իր աշակերտ, հազարապետ Վահան Ամատունին սրբի մարմինը տանում և անփոփոխ է Ամատունիների կալվածքում՝ Օշական գյուղում: Մոտ 443 թ. Մաշտոցի դամբարանի վրա Վահան Ամատու-

նին կառուցում է գմբեթավոր եկեղեցի: Հետագայում եկեղեցին բազմիցս ենթարկվել է ավերածությունների, սակայն կրկին ու կրկին վերաշինվել-վերանորոգվել է: Այն իր ներկայիս տեսքով վերակառուցվել է 1873-1879 թթ. և 1879 թ. հոկտեմբերի 21-ին օծվել:

1960-1964 թթ. Ամենայն Հայոց Կաթողիկոս Վազգեն Ա. Պալճյանի հոգածությամբ և բարերարների օժանդակությամբ՝ բարեկարգվել է եկեղեցու շրջակայքը, նորոգվել են Մեսրոպ Մաշտոցի դամբարանը և եկեղեցին, մեսրոպյան այբուբենի երկաթագիր տառերով քանդակագարդ կոթող է պատրաստվել, որը դրվել է դամբարանի արեւելյան խորշում (ճարտարապետ՝ Բ. Արզումանյան):

Օշականի Սուրբ Մեսրոպ Մաշտոց եկեղեցու տարածքը բարեգործական միջոցների հաշվին 2000 թ. բարեկարգվել է:

Յուրաքանչյուր հայ, աշխարհի որ ծագում էլ նա ապրի, իր հոգու պարտքն է համարում գոնե մեկ անգամ ուխտի գալ

Սուրբ Էջմիածին և Օշական:

Շատ առաջին դասարանցիներ ամեն տարի սեպտեմբերին այցելում են Օշական, Մաշտոցի շիրիմի մոտ հանդիսավոր երդում են տալիս խոստանալով լավ սովորել և անաղարտ պահել ու պահպանել մեր մեծասքանչ, ոսկեղենիկ մարտնչի լեզուն:

Գյուղից հյուսիս-արեւելք՝ «Մանկացոց» կոչվող վայրում, կանգուն է Սուրբ Սիոն եկեղեցին (VII դ.): Օշականում կանգուն է վաղ միջնադարյան ինքնատիպ կոթող (VI-VII դդ.), որն ավանդաբար համարվում է Մորիկ կայսեր կամ նրա մոր գերեզմանաքարը: Գյուղում և շրջակայքում պահպանվել են Սուրբ Թադեոս առաքյալ, Սուրբ Գրիգոր, Սուրբ Սարգիս, վիճակավոր Սուրբ Աստվածածին, Թուխ Մանուկ մատուռները (XIII դ.):

* * *

Հնավանդ ավանդազրույցի համաձայն՝ Նոյ Նահապետն ու իր ընտանիքը Մասիսի գագաթին նստած տապանում անհամբեր սպասում էին ջրերի իջնելուն և ցամաքի երեւալուն: Որոշ ժամանակ անց նրանք տեսնում են Արագած և Արայի լեռնագագաթները, ապա ստորոտը, սակայն դաշտը տակավին ծածկված էր ջրով, հետեւապես չէին համարձակվում փոփոխել իրենց վիճակը և դուրս գալ տապանից: Մի քանի օր անց կրկին

դուրս նայելով տապանի պատուհանից՝ տեսնում են ջրից ազատված Օշականի սքանչելի վայրերը և ծիրանափայլ չեչաքարերի բլուրը, որ մինչ օրս բոսորափայլ երանգուն է գյուղը, ապա զվարճացած բացականչում են. «Օ՛շ ական, օ՛շ ական...» Այսինքն՝ «Երանի՛ մեր աչքերին, որ տեսանք սա եւս ջրից ազատված»:

* * *

Իսկ Օշականի հանրահայտ Կաթնաղբյուրի անվան առաջացման մասին պատմում են հետեւյալ ավանդությունը. երբ 440 թ. Վաղարշապատում վախճանվում է սուրբ Մեսրոպ Մաշտոցը, իր աշակերտ և Հայոց հազարապետ Վահան Ամատունին համաձայնություն է ստանում իր հայրենի կալվածք Օշական գյուղում անփոփոխ պաշտելի ուսուցչի աճյունը: Վաղարշապատից Օշական շարժվող հուղարկավորների թափորը ճանապարհին, երկար քայլելուց ու ծարավից նեղվելով, դագաղը իջեցնում է գետնին մի փոքր հանգստանալու, ապա ճանապարհը շարունակելու: Հանկարծ հրաշքով պատռվում է այնտեղ ընկած քարը և միջից սկսում է զուլալ ու կաթնահամ աղբյուր բխել: Բոլոր հուղարկավորները խմում են այդ անուշահամ ջրից, հագեցնում ծարավը: Հրաշածին աղբյուրը ստանում է Կաթնաղբյուր անունը:

Ամբերդի Սուրբ Աստվածածին եկեղեցի



Արագածոտնի մարզի նշանավոր սրբավայրերից է Սուրբ Աստվածածին եկեղեցին, որը գտնվում է Ամբերդի համալիրում՝ ծովի մակարդակից շուրջ 2300 մ բարձրության վրա: Ամբերդ ամրոցը գտնվում է Երեւանից մոտ 65 կմ հյուսիս-արեւմուտք, իսկ Բյուրականից մոտ 7 կմ հեռավորության վրա: Ամրոցը կառուցվել է Ամբերդ և Արքաշեն (Արխաշան) գետերի միախառնման վայրում գտնվող եռանկյունաձև հրվանդանի վրա: Համալիրը ներառում է ամրոցից պահպանված պարսպամասերը, դղյակը, դղյակի մուտքը, Արքաշենի և Ամբերդածորի դարպասները, մատուռը, ձիթհանը, խմելու ջրի ցանցն ու ջրամբարները, բաղնիքը և Վահրամաշեն Սուրբ Աստվածածին (Կաթողիկե) եկեղեցին, ինչպես նաև արտաքին պաշտպանական կառույցներ և դեպի կիրճ տանող սալարկված գաղտնուղին:

Որոշ աղբյուրների համաձայն՝ դղյակը և պարսպամասերի մի մասը կառուցել են ամրոցի տեր Կամսարական իշխանները (VII դ.): Հետագայում (X դ. սկիզբ) բերդն անցել է նշանավոր Պահլավունի իշխանների ձեռքը:

Պահլավունի իշխանների նստավայր դարձած Ամբերդում նշանավոր պետական և ռազմական գործիչ (980-1020 թթ.) Իշխանաց իշխան, 1020-1045 թթ. Հայոց սպարապետ, իշխան Վահրամ Պահլավունին 1026 թ. կառուցել է Սուրբ Աստվածածին եկեղեցին, որի կառուցման մասին վկայում է հյուսիսային մուտքին պահպանված արձանագրությունը:

Եկեղեցին արտաքուստ ուղղանկյուն է, ներքուստ՝ խաչաձև հատակագծով, հովհարաձև վեղարով կենտրոնազմբեթ կառույց է:

Հարունակությունը էջ 17



Արագածոտնի մարզի նշանավոր վանքերն ու եկեղեցիները

սկիզբը՝ էջ 16

Ամբերդի եկեղեցին Հայաստանում այն առաջին եկեղեցիներից է, որոնց խաչաթելերի չորս անկյուններում կառուցված են կրկնահարկ ավանդատներ: Ավանդատների անկյուններից բարձրացող կամարներն իրենց վրա կրում են 12-նիստանի թմբուկը: Եկեղեցին համաչափ է, ունի զուսպ արտաքին հարդարանք եւ ներքաշնակում է շրջապատին: Հարավային կող-

մուն գտնվում է հոյաշեն սյունափնջերով զարդարված կամարակապ մուտքը:

Եկեղեցու շրջակայքում կան խաչքարեր: Դրանցից մեկը հենված է եկեղեցու պատին, ունի պարզ հորինվածք եւ խաչքարային արվեստի վաղ ու սիրուն օրինակներից է. այն ստեղծվել է եկեղեցու կառուցումից շատ տարիներ առաջ: Խաչի ներքեւում փորագրված է հստակ ուրվագծվող, բայց համեստ Կենաց ծառը՝ չորս զույգ օղակներով:

Աշտարակի Սուրբ Աստվածածին (Կարմրավոր) եկեղեցի



Կարմրավոր (Սուրբ Աստվածածին) եկեղեցին գտնվում է Աշտարակի հյուսիս-արեւելյան բարձրադիր մասում: Կառուցվել է VII դ.: Այն խաչածեղ գմբեթավոր փոքր կառույցներին բնորոշ է անաղարտ պահպանված մուկներից է: Այս տիպը Հայաստանում զարգացած է եղել դեռեւս V դ. եւ ունեցել բազմաթիվ օրինակներ: Կարմրավորը արտաքուստ եւ ներքուստ խաչածեղ գմբեթավոր եկեղեցի է: Ութանիստ թմբուկը պսակված է կղմինդրածածկ կորագիծ վեղարով, որը մուկանյութ եւ մմանածեւ տարրի պահպանված հնագույն օրինակն է: Հարավային, արեւելյան եւ հյուսիսային որմերը երիզված են մեկտողանոց շինարարական արձանագրությամբ: Ներսում պահպանվել են որմնանկարների մնացորդներ: Վարպետորեն ընտրված համաչափությունների շնորհիվ ներդաշնակված ծավալներով կառույցը թողնում է միաձուլ արձանի տպավորություն: Կարմրավորի շուրջը կան շատ հետաքրքիր խաչքարեր, որոնցից առավել հայտնի է Ծակքարը (1268 թ.), որն իր անունը ստացել է պատվանդանում ունեցած անցքից:

* * *
Շուխունց նկարագրող (ունի 13 մանրանկար) Ավետարանը գրվել է 1669 թ. Խոջա Մանասի պատվերով եւ Նոր Ջուղայի Սուրբ Ամենափրկիչ վանքի կրոնավոր Բարսեղի ձեռքով: 1750–1760 թթ. Ավետարանն արդեն գտնվում էր Աշտարակում եւ Շուխյան գերդաստանի սեփականությունն էր: Ավետարանը եկեղեցուն նվիրաբերելուց հետո դարձել է ամբողջ Աշտարակի պարծանքը, սրբությունը եւ հայտնի է եղել «Շուխունց Ավետարան» անունով: Աշտարակից ու նրա եկեղեցիներից խորհրդային իշխանության տարիներին իրականացրած բռնագրավումների հետեւանքով Ավետարանը, ի վերջո, հանգրվանել է Մատենադարանում:

Կարմրավորը կուսանաց վանք (կուսանոց) է եղել: Այնտեղ մինչ օրս պահվում են ուշադրության արժանի երկու հնություններ: Դրանցից առաջինը մի հնդկական նկարագրով վարագույր է, որը բերվել էր 1798–1799 թթ., Կալկաթայից, մյուսը՝ «Շուխունց Ավետարան»-ը. այս ձեռագիր Ավետարանը 1873 թ. նվիրաբերել է աշտարակցի Շուխյանց ընտանիքը: Այստեղ է գտնվում նաեւ հայ անվանի բանաստեղծ Գեւորգ Էմինի գերեզմանը:

Արդեն գեղեցիկ ավանդույթ է դարձել, երբ ամեն տարի Սրբոց Թարգմանչաց տոնի առիթով՝ Արագածոտնի թեմի առաջնորդանիստ Օշականի Սուրբ Մեսրոպ Մաշտոց եկեղեցուն մատուցվող ուխտի սուրբ պատարագին Մեսրոպ Մաշտոցի անվան հին ձեռագրերի գիտահետազոտական ինստիտուտի՝ Մատենադարանի պահոցից դուրս է բերվում եւ Օշական տարվում ավելի քան երկու դար Աշտարակի սրբություն հանդիսացող, Սուրբ Ամենափրկիչ եւ Սուրբ Կարմրավոր եկեղեցիներում երկար ժամանակ հանգրվանած Շուխունց հրաշագործ սուրբ Ավետարանը, որպեսզի ուխտավոր հայորդիները հնարավորություն ունենան հավելելու եւ օրհնություն ստանալու այդ գորավոր Ավետարանից:

շարունակությունը էջ 18



Աշտարակի Սուրբ Աստվածածին (Ծիրանավոր) եկեղեցի



ՀՀ Արագածոտնի մարզկենտրոն Աշտարակ քաղաքը գտնվում է ծովի մակարդակից մոտ 1130 մ բարձրության վրա՝ Քասաղ գետի երկու ափերի ընդարձակ հարթության վրա, քաղաքամայր Երեւանից մոտ 22 կմ հեռավորության վրա: Հնուն մտել է Մեծ Հայքի Այրարատա շխարհի Արագածոտն գավառի մեջ: Լինելով հին բնակատեղի՝ Աշտարակը հարուստ է պատմաճարտարապետական արժեքավոր կոթողներով:

1988 թ. կազմակերպվել են պեղումներ, հեռացվել է արեւմտյան ճակատի կրկնապատը, հայտնաբերվել Գագիկ Ա. Բագրատունի արքայի (990-1020 թթ.) թողած արձանագրությունը (1013 թ.):

* * *

Հինավուրց ավանդազրույցը մեզ է փոխանցում մի տխուր հուշ՝ կապված Աշտարակ քաղաքի երեք եկեղեցիների՝ Ծիրանավորի, Կարմրավորի ու Սպիտակավորի կառուցման մասին:

Աշտարակի այն մասում, որը նախկինում անվանվել է ամրոցային, կանգնած է այստեղի ամենահին եկեղեցին՝ Ծիրանավորը: Այն կառուցել է Ներսես Բ. Բագրեւանդցի կաթողիկոսը (548–557 թթ.):

Ամհիշելի ժամանակներում Աշտարակում ապրող երեք գեղանի քույրեր սիրահարվում են Սարգիս անունով մի երիտասարդի: Քանի որ քույրերն այնքան էին իրար սիրում եւ այնքան կապված էին միմյանց, որ մուկնիսկ մի անձան, չնչին գաղտնիք չունեին միմյանցից, իմանում են, որ իրենք՝ երեք քույրերն էլ սիրահարվել են Սարգիսին: Ավագ երկու քույրերը որոշում են իրենց գոհաբերել, միայն թե կրտսեր քրոջը երջանկություն պարգևեն: Կրտսեր քրոջ սիրո ճանապարհն անխոչընդոտ դարձնելու համար ավագ քույրերը ծիրանագույն ու կարմիր զգեստ են հագնում եւ իրենց նետում են Քասաղի անդնդախոր ձորը: Այս լուրն իմանալով ու չցանկանալով ավագ քույրերի կյանքի գնով երջանկանալ՝ փոքր քույրը, սպիտակ զգեստ հագնելով, գահավիժում է Քասաղի ձորը:

Ծիրանավորը (Սուրբ Աստվածածին) ուղղանկյուն հատակագծով, պայտածեղ խորանով, նրանից աջ ու ձախ երկու ավանդատներով, թաղածածկ եռանավ բազիլիկ է: Հետագա դարերում հյուսիսային եւ արեւմտյան պատերը կրկնակել են, հարավից ավելացրել հրակնատներ եւ օգտագործել որպես ամրոց: Պահպանվել են որմերը, խորանը՝ սենյակներով եւ հարավային նավը: Ներքուստ նշմարելի են արեւմտյան զույգ լուսամուտները: Արեւելյան ճակատին կան ատամնաշար քիվի մնացորդներ:

Դժբախտ Սարգիսը, ծանր վշտից կոտրված սրտով, դառնում է ճգնավոր: Հետագայում կարելից ու ավանդապահ ժողովուրդի աջակցությամբ Սարգիս ճգնավորը Քասաղի ձորի եզերքին երեք եկեղեցի է կառուցում եւ, ի հավերժումն բարեհոգի, սիրասուն քույրերի հիշատակի, անվանում Ծիրանավոր, Կարմրավոր ու Սպիտակավոր:

Հին բազիլիկը շրջապատված է եղել պարիսպներով, որոնք շինությանը հարողել էին դղյակի տեսք: Գտնվելով Քասաղ գետի ձորեզրին այն կատարել է նաեւ պատշտպանողական կառույցի դեր, այդ պատճառով էլ անվանվել է նաեւ Փոկաբերդ:

1827 թ. երկրաշարժից եկեղեցին զգալիորեն տուժել է, փլուզվել են տանիքը, հյուսիսային կողմի մույթերը: 1962 թ. փլատակների մաքրման եւ ամրակայման աշխատանքներ են կատարվել, իսկ

Արագածոտնի մարզի նշանավոր վանքերն ու եկեղեցիները

սկզբը՝ էջ 17

Աշտարակի Սուրբ Աստվածածին (Սպիտակավոր) եկեղեցի

Սուրբ Աստվածածին (Սպիտակավոր) եկեղեցին գտնվում է Աշտարակի հնագույն հատվածի՝ Բերդաթաղի հարավային մասում՝ Քասաղ գետի աջ ձորագրին՝ փոքրիկ հրվանդանի վրա: Եկեղեցին նաև դիտարկվում է ծառայել՝ հսկելով դիմացի լանջով դեպի կամուրջ իջնող ու Բերդա-

մանք: Եկեղեցին եղել է գմբեթավոր, կառուցվել է քառակուսի հիմնատակի եզրածեղծով՝ ձգվող կամարների վրա: Խաչվող կամարների վրա բարձրացել է գմբեթը: Սպիտակավորն ունի երկու մուտք՝ հարավից, որը բացվում է ուղիղ ձորագրին, եւ արեւմուտքից, որը գլխա-



թաղ բարձրացող ճանապարհը: Սուրբ Աստվածածին (Սպիտակավոր) եկեղեցին կառուցվել է XIII դարի սկզբին: Հավանական է, որ եկեղեցին կառուցվել է ավելի վաղ հիմնադրված եկեղեցու տեղում: Կառուցվել է դեղնակարմրագույն սրբատաշ տուֆով՝ կրաշաղախի օգտագործ-

վոր մուտքն է: Սուրբ Աստվածածին (Սպիտակավոր) եկեղեցին զգալիորեն վնասվել է երկրաշարժերից, գտնվում է կիսավեր վիճակում: Նախատեսվում է իրականացնել եկեղեցու ամրակայման եւ վերականգնման աշխատանքներ:

Աշտարակի Սուրբ Սարգիս եկեղեցի



Քասաղ գետի ձորագրին գտնվող Աշտարակի Սուրբ Սարգիս եկեղեցին կառուցվել է XIX դարում, հին եկեղեցու (հավանաբար XIII դ. կառույց) տեղում: Գմբեթավոր Ս. Սարգիս եկեղեցու թմբուկը զարդարված է չորս փոքրիկ պատուհաններով: Եկեղեցու ներքին քարերը փոխված չեն, սակայն ճակատը վերջերս ենթարկվել է վերանորոգման: Սուրբ Սարգիսը նոր տեսք ունի, սակայն հին քարերի արձանագրությունները եւ քանդակները

վկայում են եկեղեցու՝ ավելի վաղ ժամանակաշրջանի կառույց լինելու մասին: Սուրբ Սարգիս եկեղեցուց առիճքնող, գեղեցիկ տեսարան է բացվում դեպի Աշտարակի երեք եկեղեցիները՝ Կարմրավորը, Սպիտակավորը եւ Ծիրանավորը: Աշտարակի Սուրբ Սարգիս եկեղեցին վերանորոգվել է 1985 թ.: ճարտարապետ Յ. Գասպարյանի ղեկավարությամբ եւ Աշտարակի գործկոմի նախագահ Ալֆրեդ Շահնազարյանի ջանքերով:

Աշտարակի Սուրբ Մարինե եկեղեցի



Սուրբ Մարինե եկեղեցին գտնվում է Աշտարակ քաղաքի հյուսիս-արեւելքում: Կառուցվել է 1281 թ., դարչնագույն սրբատաշ տուֆից: Եկեղեցին ունի շեշտված վերձիգ համաչափություններ, ճակատների միասնան, պարզ մշակում: Հարդարանքից ուշագրավ են պատուհանների կիսազլանային հատվածի քառակուսի պարակալները՝ խաչածեղծ դասավորված եռաթեւ հավելումներով: Կառույցը պատկանում է ներքուստ՝ խաչածեղծ, արտաքուստ՝ ուղղանկյուն հիմքով, «գմբեթավոր սրահ» տիպի եկեղեցիների շարքին: Աղոթարարի արեւելյան՝ ավագ խորանի երկու կողմերում, տեղադրված են կրկնահարկ ավանդատներ: Գմբեթատակ քառակուսուց անցումը դեպի թմբուկը իրականացված է առագաստների միջոցով: Թմբուկը ներքուստ շրջանածեղծ է, արտաքուստ՝ տասանիստ, բոլոր տասը նիստերին բացված են եղել պատուհաններ: Եկեղեցին ունի երկու մուտք՝ հարավային եւ արեւմտյան ճակատներից: Հարավային խաչաթեւի կտուրի զանգաշտարակը կառուցվել է 1838 թ.: Շուրջը պահպանվել են խոշոր, անմշակ բազալտով շարված պարսպի մնացորդներ:

ղեցկատես մի քահանա: Դժբախտաբար, այս քահանան վաղաժամ այրիանում է՝ զրկվելով իր սիրեցյալ երեցկուցից: Որոշ ժամանակ անց՝ այրիացյալ քահանան կրկնամուսնության խնդրանքով դիմում է կաթողիկոսին: Կաթողիկոսը մերժում է քահանայի խնդրանքը: Բայց որպեսզի քահանային խորհրդածելու ժամանակ տա, որ նա այդ ընթացքում վերջնական որոշում կայացնի կրկին ամուսնանալու կամ ամուսնանալու մտադրությունից հրաժարվելու, կաթողիկոսը քահանային պատվիրում է վերջնական որոշում կայացնելուց առաջ մի եկեղեցի կառուցել: Քահանային հաջողվում է երկարուժիգ տարիների տքնաջան աշխատանքով գործը գլուխ բերել ու կառուցել է Սուրբ Մարինե եկեղեցին: Վեհաշուք եկեղեցին կառուցելուց հետո քահանան նույն խնդրանքով նորից է դիմում կաթողիկոսին: Վեհափառը քահանային կրկնամուսնության թույլտվություն է շնորհում՝ պատվիրելով ամուսնանալուց առաջ եկեղեցին առնել ամուր ու բարձրաբերձ շրջապարիսպների մեջ, իսկ ճգնակյացների համար մենախցեր կառուցել: Քահանան խոնարհությամբ իրականացնում է կաթողիկոսի պատվերը: Սակայն, արդեն ալեհեր դարձած քահանան, հրաժարվում է ամուսնանալու ցանկությունից, դառնում է ճգնավոր եւ ապաշխարում միաբանակից եղբայրների հետ իր իսկ կառուցած եկեղեցում:

* * *

Աշտարակում մի ուշագրավ ավանդություն է պահպանվել Սուրբ Մարինե եկեղեցու կառուցման մասին: Հին ժամանակներում Աշտարակի եկեղեցիներից մեկում քահանայագործել է երիտասարդ ու գե-


շարունակությունը էջ 19



Արագածոտնի մարզի նշանավոր վանքերն ու եկեղեցիները

սկզբը՝ էջ 18

Աղք (Աղծք)



Աղծք գյուղը գտնվում է Աշտարակի տարածաշրջանում, Աշտարակ քաղաքից 7-8 կմ հյուսիս-արևմուտք: Այստեղից էր Հայոց կաթողիկոս Կոմիտաս Ա Աղցեցին: Գյուղը նշանավոր է IV դ. կեսերին կառուցված դամբարանով, ուր ամփոփված էին հայ Արշակունի արքաների աճյունները, ինչպես նաև V դ. մի բազիլիկ եկեղեցով, որը վերակառուցվել է XIX դարում: Դամբարանը կանգուն է մնացել մինչև

չեւ Արշակունյաց թագավորության անկումը (428 թ.): Հետագայում այն մեծապես վնասվել ու ավերվել է բազմաթիվ ասպատակությունների ու երկրաշարժերի հետևանքով: Աղծքի դամբարանը դարձել է Հայոց երկրի ոգեղեն ուժի, անպարտելիության ու ազատատենչության խորհրդանիշ, որի ընկալումը, արժեւորումն ու պահպանումը կարևոր են ինչպես մեր, այնպես էլ հետագա սերունդների համար:

Սուրբ Աստվածընկալ Վանք



Արագածոտնի մարզի Ապարանի տարածաշրջանի Երնջատափ գյուղը գտնվում է ծովի մակարդակից մոտ 1850 մ բարձրության վրա, մայրաքաղաք Երեւանից մոտ 45 կմ հյուսիս-արևմուտք, մարզկենտրոն Աշտարակ քաղաքից մոտ 35 կմ հյուսիս-արևելք, իսկ Ապարան քաղաքից մոտ 25 կմ հարավ-արևելք հեռավորության վրա: Երնջատափ գյուղից մոտ 2-3 կմ արևմուտք՝ Քասաղ գետի աջ ափին՝ բլրի վրա, գտնվում է Սուրբ Աստվածընկալ վանքը, որի հնագույն կառույցը V դ. միանավ բազիլիկ եկեղեցին է: Համալիրի գլխավոր՝ Սուրբ Աստվածածին եկեղեցին թաղածածկ կառույց է, արտաքուստ՝ ուղղանկյուն քառակուսի է,

ներսից՝ խաչածե: Ունի չորս անկյունային ավանդատուն եւ ընդարձակ գավիթ, պայտածե կամարներ, ներքին որմնասյուների հնագույն տիպի խարիսխներ եւ խոյակներ, երկու մուտք՝ հյուսիսային եւ հարավային կողմերին: Հարավային կողմից եկեղեցուն կցված են պայտածե խորանով մատուռ եւ ներփակ սենյակ, որը, ըստ Թ. Թորամանյանի, կարող էր լինել վկայարան-դամբարան: Հարավարևելյան մեկուսի սյան վրա պահպանվել է արձանագրություն՝ «ՁՅՈՂՅԱՆԵՍ ՅԱՂԱԻԹՍ ՅԻՇԵՑԷ...»: Եկեղեցին 1207 թ. նորոգվել է, հաստատվել է վանական միաբանություն, իսկ 1244 թ. Վաչուտյան Քուրդ իշխանն ու իր կին Խորիշահը

Սուրբ Աստվածածին եկեղեցու հյուսիսային կողմում կառուցել են Սուրբ Նշան եկեղեցին եւ վանքին նվիրել այգիներ: Սուրբ Նշան եկեղեցին «գմբեթավոր դահլիճ» տիպի հորինվածքով է, ունի մեկ զույգ որմնամույթեր, իսկ սեղանի հիմքում ամփոփվել են Հակոբոս առաքյալի մասունքները (կողը): Եկեղեցու խորանի երկու կողմերում կան կրկնահարկ ավանդատներ: Առաջին հարկի ավանդատների դռները բացվում են սրահի մեջ, իսկ երկրորդ հարկի ավանդատների մուտքերը բեմի կողմից են: Սուրբ Նշան եկեղեցին ունի երկու մուտք, որոնցից հարավայինը բացվում է բազիլիկ եկեղեցու մեջ, իսկ մյուսը արեւմտյան կողմում է: Եկեղեցու արեւելյան եւ հյուսիսային պատերը մշակված են եռանկյունաձեւ խորշերով: Առավել ուշագրավ են եկեղեցու արեւմտյան շքամուտքի բարավորի բարձրաքանդակները: XIII դ. ճարտարապետ Յոհանես վարդապետը, իշխան Քուրդ Վաչուտյանի եւ իր կնոջ՝ Խորիշահի մեկենասությամբ, Սուրբ Նշան եկեղեցուն արեւմուտքից կից կառուցել է քառասյուն, կենտրոնակազմ գավիթ՝ երդիկավոր գմբեթով (այժմ՝ կիսավեր): Գավթի հատակը ամբողջությամբ ծածկված է տապանաքարերով: Վանքի կիսավեր պարսպապատ բակում կան տապանա-


տուն-մատուռ (XIII դ.), XII-XV դդ. խաչքարեր ու տապանաքարեր: Վերջին տարիներին վանքում ընթանում են վերանորոգման աշխատանքներ:

* * *

Ավանդաբար պատմում են, որ հին ժամանակներում այս ձորում գտնվող սրբատեղիներից մեկում պահվել է Տիրոջ խաչափայտի՝ Աստվածընկալ սուրբ խաչի մի մասունք, որով, ըստ ավանդության, Հովհաննես Մկրտիչը մկրտել է Հիսուս Քրիստոսին: Տերունական այս սրբության շնորհիվ էլ եկեղեցին հռչակվել է եւ Տիրոջ խաչափայտի պատվին էլ ստացել Աստվածընկալ Սուրբ Նշան անունը: Հետագայում ձորը եւս սկսել են կոչել «Աստվածընկալի ձոր»:

Մեկ այլ ավանդությամբ՝ Աստվածընկալ վանքն իր անունը ստացել է Տիրոջ խաչափայտի մասունքով հայտնի քանդակագարը մասնատուփի (հավանաբար՝ Արագածի Սուրբ Նշանի պահարանի) խաչից, որի օրինակով նաեւ խաչքար է պատրաստվել: Հովի. Շահխաթունյանը Մայր Աթոռում պահվող սրբություններից նկարագրում է «տապանակ փոքրադիր արծաթի հարթ շինուածով. սա անուանի Աստուածընկալ Սուրբ Նշան, գուցէ իցէ Աստուածընկալ վանացն ի Նիգ գաւառի»:

Ավանի Սուրբ Աստվածածին եկեղեցի



Արագածոտնի մարզի Աշտարակի տարածաշրջանի Ավան գյուղը գտնվում է ծովի մակարդակից մոտ 1680 մ բարձրության վրա, մայրաքաղաք Երեւանից մոտ 50 կմ հյուսիս-արևմուտք, իսկ մարզկենտրոն Աշտարակ քաղաքից մոտ 25 կմ հյուսիս-արևմուտք՝ Երեւան-Գյումրի ավտոձուղու աջ կողմում: Ավան գյուղում կիսավեր վիճակում պահպանվել է Սուրբ Աստվածածին եկեղեցին: Այն ունի վաղմիջնադարյան հայկական եկեղեցաշինությանը բնորոշ միանավ բազիլիկի ձեւ՝ ուղղանկյուն հատակագծով: Ավանի Սուրբ Աստվածածին եկեղեցին, ըստ ճարտարապետ Թ. Թորամանյանի, կառուցվել է V դարում: Միջին մեծության եկեղեցի է, կանգուն են արեւելյան, հյուսիսային եւ արեւմտյան պատերը: Հարավային պատը փլված է, պահպանվել են պատի որոշ մնացորդներ: Դուռը արեւմտյան կողմից է: Պատուհանների կիսաբոլորակ վերջավորությամբ աղեղները պայտածե են, պայտածե է նաեւ ավազ խորանի վերելի կամարի աղեղը, խորանի հատակագիծը եւս թեթեւ պայտածե է: Խորանի երկու կող-

մերի որմնասյուները իրենց խոյակների վրա ունեն հավասարաթեւ փոքր խաչեր: Եկեղեցու կառուցման համար գործածված շաղախը մութ գորշագույն է: Ըստ պատմաբան Ա. Մանուչարյանի՝ Ավանի Սուրբ Աստվածածին խոնարհված եկեղեցին հայ մատենագրության մեջ Արագածոտն գավառում հիշատակված մեծահռչակ Սուրբ Աստվածածին կրթարան-վանքից պահպանված հիշատակն է: Վաղմիջնադարյան Հայաստանի նշանավոր կրթարաններից Արագածոտնի Սուրբ Աստվածածին դարեվանքի հիմնադրումը կապված է VII դ. հայտնի գիտնական, աստվածաբան, մանկավարժ Թեոդորոս Քոթենավորի անվան հետ, որը եղել է այդ վանքի վանահայրը: Այս դարեվանքում ուսուցչապետ Թեոդորոս Քոթենավորին աշակերտել են հետագայում Հայոց կաթողիկոսներ դարձած Սահակ Չորափորեցին եւ սուրբ Հովհան Օձնեցին:

(Հարունակելի)
Արման ՄԱԼՈՅԱՆ,
պատմական գիտությունների
բեկնածու

Հայտարարություն

Հայտարարվում է մրցույթ՝ ՀՀ Շիրակի մարզի «Կանոնների մրցանակարդ դպրոց» ՊՈՒՍԿ-ի տեխնոլոգիայի (4 դասաժամ), քիմիայի (10 դասաժամ) ուսուցչի թափուր տեղերի համար:

Մրցույթն անցկացվում է երկու փուլով՝ թեստավորման և հարցազրույցի: Թեստավորման փուլն անցկացվում է՝ ըստ ՀՀ ԿԳՄՍՆ մշակած հարցաշարի: Հարցազրույցի փուլի հարցաշարը կազմում է հաստատությունը և յուրաքանչյուր մասնակցի հետ հարցազրույցն անցկացնում առանձին:

Մրցույթին մասնակցելու համար պետք է ներկայացնել՝

- դիմում (Ձև 1), մեկ լուսանկար 3x4 չափի,
- բարձրագույն կրթությունը հավաստող փաստաթուղթ (դիպլոմ),
- անձը հաստատող փաստաթուղթ,
- «Հանրակրթության մասին» ՀՀ օրենքի 26-րդ հոդվածի 1-ին մասին համապատասխան աշխատանքային ստաժի վերաբերյալ տեղեկանք աշխատավայրից և աշխատանքային գրքույկի պատճենը (առկայության դեպքում),
- ինքնակենսագրություն (Ձև 5),
- այլ պետությունների քաղաքացիները՝ ՀՀ-ում աշխատելու իրավունքը հավաստող փաստաթուղթ,
- ՀՀ արական սեռի քաղաքացիները՝ նաև զինվորական գրքույկ,
- հրատարակված հոդվածների ցանկ կամ գիտական կոչումը հավաստող փաստաթղթեր (առկայության դեպքում),
- որակավորման տարակարգ ունենալու դեպքում հավաստող փաստաթուղթ:

Տնօրենի կողմից նշանակված պատասխանատու անձը փաստաթղթերի բնօրինակները համեմատում է պատճենների հետ և բնօրինակները վերադարձնում: Եթե ներկայացված փաստաթղթերի ցանկն ամբողջական չէ կամ առկա են բերականություն, մասնակիցը կարող է մինչև փաստաթղթերի ընդունման ժամկետի ավարտը վերացնել և համալրել դրանք:

Փաստաթղթերն ընունվում են մինչև մայիսի 6-ը ներառյալ, ամեն օր՝ ժամը 10:00-ից 15:00-ը, բացի շաբաթ, կիրակի և այլ ոչ աշխատանքային օրերից:

Մրցույթը տեղի կունենա մայիսի 14-ին՝ ժամը 12:00-ին, ՀՀ Շիրակի մարզի Կանոնների մրցանակարդ դպրոցում, հասցեն՝ Գ. Կանոնու, Կանոնի խճուղի 12:

Տեղեկությունների համար զանգահարել (093) 85-84-35 հեռախոսահամարով:



«Կրթություն» շաբաթաթերթ բաժանորդագրվելու համար դիմեք մոտակա փոստային բաժանմունքներին:



ՀԻՄՆԱԳԻՐ՝ ՀՀ ԿԳՄՍՆ «Կրթություն» թերթի խմբագրություն» ՓԲԸ

Հայտարարություն

Ակսվել է 2023-2024 ուստարվա շրջանավարտների պետական ավարտական և 2024 թվականի բուհերի ընդունելության համար բուհի և մասնագիտության ընտրության և ընտրած մասնագիտության համար սահմանված միասնական և ներբուհական քննությունների հայտագրման գործընթացը:

Շրջանավարտը (դիմորդը) բուհը և մասնագիտությունը նշելու և նշված մասնագիտության համար սահմանված ընդունելության (միասնական, ներբուհական) քննություն(ներ)ը հանձնելու կամ հանձնած քննություն(ներ)ը մուտքագրելու համար պետք է ունենա ԳԹԿ անձնական համար և մինչև մայիսի 10-ը առցանց եղանակով Գնահատման և թեստավորման կենտրոնի dimord.am կայքէջում լրացնի ընդունելության դիմում-հայտ: ԳԹԿ անձնական համար ստանալու համար շրջանավարտը (դիմորդը) դիմում է իր ուսումնական հաստատության տնօրենին, իսկ նախորդ տարիների և 2023-2024 ուստարվա նախնական և միջին մասնագիտական ուսումնական հաստատությունների շրջանավարտները դիմում են իրենց բնակության վայրի՝ այդ նպատակով առանձնացված ուսումնական հաստատության տնօրենին: Առանձնացված ուսումնական հաստատությունների ցանկը ներկայացված է հավելվածում: Ուսումնական հաստատության տնօրենը ստուգում է ընդունելության քննություն հայտագրել ցանկացող դիմորդի՝ ՀՀ ֆինանսների նախարարությունում Գնահատման և թեստավորման կենտրոնի 900018003401 հաշվեհամարին յուրաքանչյուր քննության համար փոխանցված 1500 (մեկ հազար հինգ հարյուր) դրամ վճարի անդորրագրի առկայությունը կամ վճարից ազատված լինելու փաստաթուղթը և, եթե չի

մասնակցել միասնական քննությունների առաջին (հունվար-փետրվար) փուլին, ապա տալիս է ԳԹԿ անձնական համար: Առաջին փուլի (հունվար-փետրվար) միասնական քննություններին մասնակցած շրջանավարտ-դիմորդը հայտագրման ժամանակ օգտագործում է ԳԹԿ նախկին անձնական համարը: Ընդունելության դիմում-հայտը լրացնելու համար անհրաժեշտ է նաև՝

- 3x4 չափի լուսանկարի էլեկտրոնային տարբերակը,
- անձնագրի կամ ծննդյան վկայականի պատճենը,
Միասնական քննությունների վճարից ազատվում են՝
- պարտադիր ժամկետային ծառայությունից զորացրված անձինք,
- 1-ին և 2-րդ խմբերի և մինչև 18 տարեկան մանկուց հաշմանդամները,
- ՀՀ պաշտպանության ժամանակ զոհված զինծառայողների երեխաները,
- առանց ծնողական խնամքի մնացած մինչև 23 տարեկան անձինք:

Վերոգրյալ խմբերին պատկանող անձինք դիմում-հայտին համապատասխանաբար կցում են զինվորական գրքույկի պատճենը, հաշմանդամության տեղեկանքի պատճենը, ՀՀ պաշտպանության նախարարության, ՀՀ ՆԳ նախարարության և ՀՀ կառավարությանն առընթեր ազգային անվտանգության ծառայության կողմից տրված տեղեկանքների պատճենները, ինչպես նաև առանց ծնողական խնամքի մնացած լինելու վերաբերյալ համապատասխան փաստաթղթերի պատճենները:

Առանձնացված ուսումնական հաստատությունների ցանկը

Նախորդ տարիների, նախնական ու միջին մասնագիտական ուսումնական հաստատությունների շրջանավարտները, որոնք բուհ ընդունվելու համար հանձնելու են միասնական քննություններ «Հայոց լեզու և հայ գրականություն», «Մաթեմատիկա», «Հայոց պատմություն», «Ռուսաց լեզու», «Օտար լեզու» (անգլերեն, ֆրանսերեն, գերմաներեն, իսպաներեն, պարսկերեն, իտալերեն), «Քիմիա», «Ֆիզիկա», «Աշխարհագրություն», «Կենսաբանություն» առարկաներից, դիմում-հայտը լրացնում են իրենց բնակության վայրի՝ այդ նպատակով առանձնացված հետևյալ ուսումնական հաստատություններում:

Table with 2 columns: Երևան, Կոտայքի մարզ, Գեղարքունիքի մարզ, Արագածոտնի մարզ. Lists various educational institutions and their addresses.

Table with 2 columns: Վայոց ձորի մարզ, Արարատի մարզ, Սյունիքի մարզ, Լոռու մարզ, Շիրակի մարզ, Արմավիրի մարզ, Տավուշի մարզ. Lists various educational institutions and their addresses.

Գնահատման և թեստավորման կենտրոն

«Կրթություն» շաբաթաթերթի հաջորդ համարը լույս կտեսնի մայիսի 8-ին

Գրանցման վկայական՝ 01U-049349, Տրված է՝ 11.01.2001թ. Դասիչ՝ 69312, Հասցեն՝ ՏԻԳՐԱՆ Մեծի 67, E-mail: krtutun@yandex.ru, Հեռ. (043) 57 49 56, (043) 57 49 51. Խմբագրությունը ստացված թղթակցությունները և նամակները չի գրախոսում և ետ չի վերադարձնում: Չպատվիրված հոդվածների համար հոնորար չի վճարվում: Գովազդային նյութերի բովանդակության համար խմբագրությունը պատասխանատվություն չի կրում: Հղումը պարտադիր է: Տպագրվում է «Գինդ» տպարան ՍՊԸ, ք. Երևան, Բագրատունյաց 70 ա: Տպաքանակը՝ 1000: Ծավալը՝ 6 տպագրական մամուլ: Ստորագրված է տպագրության՝ 23.04.2024թ. Գինը՝ 400 դրամ: Համարի պատասխանատու՝ Գլխավոր խմբագիր՝ Գագիկ ՄԻՆԱՅԱՆ